

COMMEN-
TARIITRES. VE-
RAM PRISCI IVRIS
ANTIQUITATVMQVE AD
hunc vsq; diem incognitarum expli-
cationem continentes, quo-
rum sunt :

- I. De veris vsucapionum differentijs ad-
uersus Tribonianum, liber singularis.
- II. Ad legem Scriboniam liber singularis.
- III. Ad leges duodecim tabularum liber sin-
gularis.



COMPTON

TABLES

OF THE

ARTS AND

MANUFACTURES

OF GREAT BRITAIN

AND IRELAND

IN THE YEAR 1801

BY J. COMPTON



Printed by J. Compton, at the ...

IACOBVS

CRVQVIVS

MESSINIVS LECTO-

RICANDO.

IN HUMANIS rebus candide Lector ea primam laudem me-

rentur quæ rempublicam potissimum iuvant & constituunt.

Alia studia quæ priuatim quidem ad voluptatē, publicè verò ad ostentationē exercentur, profectò non tam utilia communitati censenda sunt quam grata suis amatorib. & plausibilia. Quemadmodum perpe-

)(2 tua *

tuarum rerum contemplatio
præclara res est, quod illa nec
alterationi, nec mutationi cui-
cunq; sint obnoxia, quales sunt
decem primi fontes rerum quæ
vel esse vel inesse dicuntur. Uc-
rum multo præclarior est ani-
maduersio singularū, quæ nunc
oriuntur, nunc occidunt naturæ
quadam vicissitudine, quæ cau-
sa prima est & postrema rerū
omnium, quas res per causas
nosse scire est. Quam ego consi-
derationem (quando homo na-
tus sit homini) ad res gerendas
magis appositam dixerim atq;
adeo necessariam. Alteri tamen
non

DEDICATORIA.

non parum concesserim, si vel
 tandem Reipublica accommo-
 detur. Sed quòd sint ingenia
 quaedam mutabilitatis rerum,
 Et imperfectionis ita impatiē-
 tia, ut nihil præter formas illas
 æternas à rebus abstractas cō-
 trouertant, paucioribus sanè id
 persuasum velim, ut in his no-
 tionibus parum utiliter conse-
 nescant. Hic contra mihi non
 minus toto (ut aiunt) errare
 cælo videtur, qui acervare qui-
 dem leges, Et in numerato ha-
 bere vehementer contendunt,
 verum eas ad viuum rescare,
 aut inopias, excutere, Et causis sin-
 gulis

E P I S T O L A

gulis singulas exactè applica-
 re, ut laboriosius (ne quid gra-
 vius dicam) ita vulgò minus
 arbitrantur honorificum, qua-
 si id unum agant ut admira-
 tioni sint omnibus vel omnium
 periculo. Profectò his perinde
 accidit, atque quibus de equi-
 tate, iustitia, liberalitate dicere
 magnum videtur, at equum,
 esse iustum & liberalem vel mi-
 nus ex re sua vel esse abiectio-
 ris animi, quando ad applau-
 sum & dicant & faciant o-
 mnia. Quare non obscurum
 est hos anteferendos multis no-
 minibus, qui quas leges diu
 mul-

multumq³ olim legerunt, didicerunt, notauerunt, easdem aliquando à se magna cura reposcunt, nec minori studio interpretantur, ne cuius factò, mira scilicet arte, quasuis leges adsuant. Quæ res quàm sit legitimo iudicio perniciosa, quântumque aliquando percellat æquos alioquin animos iudicum, vel ex hoc unico Ræuardi nostri Triboniano est in confesso. Qui error Triboniani, viri comitate simul & doctrina singulari, de antiquis usucapionum differentiis, quantum obscuritatis difficultat:que ipsis

E P I S T O L A

Iureconsultis offuderit, quàm
 multos suo iuri cedere, alios in
 possessionem non suam intro-
 duci fecerit, verius quis ex hac
 disputatione sedula Reuardi
 cognoscat quàm dijudicet,
 quando adhuc omnes pro Tri-
 boniano ea in re tanquam pro
 aris & focis viri docti depu-
 gnauerint. Ubi non animum
 Tribonia. quantum verba
 & auctoritatem secuti viden-
 tur. Nam Suidas non mala
 fidei scriptor & Procopius pri-
 mo de bello Persico in hoc con-
 sentiunt, nimirum Τριβωνιάνορ seu
 Τριβουρ dixeris, nomen enim hic
 non

non agitur per α ne an per α
 scribatur, doctrina & vita
 suauitate insignem obscuras-
 se auaritiam. At Suidas
 prater pecunia studium & ne-
 fanda alia, etiam leges scri-
 bit habuisse venales, cuius hac
 sunt verba: ἔς δὲ φιλοχρηματίας διακω-
 νίως ἐρπεδακώς, οἷος τ' τῷ κέρδει αἰετὸ δίκαιον
 ἀποδίδωκε, τῶν τε νόμων ἡμέρας οἱ ἐκ' τοῦ ἐπιπλεί-
 στος ἐκάστος, τοὺς μὲν ἀνέρει, τῶς δὲ ἔγραφιν, ἀπιμ-
 πολῶν τοῖς δεομένοις κατὰ πῶν χρεῖαν ἐκατέρω.

Quod quum ita sit, fato quodā
 hic scopulus à D. Rauardo iu-
 ris studiosis detectus est, ut pru-
 dentius per hoc immensum le-
 gum mare posthac nauigent,
 est enim vero consentaneum,

(5 latere

EPIST. DEDICAT.

latere plures alios adhuc inco-
gnitos idq; auctore Tribonian.
Quid enim non mortalia pe-
ttera cogis auri sacra fames?
Quare hoc iam nunc velim
propositum omnibus iuris can-
didatis ut huiusmodi evanida
legum recitatione, ne dicam,
intelligentia, valere iussa, in
hoc unanimiter incumbant o-
mnes, ut singula leges singulos
aliquando nanciscantur Ræ-
uardos, hoc enim pacto fieri
tandem poterit ut de allijs (ut
fertur) rogati patroni desi-
nant respondere de cæ-
pis. Vale.

GENE-

GENERO SO ET
ERUDITO VIRO D.
GVIDONI LAURINO I. C.

clarissimo Iac. Ranardus, S.



Quod de vfucapionibus
fcripferunt Laurine non
de iure interpretes; Qui
autem differentias earum

tradiderunt, ex tot præclaris foeli-
ciffimi huius feculi iurifconfultis
nulli non defiderantur. Certè quo-
minus de antiquis vfucapionum dif-
ferentijs, difputatum fit, Triboniani
error in caufa fuit; quem hoc com-
mentariolo fi non extirpare, at fal-
tem ftudiofis indicare vifum eft o-
peræ precium. Et quia de abfoluto
vfucapionis tractatu, doctiffimorum
aliquot virorum extant commenta-
rij, quibus parum aut nihil addi po-
teft, in euoluendis omnibus de vfucapionibus prudentum fententijs,
operam mihi inanem collocaturus
videbar.

E P I S T O L A.

videbar. Ideoq; de veris earum dun-
taxat differentijs contra Tribonia-
num differere institui, nō vt opinio-
ni quam de Triboniano viri docti
imbiberunt aliquid omnino detra-
ham, sed vt veritati, quæ in discipli-
nis omnibus principem tenet locū,
fideliter inseruiam. Et quamuis non
ignorem meum pudorem existima-
tionemq; in discrimen adduci, haf-
ce tamē lucubrationes exire in ma-
nus hominum passus sum, vt earum
exemplo quæ præ manibus sunt, de
nonnullis antiqui iuris apicibus e-
lementa, eruditiorum censura tem-
perentur. Atq; huius quidē, doctis-
sime Laurine, commentarij fructus,
pro ea qua me non vt amicum, sed
vt germanum fratrem amplexus es
humanitate, sic tuæ fidei committo,
vt te illis si mihi fatorum vi subita
lucis eripiatur vsura extrema cera
tutorem patronumque constituam.
Vale.

IACO-

IACOBVS RAEVARDVS
 NOBILI ET
 ERVDITO MARCO
 LAVRINO, DN. DE VVA-
 teruliet, S. D.

SEMPER *amaui, ut scis, vir*
generosissime, fratrem tuum
Guidonem Laurinum, pro-
pter eius summum ingenium, suauissi-
mos mores, singularem probitatem, at-
que constantiam. Is, quum me omnem
industriam, operam, & cogitationem
ad studium iuris prisce, antiquitatum-
que Romanarum contulisse, annis ab-
hinc aliquot intelligeret, me vicissim
hac de caussa singulari quodam animo
etiam est prosequutus. Is mecum eo
nunc animo est, ut si in hoc studio vi-
ta nobis ponenda foret, praeclare a-
ctum nobiscum putaremus. Illud etiam
erat amoris nostri, quem ab annis ali-
quot susceptum, non seruauimus nos
solum inter nos, sed nunc etiam con-
suetudine tua auximus, orare te, ut in
idem

idem Antiquitatum studium, cui perpe-
tuo te totum tradidisti, omni cogita-
tione, curâq; sic incumberes, ut virtu-
ti tuae, & gloriæ nascenti, cuius sese iam
foras semina proijcere gestiunt, libera-
liter indulgeres. Nihil est, mihi crede,
virtute formosius, nihil pulchrius, ni-
hil amabilius. Moriar, si præter te quæ-
quam reliquā habemus, per quem ali-
quam antiquæ Romanorum Reipublicæ
imaginem possimus agnoscere. Contin-
get tibi, quod haud scio an nemini, ut
tua in conquirendis per omnem terra-
rum orbem numismatibus industria,
non grata modo eruditis hominibus,
sed etiam popularis futura sit, & quum
precipuis omnibus, tum etiam infimo
cuiq; gratissima. Hoc si tibi fortuna
quadam contigisset, gratulaver felici-
tati tuæ: sed contigit magnitudine tum
animi, tum etiā ingenij longè præstan-
tissimi. Virum quoq; nactus es, in ima-
ginibus Caesarum, & instrumentis sa-
cerdo-

acerdotalibus, magistratuumq; insigni-
bus exprimendis ita exercitatum, ut
eo exercitator inueniri nemo possit:
Hubertum Goltzium dico, quem quum
per se video lubentissime, tum hoc lu-
bentius, quod illur: audiens te audire
videor. Is singularem in explicandis
marmoribus scientiam, & in exprime-
dis imaginibus antiquis industriam, &
in omni genere prudentiam mihi tuam
iamdudum exposuit: praterca sum-
mam erga se liberalitatem tuam ad-
iunxit: quæ omnia mihi iucunda, hoc
extremum etiam gratum fuit. Et id-
circo quantum tibi docti omnes C. Iu-
lio Cesare, Fastisque tui Goltzj Con-
sularibus editis iure debebunt, quomi-
nus tantundem ego unus debeam non
recuso. Ut igitur in eam curam & cogi-
tationem, quæ tibi commendationem
aliquam adferre possent, nunc incum-
berem, tua id fecit, mira cum eruditio-
ne humanitateq; coniuncta, virtus sin-
gularis.

EPIST. DEDICAT.

gularis. Scripsi ad eas, quas exstare cognoui, legum Decemviralium reliquias, exiguos commentarios. Quos non ut commemoratio posteritatis me ad spem aliquam immortalitatis raperet, verum ut opinioni, quam de me concepisti, responderem, sub firmissimo tui nominis clarissimi patrocinio, in medium adferri passus sum. Et quia Romana historia esse peritissimum te, nemini omnino dubium est, ideo de legum Decemviralium causa & origine nihil hic præfabimur: quæ omnia ex eruditorum aliquot harum legum interpretum commentarijs sine labore ab imperitis percipi possunt. Accipe igitur munusculum istud, clarissime Domine, ab eo qui tuis laudibus ita fauet, ut omne suum studium, officium, operam & diligentiam, ad virtutem tuam amplificandam, publicè privatimque perpetuo sit collaturus.

Vale.

I
S V M M A H V I V S
C O M M E N T A R I I C A P I T A .

1. De duplici possessionis causa.
2. De iuris ciuilibus consideratione duplici, & illi quomodo derogatum vel abrogatum fuerit.
3. De tempore in vsucapionibus lege decemuirali constituto.
4. In vsucapionibus biennij tantum & anni vnius spacium cur à decemuiris sit constitutum.
5. Edicto prætoris derogatum fuisse legi de vsucapionibus decemuirali.
6. In locum biennij longum tempus eodem edicto surrogatum fuisse.
7. Quod vsucapi poterat, id longa possessione capi potuisse.
8. Iuris authoritate quomodo ab antiqua differat vsucapio noua.
9. Quomodo item tempore discernantur vsucapio vetus & noua.
10. Et an loco differant.
11. Falsum esse quod à nonnullis traditum est, loco vsucapionis longa possessione capionem repositam esse in nostris pandectis.
12. Et cur id fieri non potuerit vera ratio tradita.

NOVI QVAVNDAM
LEGVM INTELLECTVS
expandētis.


- 11. Epist. de confir. pandect. §. tanta.
- 10. l. viij. de iust. & iur.
- 12. l. x. si seruit. vind.
- 12. l. xij. §. Iulianus. de iureiur.
- 9. l. i. circa finem. de aq. & aq. pl. arc.
- 9. l. si. Eod. tit.
- 10. l. iij. de acq. poss.
- 1. l. iij. §. si viam habeam, de vsurp.
- 8. l. i. in fine de superfic.
- 9. l. iij. de aq. quot. & est.
- 7. l. ix. de diuers. temp. præscrip.

EX CODICE.

- 11. Epist. de no. Cod. fac. §. quibus specialiter.
- 7. l. i. de ser. fugit.
- 7. l. ij. in quib. cau. cess. long. temp. præsc.

EX INSTITVTIONIBUS.

- 10. §. i. de vsucap. in quo totius disputationis cardo vertitur.



2
T R I B O N I A N V S,

sine

DE VERIS VSV-
CAPIONVM DIFFE-

RENTIIS ADVERSVS

Tribonianum Liber sin-
gularis

J A C. R A E V A R D I

Iurisconsult.



SVCAPIO IN IIS
prudentum responsis ex
quibus pandectarum libri
compositi sunt, sic acci-
pienda est, vt eam inter-
dum ad solius referamus iuris, nulla fa-
cti habita ratione, intellectum, quo mo-
do res sacras, sanctas, publicas, & libe-
ros homines vsucapionem non recipere
Caius interpretari visus est, capit. 9.
de vsurpat. Non enim de eo apud Ca-
ium controuertitur, an vnus, duorum,
decem, vel viginti annorum possessione
res sacræ, sanctæ, publicæ, & liber homo
capi possint, sed an omnino usu non

A 2

pos-

possint acquiri. Antequam igitur de temporis distinctione agi poterat, necessum erat rerum, de quarum usu tractabatur, conditionem qualitatemque inspicere; siquē eius esse conditionis viderentur, ut usu possent acquiri, tunc demum ad temporis distinctionem veniendam erat, videndumque an vnius duorumue, an verò longioris temporis requirerent intervallum. & ita quæ nudis innarebat iuris limitibus usufructio, in facti transibat necessitatem. Nam sic quoque nonnunquam accipiebant usufructu pruden-tes, ut in ea cum facti ius vellent confundi; veluti, cum dicimus res siue immobiles siue mobiles usufructui posse, sic iuri facti cohæret, ut alterum ab altero diuelli nequeat, aut segregari. Duplicem enim causam talis habet possessio, qualem in usufructu requirunt prudentes, qui sine possessione usufructum contingere posse negant. Vna facti est, de qua sic Papinianus scribit, Possessio autem plurimum facti habet; causa verò facti non continetur postliminio, cap. 19. Ex quib. caus. maior. Altera verò iuris est. Quæ quidem facti

facti iurisque causæ, ni simul coniunctæ æquali gradu parique, vt ita loquar, passu ambulant, ad vsucapionem prodesse non poterant. cap. 2. §. separata, Pro empt. Nec sine vsurpatione iusta alteri per alteram præiudicabatur. Proinde si cum viam per tuum fundum haberem, tu me ab ea vi expelleres; hæc quasi possessionis interruptio naturalis nullum iuris causæ præiudicium adferebat: quia, vt indicat Paulus cap. 4. §. penult. de vsurp. etiam si vna meæ possessionis causa, quæ facti est, mihi ablata sit non tamen de mero, quod in via mihi superest, iure, id est, de iuris, quæ sola superest causa detrusus videor: factum siquidem facto tolli potest, ius verò iure quidem partim, partim verò tum nostro, tum prætoris facto, quod legis vigorem habet, solet immutari. Ergo si me vi expuleris à via, vnam mihi meæ possessionis causam, quæ facti est, interrupisti. cap. 5. de vsurp. mera interim iuris causa salua manente, quam ius idcirco merum Paulus vocat, quòd sine facto via, quæ causas iuris & facti coniunctas habuerat ex solo mero, que iure,

re, id est, ex nuda iuris causa constabat. Et nisi per interdictum ad facti causam cum aduersario meo experiar, mero iure sine facto, vt non acquirere. sic nec viam potero retinere; quia, inquit Paulus, ius incorporale non intelligitur possideri, nimirum eo modo quo res corporales possideri intelliguntur, hoc est, sine facto, cum alioqui seruitutes quasi possideri passim dicantur, cap. 10. Si seruit. vind. Si enim rem corporalem, puta vestem, possideam, quanuis veste non vtar; mihi tamen ea auferri non debet, quia etiam sine usu à me possideri intelligitur: verum si per tuum fundum habeam viæ seruitutem, & via non vtar, non intelligor viam possidere sine usu, & proinde longo tempore amitti, fundoque seruitus excludi potest. Itaque si negligentia per longum tempus, qua proprio non possum, saltem prætoris auxilio via non vtar, quæ admodum mero iure, hoc est sine facto, ea non acquiritur, sic acquisita mero iure non retinetur. Et hoc illud est, quod Paulus obscure satis hunc in modum scribit, Si viam habeam per tuum fun-

fundum, & tu me ab ea vi expuleris, per longum tempus non utendo amittam viam: quia nec possideri intelligitur ius incorporale, nec de via quis, id est, mero iure detruditur. d. cap. 4. Quo in loco non desunt qui per merum ius iuris civilis subtilitatem intellexerunt: quod ab intentione iurisconsulti, quam sit alienum, ex hoc nostro intellectu nouo facile æquus arbiter æstimabit. Omnis itaque usucapio duplicem requirit possessionis causam, vnam facti, alteram iuris. Factum ipsam possessionem siue detentionem in rebus corporalibus natura conficit, in incorporalibus usum requirit, ius dominum ei attribuit, ratamque authoritatem, qui rem aliquam possedit vel quasi possedit tempore lege definito.

2 A T Q V E huius porro temporis distinctionem fuisse duplicem satis probabile est, vnam ex lege 12. tab. & ex quadam iuris noui prærogatiua legi derogante alteram promanantem. In scripto namque civili Romanorum iure duplicem excogitarunt distinctionis considerationem prudentes; vna qui-

dem ius vetus siue antiquum, altera vero ius nouum illud volebant appellari; antiquum solis 12. tabularum legibus; nouum verò legibus tam tribunitijs quàm consularibus, principumque rescriptis concludentes. Hinc vt antiqua, sic etiam lege noua deferri hæreditatem Vlpianus, Caius, & Pomponius scripserunt. Vetus sola hæreditas, inquit Vlpianus, quæ lege 12. tabularum deferretur, capitis minutione perimitur: nouæ vel ex lege vel ex senatusconsultis delatæ, non perimuntur capitis diminutione, c. 1. §. 7. ad senatusc. Tertull. Caius quoque, Hæreditas, inquit, ad nos pertinet aut vetere iure, aut nouo. vetere, è lege 12. tabularum: nouo fiunt hæredes omnes qui ex senatusconsultis aut ex cõstitutionibus ad hæreditatem vocantur, cap. 1. & 3. de petit. hæred. Denique legitimas hæreditates alias 12. tabul. legibus, alias item ex legibus venire nouis apertè testatus est Pomponius cap. 11. De suis & legit. Vnde satis est perspicuum, iuri olim antiquo nouo iure sæpius derogatum fuisse, non vt lex æneis insculpta tabulis desuetudine aliqua

qua expungenda foret, verum ut quæ humaniorem temporis necessitate interpretationē aut vsum requirere videbatur, vel cum exceptione proferretur, vel omnem amitteret iuris auctoritatem nouo placito abrogata. Cum enim lege cautum erat, ut auctor ad Herennium refert, in ius vocatus ut iret, prætor edicto legem hanc non sustulit, sed ita est interpretatus, in ius vocatus ut eat, aut satis vel cautum det. Lex in ius vocatum sequi iubet; prætor viua legis vox non cogendum venire in ius aduersarium edicto statuit, si satis vel cautum daret. Ius enim honorarium adiuvandi, supplendi, corrigendique iuris civilis gratia esse introductum Papinianus author est, cap. 7. de iust. & iure, nulla iuris antiqui aut noui habita distinctione; adeo quidem ut interdum contra senatusconsulta non principem solum, sed etiam prætorem decreuisse hinc possit probari, quod cum Orphyciano senatusconsulto rei capitalis damnatus nec restitutus ad matris successionem non admittebatur, tandem exorta fori de hac senatusconsulti parte

disputatione, communi prudentum calculo placuerit ac definitum sit, contra senatusconsultum ad matris hæreditatem humana quadam interpretatione huiusmodi filium admitti oportere. c. 1. §. v. ad senatusc. Tertull. Planè ex antiquo iure per prætores & per ipsos imperatores plurima fuisse immutata argumentis innumeris defendi potest. Cum enim, ut alia quæ passim obuia sunt, vno contentus, exempla omittam, antiquo iure sui hæredes & necessarij intestatorum hæreditates amplecti cogebantur inuiti, volentibus, contra Ius antiquum, permittebat prætor se ab hæreditate abstinere. §. necessarij, Inst. de hæred. qualit. & diff. Nec tam prætorio iure, quàm noua Imperiali quadam constitutione, hæc suis hæredibus & necessarijs competeat iuris prærogatiua; adeò ut sine aliqua prætoris autoritate ipso constitutionis iure satis esset hæredibus se hæreditati nō miscuisse. Nam ita rescriptum fuisse refert Vlpianus, cap. 12. de acq. hæred. Accedit, quòd lege Aebutia leges 12. tabularum in plurimis locis correctas atque emendatas fuisse.

fuisse testatus sit Gell. lib. 16. c. 10. Quòd igitur eius sunt conditionis leges, vt pro temporis qualitate, rerumque statu publicarum, sapius immutari debeant, (quemadmodum differit eleganter Sextus Cæcilius cū Phauorino philosopho apud Gellium noct. attic. lib. 20. cap. 1.) non mirum iuri Romanorum antiquo nouo iure, quemadmodum scripto iuri iure non scripto, derogatum, imò nonnunquam abrogatum fuisse. Quæ enim in certa perpetuâque ratione non consistunt, sed ex arbitrio pendent, arbitrio tolli eodem possunt, quoties publica requirit utilitas, quoties suadet quæ legem non habet necessitas.

3 HINC deinde vfucapionem, vt cò vnde digressi sumus reuertamur, antiqua constitutam lege, non tam utilitatis securitatisque Romani populi, quàm necessitatis quadam authoritate, sustulit in immobilibus, edictis partim, partimque nouis constitutionibus, non in prouinciali tantum, vt existimat Tribonianus, sed etiam in Italico solo, contra ius antiquum introducta longa possessione capio. Iure enim antiquo res fide bona

bona possessæ vsu non longo, videlicet anni vnus mobiles, & immobiles biennij spacio, acquirebantur. Cicero in Topic. Quoniam vsus authoritas fundi biennium est, sit etiam ædium; at in lege ædes non appellantur, & sunt cæterarum rerum quarum annuus est vsus, valeat æquitas quæ paribus in causis paria iura desiderat. Quo in loco, plurimarum ait Boëtius rerum vsucapionem annuam esse, vt quibus anno continuo aliquis vsus est, illas firma iuris authoritate possideat, vt sunt res mobiles. Immobiliū autem vsucapionem biennij spatio contineri, non in topicis solum, sed etiam pro Cæcinna testatus est Cicero: lex, inquit, vsu & authoritatem fundi iubet esse biennium.

4. I T A Q V E anno, ni sailor, tricentesimo quinto ab vrbe condita, quo leges decemuirales, communi suffragio populi centuriatis comitijs perlatae, & in æs, vt tradit Liuius, incisæ proponebantur in publico, non iisdem quibus Italia finibus, sed angustioribus multo Romanum imperium terminabatur: suisq; ita limitibus Romani continebantur,
vt

vt nisi soluendi voti, legationis, vel exilij causa Italiae fines rarius egrederentur. Inq; suis possessionibus erant perpetui, nec ab ijs sic bello deterrebantur, quin statim pulsus hostibus fugatisque, ferro posito manu rastrum sumerent, ad intermissos agrorum cultus redeuntes. Quamobrem inter illas quibus de rerum dominio tractabatur leges, usu rei capiendae tempus certum decemviri constituerunt, nec quidem pro temporis qualitate longius, nec pro dominorum negligentia rigorosius quam quod statui aequitas ipsa postulabat. Quod enim ciuitate continui, & agris perpetui ciues detinebantur, rariusque relicto natali solo Italiam egredi consueuerant, rebus mobilibus anni, immobilibus biennij spatium usu acquirendis, habita inter praesentes & absentes nulla distinctione, sufficere existimabant.

5 Nec vero statim propagatis orbis Romani in exteras usque nationes finibus, legi huic decemviri scripta lege aliqua, vel non scripta, imò nec ante imperatorum tempora derogatum fuisse verifi-

verisimilibus vti credam coniecturis
 adducor. Perpetua quidem inter edi-
 ctaquæ Saluium Iulianum sub Impera-
 tore Aelio Adriano composuisse refert
 Eutropius, de vsucapionibus vnum ex-
 titisse hinc potest probari, quòd Paulus
 qui ad edictum libros octoginta scrip-
 sit, integrum de vsucapionibus com-
 mentarium libro quinquagesimo quar-
 to ad edictum olim ediderat, cuius pars
 extat non exigua, cap. 4. de vsurpat. c. 2.
 pro empt. c. 4. pro legat. c. 2. pro suo. Vt
 sic prudentum autoritate Imperato-
 rum temporibus nonnihil ex antiqua
 de vsucapionibus decemuirali lege e-
 dictis suis immutasse prætores videri
 possint. Proinde rebus immobilibus vsu
 acquirendis prætores longius quàm
 quòd antequam lege præscribi poterat,
 tempus constituisse existimaui. Edictum
 enim de vsucapionibus Paulus libro
 quinquagesimo quinto ad edictum in-
 terpretans, longi temporis meminit, c.
 4. §. si tu me, de vsurpat. ad quod edictum
 Ulpianus quoque libro sextodecimo
 ad edictum scribens, scruitutes cum æ-
 dificijs longo tempore capi posse testa-
 tus

tus est, cap. 10. eod. tit. Et quoties de rebus immobilibus usu acquirendis agebant prudentes, semper longi temporis, longæ possessionis, usus longi, possessionis diutinæ meminerant.

6 Vnde satis probari potest, in eius quod lege antiqua rebus immobilibus usu acquirendis datum fuit, temporis locum, interuallum temporis longius edictis partim, partimque nouis constitutionibus, surrogatum fuisse, c. 76. de contrah. empt. Cum enim innumeras temporibus Imperatorum prouincias Romani subiugauerant, amplius sic Italia non continebantur, ut eam rarius egrederentur; quin contra sæpius accidebat ut qui Romæ agebant, in prouincijs prædia possiderent, & qui in prouincijs erant, in Italico solo possessionibus abundarent. Quamobrem absentes dominos & imprudentes suis biennij spatio priuari possessionibus, nec durum, nec iniquum, quo lex edita fuit tempore, existimari potuit: sed tandem propagatis in immensum orbis Romani finibus, quod æquum fuerat antea, iniquum, iniustumque quod olim iustum

iustum erat, prætori videbatur. Proinde constitutum fuisse reor, expressa partim partimque tacita ciuium conuentione, vti res immobiles non biennio amplius, sed longo tempore vsu acquirerentur. Longum autem tempus idem ille Paulus qui prætoris edictum de vsucapionibus libro ad edictum quinquagesimo quarto est interpretatus, continuo decennij inter præsentes, & inter absentes vicennij spatio comprehendendi ad filium scribebat libro quinto sententiarum, titulo secundo. Vt quis non existimet hæc verba, *Longa possessione capere*, & alia his similia, à Triboniano responsis prudentum inserta fuisse, facit hæc Pauli longæ possessionis interpretatio, de qua hic fusiùs suo loco tractabitur. Ergo iure antiquo biennij, nouo iure inter præsentes decem, inter absentes annorum viginti spatio vsures immobiles acquirebantur. Quæ quidem acquisitio vetus decemuiris vsucapio dicebatur; nouam verò longa possessione capionem appellat Iabolenus, cap. 4. in fine, pro empt. Et quemadmodum vsucapere per vsum acquire-
re si-

re significat; sic capere longa possessione, per longam possessionem capere interpretari visus est Scauola cap. fin. eodem tit. Quæsitum est, inquit Scauola, cum scierit partem fundi absentis esse, an totum fundum longa possessione ceperit? Respondi, si credidisset mandatu fratris venisse, per longum tempus cepisse. Vlpianus autem nouam acquisitionem hanc, longæ possessionis prærogatiuam vocat cap. 5. de itiner. actûque priuat. & quod prærogatiuam iustum integrumque beneficium definit Asconius, verè per prærogatiuam Vlpianum huiusmodi beneficium intellexisse non dubito, præsertim, quo iuris antiqui rigor, in biennij locum decem & viginti annorum surrogato spatio, sic mitigabatur, vt in posterum nullo ampliore temporis interuallo rebus immobilibus vsu acquirendis opus esse videretur.

7 ERAT igitur olim vsucapio, erat etiam longa possessione capio: hæc iure nouo, illa antiquo iure res tam mobiles quàm immobiles acquirebantur. Et quanuis res vt immobiles, sic etiam

B mobi-

mobiles longa possessione acquiri poterant, nihilominus tamen solenni legis antiquæ spacio mobiles per usum acquirebantur. cap. 1. pro dot. Nec quidem diuo Magno Antonino longæ possessionis in rebus mobilibus bonæ fidei possessorem, qui solenni præscriptione tutus erat, vti prærogatiua absurdum aut iniquum videbatur. c. 9. de diuers. temp. præscript. quanuis alioqui decē vel annorum viginti quàm vnus anni possessionem improbare auctori esset difficilius. Qui igitur vsucapere, id est anni spacio vsu rem acquirere potest, potest eandem longa possessione capere, vt ex diui Antonini constitutione apparet. Verum an quæ vsucapione acquiri non possunt, possint longa possessione capi, in dubium merito vocaretur, nisi expressè Imperatores Diocletianus & Maximianus, in quibus rebus mobilibus vsucapio, id est anni spacium, locum non habet, nec in ijs longi temporis præscriptionem, siue longa possessione capionem locum habere, rescripsissent, c. 1. C. de ser. fugit. Sic enim distinguendam esse vsucapionem

nem, quæ tunc temporis in solis rebus mobilibus locum habebat, a longæ possessionis prærogatiua, satis idem rescriptum indicat. Porro si quis vsucapione siue annali præscriptione se tutum satis consideret, superfluo longæ possessionis prærogatiua defendi postulabat. Idem enim Imperatores, cum vsucapio locum habet, ad longi temporis præscriptionem superfluo perueniri rescripserunt, cap. 2. C. in quibus causæ cessat.

8 CAETERVM ab vsucapione quibus modis longa possessione capio discernatur, videamus. Cum itaque omnis olim vsucapio ciuilis erat, nimirum lege decemuirali constituta, longa deinde possessione capio partim ciuilibis, partim fuit honoraria, & quatenus ex principum constitutionibus, vel alia iuris parte constabat, ciuilis erat, legitimam ciuilemque causam habebat; quatenus in facto versabatur prætoris iurisdictioni relinquebatur. Hinc cum Modestinus emptorem prædij ex bonis vacantibus nondum nunciatis, quauis aduersus fiscum vsucapio non proce-

deret, nihilominus tamen rectè diutina
 possessione capturum respondisset, ne
 quis prætoris autoritate fulturum il-
 lud existimaret, hæc verba subiecit, *Idq;
 constitutum est*, cap. 18. de vsurpat. quibus
 non omnes longæ possessionis præro-
 gatiuas honorarias, sed quasdam legiti-
 mas esse satis indicare visus est. Nec ali-
 ter fanè vltucapionem à defuncto cœ-
 ptam, ante aditam hæreditatem posse
 impleri constitutum esse scripsit Nera-
 tius cap. 40. de vsurpat. Prærogatiuæ
 autem longæ possessionis de quibus ni-
 hil lege noua specialiter siue nomina-
 tim cauebatur, quòd essent prætorix,
 omnem ex prætoris iurisdictione sub-
 stantiam capiebant. Proinde seruitutes
 diuturno vsu & longa quasi possessione
 iure prætorio acquisitas vtilibus a-
 ctionibus, non directis, hoc est præto-
 rijs, non ciuilibus, & interdictis quoque
 vtilibus vindicari respondit Vlpianus,
 cap. 10. si seruit. vind. cap. 1. in fine, de a-
 qua & aquæ plu. arcend. Quæ verò ipso
 ciuili iurè longo vsu vel sine vsu alio
 quouis modo erant acquisitæ, directis,
 hoc est ciuilibus actionibus, non utili-
 bus,

bus, petebantur. Sic enim accipienda sunt hæc verba, *ad exemplum earum quæ ipso iure constitutæ sunt*, c. r. in fine, de superfic. Quasi dixerit Vlpianus, *seruitutes iure prætorio constitutas vtilibus actionibus peti ad exemplum earum quæ ipso iure constitutæ sunt* : hoc est, quemadmodum ipso iure seruitutes constitutæ directis petuntur actionibus, ad earum exemplum actionibus vtilibus peti seruitutes iure prætorio constitutas. Non enim ipso iure, hoc est iure civili, vtilis competunt actiones, sed directæ. Solas namque actiones prætorias vtilis, civilesque item omnes vocari directas, suo loco probabimus. Et ita quidem iuris autoritate differunt longa possessione capio & usucapio.

9. TEMPORE verò sic discernuntur, ut hæc certò & exiguo, illa longo, eoque partim certo, partim incerto constaret. Tempus autem certum decem inter præsentes, & inter absentes viginti annorum spacio terminari probauimus; incertum verò, ex vetustate cuius origo memoriam excesserat constabat. Nec quis in eum errorem incidat, ut

existimet vetustatem cuius diuersis responsis meminerunt prudentes, semper excedere memoriam oportere, tempusque exigere incertum, quin contra tempus diuturnum, & longum illud certum decem vel viginti annorum vetustatis interdum nomine contineri hinc defendi potest, quòd cum vetustatem legis vicem tenere dixisset Vlpianus, addidit, velut interpretans vetustatem, eum qui diu vsus est seruitute neque vi, neque precario, neque clam, habuisse longa consuetudine, velut ex iure impostam seruitutem videri, c. 1. circa finem, de aqua & aquæ plu. arcend. Quo in loco vsus diuturnum longamque consuetudinem, quam decem vel viginti annorum spacio compræhendi ex Paulo probauimus, vetustatem appellare visus est Vlpianus. Ergo duplex vetustatis in quæstionibus rerum longo vsu acquirendarum erat consideratio. vno enim modo per vetustatem longum certumque tempus intelligebant prudentes; altero ad naturæ legem, tempusque incertum quod memoriam excedebat, vetustatem trahebant. Vt autē

id

id iure possideam cuius acquisitio memoriam excedit, non tam lex efficit constituta, quam humanis mentibus velut tabellis aneis insculpta naturalis constitutio. Quod satis intellexit Domitianus Imperator apud Suetonium, qui subsidia, diuisis per veteranos agris, quæ carptim superfuerant, veteribus possessoribus ut usucapta relinquebat. Proinde rectè respondisse Scæuola mihi visus est, ductus aquæ quibus authoritatem vetustas dederat, ab his qui iuri dicundo præerant, tueri solere tametsi ius non probaretur. c. finali, de aqua & aquæ plu. arcendæ: duplici, quam nos constituimus, vetustatis considerationi plane subscribens. Voluit enim vetustati locum esse siue poterat, siue non poterat probari ius, ut intelligo, authoritatis, hoc est siue certum, siue incertum vetustatis tempus erat. ut si quidem certum erat, ius probaretur: sin incertum, utique probari quanuis non posset, nihilominus tamen propter vetustatem, quæ originis memoriam aboleuerat, rectè aquæ ductum possessione acquisitum esse, quamuis alioqui nulla

quasi possessione longa sine titulo seruitutes acquiri poterant, vt suo loco disputabimus. Hæc cum non considerarent interpretes, conciliare plurima prudentum responsa voluerunt, quæ nulla opus conciliatione habebant. Nam quòd cap. 10. Si seruit. vind. Vlpianus longum tempus aquæductui vsu acquirendo requirere visus erat; & Pomponius cap. 3. de ag. cot. & æst. tempus cuius origo memoriam excesserat, hæc duo vt conciliaret responsa Accursius, Pomponium de aqua quæ ex flumine publico, & Vlpianum de ea quæ ex priuato loco ducebatur, est interpretatus: cui nouissimè, omnium longè excellentissimus Cónanus subscripsit. Sed velim mihi respondeant Accursius & Connanus, si Pomponium, qui haud dubiè de huiusmodi distinctione nè somniauit quidem, de aqua ex priuato loco duccenda essent interpretati, an quid impediret quo minus aquæductus, si eius origo memoriam excessisset, iure constituti loco censerì posset? Si enim vsu diuturno eum possis acquirere: quare, si tempore tam longo aquam duxisses,

vt

vt eius origo omnem excessisset memoriam, iure aquæductum etiam sine titulo non acquisiuiſſes? Ergo non rectè vetustatem ſemper, hoc eſt ſiue certa ſiue incerta ſit, pro lege eſſe habendam dixiſſet Vlpianus eod. cap. 1. in fine. Proinde ſic Pomponium eſſe intelligendum puto, quaſi non de aqua quæ ex flumine, ſed de ea quæ ex priuato loco ducitur, ſentiat. Nam reſponſi eius paragraphi ſic ſunt diſtincti, vt vnus alteri non cohæreat. Ergo quominus ad priuatum locum, illum, de quo tractat Pomponius, aquæductum referamus, nihil impedit. Nec enim uero ad ductum aquæ longo uſu acquirendum, tempus cuius origo memoriam excedit, reſponſo ſuo requirit Pomponius: verùm cum paſſim aquæductus longo & certo tempore, loco aquæductuum iure conſtitutorum habebantur, an ductus aquæ cuius origo memoriam exceſſerat, quanuis de certo uſus tempore, decem nimirum vel viginti annorum, non conſtaret, nihilominus tamen aquæductus iure conſtituti loco haberi poterat, in quæſtionem trahebatur. Certum illud

tempus quod edicto seruitutibus usu
 acquirendis statutum erat, propter au-
 thoritatis titulum, dubitationi causam
 dabat. Quasi in effectū apud Pomponiū
 in quæstionē venerit, an ut certo, sic et-
 iam incerto tempore seruitus aquæ du-
 cendæ usu posset acquiri, & Pomponius
 respōderit, ita demum sine titulo acqui-
 ri tempore incerto posse, si eius tempo-
 ris origo memoriā excesserat. Fortē
 prudentum autoritate sic primū, mi-
 nuendarum litium causa erat constitu-
 tum ante Pomponij, ni fallor, tempora,
 quibus non ita dudum in locum vsuca-
 pionis longa possessione capio succeffe-
 rat. Secuti deinde Pomponium Vlpia-
 nus, Paulus, & Ceruidius Scauola, quod
 Pomponij temporibus loco iuris regu-
 læ, sic enim loquitur Pomponius quasi
 regulam proferat, in usu erat, id com-
 mentarijs illustrius reddidere. Vlpianus
 sanè, c. i. circa finem, de aqua & aquæ
 plu. arcend. his verbis: *Sanè enim et in ser-
 uitutibus hoc idem sequamur*, ius nouum au-
 thoritate prudentum introductum de-
 notare visus est. Omnis ergo longæ pos-
 sessionis prærogatiua certo aut incerto
 tem-

tempore terminabatur ; certo , decem vel viginti annorum, interueniente titulo; incerto verò tempore, cùm eius origo omnem excederet memoriam, etiam sine titulo. & quæ longa possessione certa poterant acquiri , incerta quoque, si modo originis nulla extaret memoria, acquirebantur. Et hæc hæc tenus de temporum differentijs.

IO N V N C porro differentiarum, quas describere in animo habui, postrema pars longè difficilima restat, qua longa possessione capio & vsucapio an loco differant, differendum est. Certè quidem si Iustiniano credimus , vel potius Triboniano, cuius industria institutiones , omnesque Iustiniani constitutiones editæ sunt , nulla erit dubitatio quin ita ab vsucapione discerni debeat longa possessione capio , vt in loco non conueniant. Tribonianus enim, Theophilus , & Dorotheus institutionum compilatores , anno vbique vno res mobiles, & immobiles biennio in Italico duntaxat solo vsucapi existimabant. §. 1. instit. de vsucap. Hinc principi Iustiniano Constitutionis nouæ
nouæ

noui fuerunt authores. principi enim optimo, qui faciles insipidis eorum consilijs aures accommodabat, longæ possessionis prærogatiuam locum in provincijs duntaxat habuisse facile persuadentes, constitutionis de vfucapione transformanda auctoritatem defugere non potuerunt. Quid autem illis in mentem venerit, vt huius erroris authores se primos constituerent, ne diuinatione quidem assequi me posse ingenuè agnosco. Nam quod vt in provinciali, ita etiam in solo Italico longa possessione capioni locus fuerit ante Iustiniani tempora, manifestius est quam vt disputationem sedulam requiratur. Quis enim provincialibus indultum amplius beneficium credat, quam ipsis Romanis ciuibus? Quòd autem beneficium sit longa possessione capio. satis indicat Vlpianus. quam enim longa possessione capionem vocasse Iabolenum probauimus, illam longæ possessionis prærogatiuam Vlpianus appellauit, cap. 5. de itiner. act. priuat. Ergo si, vt Asconius author est, iustū integrumque beneficium prærogatiua significet: longa

longa possessione capionem benefici-
cium esse inficiari nemo poterit. Ad
hæc, eodem iure quo ciues Romani v-
tebantur, vfos esse prouinciales hinc
constat, quòd hi ius legesque suas ab il-
lis accipiebant. Qui enim nouæ præfe-
ctus prouinciæ senatusconsulto erat de-
claratus, is leges à prætore Romano,
quibus in reddendo iure utebatur, ac-
cipiebat. Eodem anno, inquit Liuius,
primum præfecti Capuæ creati cœpti;
legibus ab L. Furio prætore datis. dec.
i. Libr. 9. Et certè nullam præsidibus,
proconsulibus, reliquisque prouincia-
rum rectoribus, sine principis senatus-
ue placitis in prouincijs noui iuris con-
stituendi fuisse potestatem hinc proba-
ri potest, quòd rebus nouis sine rescri-
ptis principum senatusue consultis au-
thoritatem nullam præstabant. cap. 6.
de offic. procons. cap. 13. cum seq. de
offic. præsid. Vt inde satis perspicuum
sit, eodem ferè quo ciues Romani ute-
bantur, vfos esse prouinciales iure, hoc
est plebiscitis, senatusconsultis, & iisdem
principum constitutionibus. Sed an e-
dictis iisdem? Quantum ex Caij ad edi-
ctum

etum provinciale commentariorum
 fragmentis, quæ in pandectis sunt, col-
 ligere possum; parum edicta procon-
 sulum à prætorum edictis differebant.
 Edictum autem de usucapionibus in
 provincijs extitisse indicat idem Caius,
 qui libro vigesimo primo ad edictum
 provinciale, de usucapionibus com-
 mentarium scripsit, cuius pars extat, c.
 1. & c. 5. de usurpat. Et Romæ quoque
 prætorum inter edicta vnum de usuca-
 pionibus numerari, argumento est de
 usucapionibus Pauli commentarius,
 quem libro ad prætoris edictum quin-
 quagesimo quinto olim ediderat. Ergo
 proconsules in provincijs, & Romæ
 prætores de usucapionibus edixerunt.
 Proconsules quidem, quod de ijs ex-
 pressa lege aliqua in provincijs nihil erat
 constitutum. Sed cum Romæ antiqua
 lege de usucapionibus satis erat expres-
 se cautum: quò prætoris edictum refer-
 ri poterit, si ad legis emendationem nō
 referatur? Papinianus certè prætoris
 officium in adiuuando, supplendo, &
 corrigendo ciuili iure versari testatur
 c. 8. de iust. & iur. Quamobrem de his
 quæ

quæ lege sancita fuerant, nihil edixisse prætores, ni supplerent, vel ius ciuile edictis corrigerent, satis vt hinc probabile est, sic à nobis satis hoc eodem commentario est disputatum. Et quod de adiuuando per prætorem ciuili iure Papinianus scribit, id non tam ad edictum, quam ad nudum prætoris factum pertinet. ius enim sine facto, prætorisque, quod in viua voce constituit Martianus. auxilio subsistere nullo modo poterat, Lex ei ex stipulatu actionem dabat, qui stipulatus erat. ecquis autem agere ex stipulatu poterat prætore actionem eandem non decernente? Cùm itaque prætor edictum de vsucapionibus Romæ proposuerat, & lex decemuiralis æque de vsucapionibus expressè cauerat, eadem quæ lege continebantur, edicto contineri verisimile non est. Proinde quod in lege durum satis, & pro temporis qualitate iniustum prætori videbatur, id mitigatum edicto fuisse omnino mihi persuasum habeo. Tempus autem rebus immobilibus vsu acquirendis lege antiqua constitutum, prætoris edicto

edicto subrogatum, subfectumque in e-
 ius locum tempus longum fuisse, diuer-
 sa responsum exempla, quæ inter e-
 xiguas antiquitatum reliquias adhuc
 supersunt, satis demonstrant. Paulus e-
 nim eodem illo libro ad prætoris edi-
 ctum quinquagesimo quarto, quo de
 usucapionibus absolutum scripsit com-
 mentarium, Romæ & in solo Italico
 longæ possessionis prærogatiuæ locum
 fuisse expressè testatus est: Quintum
 Mutium Scævola reprehendens, quod
 possessiones authore magistratu rei
 feruandæ causa ventris nomine, quia
 damni infecti non caueatur decretas,
 inter possessionum genera referat, quas
 non possessiones, sed custodias potius
 rerum, & observationes dicendas exi-
 stimat; & ideo, inquit, cum damni infe-
 cti non cauente vicino in possessionem
 missi sumus, si id longo tempore fiat et-
 iam possidere nobis, & per longam pos-
 sessionem capere, prætor causa cognita
 permittit, cap. 3. in fine, de acq. possess.
 Quo quidem responso quid potest esse
 clarius? Paulus ita demum possessio-
 nem, damni infecti non cauente vici-
 no,

no,acquiri ex edicto scribit , si per longum tempus vicinus non cauerit. Paulus expresse longum tempus requirit: requirit etiam longum tempus Iulianus in specie non multum absimili, cap. 15. §. Iulianus scribit, de dam. infect. Et tu Triboniane in solo Italico nullum existimas longæ possessionis prærogatiuæ locum fuisse? Possessionem ait acquiri longo tempore Paulus. Sed quomodo? An lege decemuirali, reliquarum vscapionum lege introductarum exemplo? Id Paulus negat; per longam inquit, possessionem capere prætor causa cognita permittit, Si igitur in Italico solo longæ possessionis prærogatiuæ locum non dederis, quomodo prætor permissurus est rem aliquam longa possessione capi? Si rem mobilem bona fide anno possederis, utique ut eam acquiras, prætor non est factururus, sed lex quæ solenne tempus rebus mobilibus vscu acquirendis præscripsit; verum sublata lege, ni prætor succurrat, quanuis annis pluribus possederis, nullâ acquires tuæ possessioni ratam authoritatem, sine qua procedere nulla per vsum

C

acqui-

acquisitio potest. Quod igitur Prætor edicto suo in longis possessionibus, omnibus bonæ fidei possessoribus succurrebat, ex eo satis constat edicto sublatum iuris antiqui remedium fuisse. Quoties enim ciuile aliquod supererat auxilium, proprium non præstabat prætor, quemadmodum ciuili competente, vtilem siue honorariam actionem non dabat. c. 9. in princ. de edend. c. 1. de dol. c. 1. de Publ. in rem act. Frustra igitur succurreret prætor, si possessio apud Paulum tempore aliquo legitimo potuisset acquiri. Et certè libro ad prætoris edictum quinquagesimo tertio, longæ possessione capionem non directam, sed vtilem: hoc est, non ciuilem, sed prætoriam actionem producere Vlpianus annotasse visus est, capite decimo, si feruit. vind. Proinde si directa competente utilis actio dari non potuerat, ut probatum est; quâdoquidem Vlpianus vtilem dandam, non directam actionem scribit: omnem ex prætoris iurisdictione substantiam capere, legis auxilio destitutam; longæ possessionis prærogatiuam rectè concludes. Hinc
fer-

seruitutes quæ prætorio iure constitu-
tæ sunt, vtilibus tantum actionibus, &
interdictis quoq; vtilibus non directis
peti auctor est Vlpianus cap. 1. in fine,
de superficieb. Hinc etiam qui longo
tempore præscripsit hoc est, qui proba-
uit se tot annis quot ex edicto ad acqui-
sitionem requirebantur fundum posse-
disse, non directam, sed vtilem actionem
habere dicebatur. c. 13. §. Iulianus, de
iureiurand. Quibus quidem ex locis o-
mnibus quanuis satis appareat præto-
ris edicto legem de vfucapionibus de-
cemviraalem in rebus immobilibus in
Italico solo subrogatam, inq; eius lo-
cum suffectam esse longa possessione
capionem, omitti tamen non potuisse
existimaui, Imperatores Diocletianum
& Maximianum Numidio rectori Ita-
liæ rescripsisse, Id temporis quod in mi-
nore ætate transmissum erat, longi tem-
poris præscriptioni non cõputari, eam-
que tunc currere incipere, quando ad
maiores ætatem dominus rei perue-
nerit. c. 3. C. Quibus non obijcit. longi
temp. præscrip. Siquidem in solo Itali-
co nullus longi temporis præscriptioni
C 2 fuisset

fuiſſet locus, rectori Italiae Imperatores reſcripſiſſent, fruſtra conſuli an quod in minore ætate tranſmiſſum eſt tempus præſcriptioni longi temporis poſſit computari, quòd poſſeſſionis longæ prærogatiua nullum in Italia locum habeat. Quandoquidem igitur non ita reſcripſerunt, ſed tempus illud tunc demum currere, quando ad maiorem ætatem minor peruenerit, tacitè in Italia longæ poſſeſſionis prærogatiuam locum habuiſſe indicare viſi ſunt. Denique innumeris prudentum reſponſis, quæ frequètem in pandectis longi temporis, uſus diuturni, & longæ poſſeſſionis mentionem continent, noſtra mirum in modum confirmatur opinio.

II Nec porrò inficior iuris interpretes, eruditos ſanè, nonnullos annoſaſſe in omnibus prudentum reſponſis quibus longæ poſſeſſionis mentio fit, uſucapionem ſubrogatam, inq; eius locum longa poſſeſſione capionem à Triboniano ſuſſectam eſſe; duarum Iuſtiniani epiſtolarum argumento, quas de compoſitione digeſtorum & de nouo codice faciendo ſcripſit. Ego quidem,
ſaluo

saluo faniore iudicio , semper existima-
ui eandem compilatoribus authorita-
tem dedisse Iustinianum in pandectis
componendis , quam in codice facien-
do dederat. Et quanuis permiserit illis
Imperator,refecatis præfationibus , si-
milibus,& contrarijs,ex tribus antiquis
codicibus,Gregoriano , Hermogenia-
no,& Theodosiano,suisque constitutio-
nibus nouellis sic leges componere , sic
congruis titulis subdere , vt in ijs com-
ponendis adijcere, detrahere , inò et-
iam verba,vbi hoc rei commoditas exi-
gebat , mutare possent ; non tamen sic
adijcere, diminuere , vel mutare verba
potuerunt , vt vbi affirmatio erat, ibi
negatio,vbi longum,ibi breue,vbi vsu-
cappio,ibi reponeretur longa possessio-
ne capio: sed ea quæ de adiectione , di-
minutione,& verborum mutatione Im-
perator scripsit sic potius esse accipien-
da,vt adiectione, diminutione , verbo-
rumque mutatione , quæ varijs consti-
tutionibus varijsq; responsis dispersa e-
rant , in vnam sanctionem , vel legem
colligi possent, ipsemet Iustinianus de-
clarat in epistola quam de nouo codice

faciendo Constantinopolin ad senatum
 misit his verbis, *Adijcentes, & detrahentes
 imò & mutantes verba eorum, ubi hoc rei com-
 moditas exigeret; Sed quomodo? Colli-
 gentes verò in vnam sanctionem quæ varijs con-
 stitutionibus dispersa sunt. Quod igitur di-
 uersæ constitutiones sine detractiōe,
 adiectione, & verborum mutatione in
 vnam sanctionem redigi non potue-
 rant, suis idcirco compileribus libe-
 ram addendi, detrahendi, & verba mu-
 tandi dedit Imperator potestatem. Ce-
 terum in digestis componendis non
 absimilem compileribus potestatem
 tribuens idem Imperator, similem
 quoque adiecit interpretationem. De-
 dit enim illis adijciendi vel diminuen-
 di potestatem, sed quomodo? An vt v-
 sucapionem in longa possessione ca-
 pionem transmutent? Nequaquam, so-
 la enim ea adijci vel diminui voluit quæ
 superuacua, imperfecta, & minus ido-
 nea videbantur. Tanta, inquit in epi-
 stola de confirmatione pandectarum, à
 nobis antiquitati habita est reuerentia
 vt nomina prudentum taciturnitati
 tradere nullo patiamur modo, sed vnus-
 quis-*

quisque eorum qui auctor legis est, nostris digestis inscriptus est: hoc tantummodo à nobis effecto, vt, si quid in legibus eorum superuacuum, vel imperfectum, vel minus idoneum visum est, vel diminutionem, vel adiectionem necessariam accipiat, & rectissimè tradatur regulis, & in multis similibus vel contrarijs, quod rectius habere apparebat, hoc pro alijs omnibus positum est. Iustinianus quid per adiectionem, & per diminutionem intelligi velit, declarat; eorum videlicet quæ ex similibus & contrarijs multis meliora sunt liberam quandam electionem, quæ concedi sine diminutione & adiectione non poterat. Ergo huiusmodi permixta eligendi potestate, permixta quoque videtur adiiciendi diminuendique auctoritas; sic quidem vt ex multis prudentum responsis, resecatis superfluis, imperfectis, & minus idoneis, additisque necessarijs, vnum caput vel lex vna componeretur per Tribonianum tamen multa esse in nostris pandectis immutata veterum iurisperitorum responsa suo loco demonstrabimus.

12 Et quanuis etiam non veras semper, sed falsas, imo contrarias interdum sententias authoribus adscripsisse convinci possent compilatores, idcirco in locum vsucapionis longa possessione capionem eos surrogasse non rectè cōcludes. Quod enim Vlpianus eum qui vsu diuturno, & longa quasi possessione ius aquæ ducendæ nactus erat, utilem habere actionem scribit, c. 10. si seruit. vind. ex eo satis constat, vera esse Vlpiani verba, quibus longæ possessionis mentio fit, non Triboniani supposititia. Si enim pro vsucapere, supposuisse longā possessione capere, eo capite Tribonianum contendas, ut totum caput eidem acceptum feras necessum est; tum quòd de utili actione illo capite integro tractetur, quæ locum non habuisset, si vsucapionis Vlpianus meminisset: (erat enim vsucapio ciuilis, & ob id ciuilis dari debebat actio, qua competente utilis decerni non poterat, c. 1. de Publ. in rem act. §. nanque si cui, instit. de actionibus, c. 21. de præscr. verb.) tum etiā quòd iure ciuili, nimirum per legem Scriboniam, vsucapio seruitutum

sub-

sublata fuerat, c. 4. §. fi. de vsurpat. Simili modo si apud eundem Vlpianum, c. 13. §. Iulianus, de iureiurand. Hæc verba, *Post longi temporis præscriptionem, supposititia dixeris*, cur utilis in illa Iuliani sententia actionis mentio fit? An quod longi temporis præscriptio omnem ex edicto originem trahebat? Id si concesseris, Tribonianum: sin negaueris, Iulianum repræhendas necessum est. Sed profecto tanti apud me nunquam Triboniani valuit authoritas, vt eum Iuliano præferendum putarem. Proinde sic accipiendum hoc Iuliani apud Vlpianum responsum puto, quasi tacite dixerit, eum qui iurauit fundum suum esse, si longo tempore probauerit se fundum possedisse, utilem debere actionem habere idcirco, quod longæ possessionis prærogatiua ex edicto constabat, ex quo utiles actiones compete-
bant: cum contra vsucapio quod ex lege descenderat, directas actiones producebat. d. c. 1. Ergo prætorum partim edictis, partimque principum constitutionibus nouis, vsucapionem, hoc est, tempus duorum annorum antiqua de-

æmulari lege rebus immobilibus usu
 acquirendis constitutum, subrogatum
 fuisse, inq; eius locum longum tempus
 fuffectum, tam Romæ & in Italico solo,
 quàm in prouincijs, iustè concludimus;
 potiùsque in historia lapsum (cum suis
 Tribonianum, qui auctoritatem de v-
 fucapione transformanda Iustiniani
 Cæsaris constitutioni præstabat, quàm
 Vlpianum, Paulum, Iulianum, vel alios
 edictorum iurisque antiqui interpre-
 tes, qui in suis ad edictum tam vr-
 bicum quàm prouinciale com-
 mentarijs longæ possessio-
 nis prærogatiuæ me-
 minerunt.



AD LEG. SCRIBON. 22
 SVMMMA HVIVS COM-
 MENTARII CAPITA.

1. De lege Scribonia, & quare vsucapi seruitutes non potuerint.
2. Quo iure introducta primum fuerit seruitutum vsucapio.
3. Ante Scriboniam legem iure ciuili seruitutes vsucapi potuisse.
4. An ipso iure ante Scriboniam legem vsucapi potuerint seruitutes.
5. Quid sustulerit lex Scribonia, & vsucapio seruitutum honoraria quomodo sit introducta.
6. In seruitutibus rusticorum prædiorum an lex Scribonia locum habuerit.
7. An titulus in vsucapione seruitutum fuerit necessarius.
8. Et an bona fides etiam necessaria fuerit.

NOVI QVAVNDAM
 LEGVM INTELLECTVS
 ex Pandectis.

- | | |
|----------------------------|--------------|
| L. 14. de seruitut. | cap. 1. |
| L. 2. Comm. prædior. | cap. 2. |
| L. 10. si seruit. vind. | cap. 7. |
| L. 12. Quemad. ser. amitt. | cap. 7. |
| L. 4. Q. si. de vsurpat. | cap. 5. & 6. |
| | Ex |

IAC. RAEVARDI

EX CODICE,

L. 1. de seruit. & aqua.

cap. 5.

L. 2. Eod. tit.

cap. 8.

AD LEGEM SCRIBO-

NIAM LIBER SIN-

gularis.

IAC. RAEVARDI, I. C.

S T A T V E N T I mihi legem
Scriboniam de sublatis serui-
tutum vfucapionibus enarra-
re, curiosius inquirendum non
est quis hic Scribonius, & an lex eius
consularis, an verò tribunitia fuerit. Ni-
hil enim certi habemus: quamobrem
coniecturae locus dabitur. Existimo
fuisse Lucium Scribonium Libonem, L.
Scribonij Libonis illius filium qui sub
Augusto consulatu functus est. Hic sub
Tiberio cum Sefenna Statilio Tauro
consul fuit: cuius etiam Dion Cassius
meminit, lib. 57. Ait enim Tiberium Im-
peratorem hunc Lucium Scribonium
Libonem patricium adolescentem, plu-
rimarum nouarum rerum insimulatum,
quandiu firma fuerat valetudine non
voca-

vocasse in ius, sed lethali morbo correptum in lectica operta; cuiusmodi senatorum vxoribus in usu erant, in senatum inferri iussisse: illatumque Scribonium dilato iudicio sibi ipsi conscita morte damnationem prauertisse. Proinde consularem hanc legem fuisse, & temporibus Tiberij primum latam existimo: quibus non ita dudum in locum usucapionis longa possessione capio successerat. Illud certe constat, ante legem Scriboniam ut seruitutis libertatem, sic seruitutem libertatis usucapi iure ciuili potuisse: ciuilemque deinde seruitutum usucapionem salua libertatis usucapione sustulit lex Scribonia, c. 4. in fi. De usurpat. Et quandoquidem in usucapionibus duplici opus erat possessionis causa, vna iuris, & altera facti, quemadmodum in Triboniano est expositum: eueniebat saepenumero, ut res quaedam iure, quaedam facto usucapionem non reciperent. Cum enim de rebus sacris, publicis, & liberis hominibus erat cotrouersia, de iure duntaxat questionem fuisse certum est. In facti enim causa cum alijs rebus quae usucapi poterant,

terant, satis conueniebant : sed quia lege earum rerum prohibita erat alienatio, ideo iure vsucapi non poterant. Seruitutes verò quominus per vsum acquirerentur nulla iuris impediēbat ratio, sed quia possessionē requirebat vsucapio (c. 25. de vsurp.) quæ in seruitutibus desiderabatur, quod erant incorporales : c. 32. in fi. de seruit. vrb. præd. c. 43. de acq. rer. dom. sola facti causa impedisse videtur quominus per vsum seruitutes acquirerentur. seruitutes prædiorum rusticorum etiam si corporibus accedunt, quia tamen incorporales sunt, idcirco vsucapi potuisse negabat Paulus, cap. 14. de seruit. Et quia eius sunt conditionis huiusmodi seruitutes, vt possideri non intelligantur, cap. 4. §. pen. de vsurpat. nimirum eo modo quo res corporales intelliguntur possideri, hoc est, sine vsu, vt in Triboniano scripsit Paulus huiusmodi ratione non contentus addidit vel ideo non vsucapi rusticorum prædiorum seruitutes, quia tales sunt vt non habeant certam continuamque possessionem : videlicet qualis in vsucapionibus desiderabatur, c. 3. de vsurpat. Eiusque conditionis esse vrbano-

banorum prædiorum seruitutes, vt etiam ex sui natura vsucapionem non admittant, addidit Paulus quia nimirum ex sui natura non magis verè possidebantur seruitutes vrbanae, quàm aliæ rusticorum prædiorum seruitutes, cap. 32. de seruit. vrb. præd. hæc si considerasset Eguinarius Baro, non eam Paulo fecisset iniuriam, vt contenderet huius rei rationem non satis virum prudentissimum compertam habuisse. Non enim negauit Paulus quin vsu seruitutes possent acquiri: sed eius esse conditionis seruitutes indicat, vt vsucapionem admittere ex sui natura non videantur. Quòd enim in vsucapionibus opus erat possessione, quæ in seruitutibus tam vrbano- rum quàm rusticorum prædiorum, reliquarum rerum incorporalium exemplo, desiderabatur, ex sui natura, vsu seruitutes acquiri nullæ poterant.

2 C V M itaque de vsucapionibus legem edidissent decemviri, qua rebus mobilibus anni & immobilibus bien- nij spacium præscribebatur, nihil de seruitutum vsucapionibus constitue- runt: quod tales essent seruitutes, vt possi-

possideri non possent, nec per consequens vsucapi. Sed tandem quia intererat reipublicæ seruitutum vsucapionem possessionis quadam fictione, aliqua iuris auctoritate ratam haberi: quòd à decemviris de vsucapiendis seruitutibus erat omissum, id ab ijs prudentibus suppletum fuisse puto, qui ius civile non scriptum constituebant. Legibus enim 12. tabularum perlatis, ius à prudentibus constitutum fuisse, quod communi quodam nomine appellabatur ius civile author est Pomponius, c. 2. de orig. iur. A quibus quod in legibus prætermissum erat aut fuisse imperfectum, suppletum perfectumque fuisse omnino mihi persuadeo. Et certè parum constare ius potuisset, ut idem Pomponius scribit, nisi fuissent huiusmodi iurisperiti per quos ius constitutum quotidie in melius produci posset. d. c. 2. §. post originē. hinc quòd verè seruitutes vsucapi non poterant, de ijs vsucapiendis nihil constituerunt decemviri: prudentes verò, pro ea qua præditi erant iuris constituendi & interpretandi potestate, plurima quæ accidere natura
non

non poterant accidere fingeant : vt
seruitus , quia corporalis erat, fieri non
poterant vt ea possideretur : pruden-
tes tamen fingeant possideri seruitu-
tem, eamque quasi possideri dicebant,
c. 23. §. item ei qui, Ex quib. caus. maior,
c. 10. Si seruit. vind. Et quanuis natura
non possideretur, nihilominus natura-
liter possideri seruitus videbatur. c. 12.
de acq. possess. nimirum sola, quam pru-
dentes vtilitatis gratia excogitaue-
rant, fictione : quæ eius erant efficaciæ,
vt illis quæ non erant, cum ijs quæ e-
rant æqualem semper auctoritatem tri-
bueret, d. §. item ei qui. Esse autem ea
dico, quæ (vt scribit in topicis Cicero)
cerni tangiue possunt : & non esse, quæ
quanuis tangi non possunt cerni tamen
animo atque intelligi possunt, cuius ge-
neris est seruitus, vsucapio hæreditas, &
si quæ sunt alia quæ in sola mentis ima-
ginatione ambulant. Ergo seruitutes
non vsucapiebantur ex sui natura : vsu-
capiebantur prudentum auctoritate :
rursus, non vsucapiebantur verè, vsuca-
piebantur quadam fictione, seu potius
(vt vtar Senecæ verbis) imagine & qua-

D

dam

dam translatione. Et proinde quemadmodum quasi possideri, ita passim quasi vsucapi seruitutes dicuntur. Quod tamen sic accipere conuenit, non ut semper vsucapionibus aut possessionibus seruitutum addenda fuerit particula *Quasi*, aut alia similis. eam enim à prudentibus sapius omissam fuisse nec dubium est nec absurdum, ut in c. 2. Cōmi. præd. Cū enim legimus seruitutes possideri: quia scimus fieri non posse ut res incorporales possideantur, facile animo cōprehendimus ad verbum *Possidere* demonstrandæ rei causâ duntaxat prudentes descendisse, illudque ad naturam subiecti sic referri, ut quid possideri intelligatur eo modo quo possideri potest. Proinde si res corporalis sit quæ possidetur, verè eam possideri: si incorporalis, quadam fictione, hoc est, quasi possideri illam interpretabimur. Quomodo beneficium creditum appellatur apud Senecam, cū tamen creditum res non sit per se expetenda. Sed cū creditum dicimus inquit Seneca, imagine & translatione utimur. sic enim & legem scimus iusti iniusti; regulam esse,

esse, & regula non est res per se expetenda: adhuc verba demonstranda rei causa descendimus. cum dico creditum, intelligitur tanquam creditum. hæc Seneca lib. 4. de beneficijs, c. 12. Simili modo cum dicimus usufructu vel possideri servitutes, quia tales sunt ut nec possideri nec usufructu ex sui natura possint, intelligimus eas quasi possideri & tanquam usufructu. Sic hæreditatem usufructu dixit Cicero ad Atticum lib. 1. pro quasi usufructu de Tadiana re, inquit, mecum Tadius locutus est te ita scripsisse, nihil esse iam quod laboraret, quoniam hæreditas usufructu esset: id mirabamur te ignorare de tutela legitima, in qua dicitur esse puella, nihil usufructu potuisse. hæreditas enim quod eandem cum servitutibus naturam haberet, nimirum quod esset incorporalis, usu reliquarum rerum incorporalium exemplo non acquirebatur, sed quasi usufructu poterat.

3 C E T E R V M ante Scriboniam legem moribus siue prudentum auctoritate siue lege olim introductam fuisse servitutem usufructionem, probare est operæ precium. Iurisconsultorum, inquit Se-

D 2 neca,

neca, istæ acutæ ineptiæ sunt, qui hæreditatem negant vsucapi posse, sed ea quæ in hæreditate sunt, tanquam quicquam aliud sit hæreditas quàm ea quæ in hæreditate sunt, lib. 6. de benefic. c. 5. Ex quo loco satis perspicuum est, seruitutum, quemadmodum & hæreditatis reliquarumque rerum incorporealium nō vsucapionem, sed aliquam quasi vsucapionis speciem sine lege sola prudentum interpretatione vsu fuisse receptā. A quo non omnino dissentire visus est Marcus Cicero, qui vsucapionem fundi legibus, & seruitutum vsucapionem non legibus, sed ciuili iure introductam fuisse, diu ante Scriboniam legem expresse testatus est pro Cæcinnâ. Fundus, inquit, à patre relinqui potest; at vsucapio fundi, hoc est finis solitudinis & periculi litium, non à patre relinquitur, sed à legibus: aquæ ductus, haustus, iter, actus, à patre: sed rata auctoritas harum rerum omnium à iure ciuili sumitur. Ecce, fundi vsucapionem legitimam esse contendit Cicero: ratam verò auctoritatem seruitutum non legitimam, sed ciuilem: quasi non legibus, sed ciuili
 pru-

prudentum interpretatione (quæ prælati legibus decemviralibus communi quodam iuris ciuilis non scripti nomine continebatur) seruitutum vsucapio fuerit introducta: vt ita quidem vsucapio rerum corporalium ex scripto, incorporalium verò ex non scripto iure constitisse videri possit. Nam sic ex scripto & non scripto ius ciuile constabat, vt quod ciuile erat, non statim legitimum foret: sed contrà, quod erat legitimum, id statim ciuile fuisse suo loco probabimus. Accedit quod in eadem oratione pro Cæcinnâ, à legibus ius ciuile expressè distinxit Cicero, de vsucapionibus rerum corporalium & incorporalium promiscuè differens hunc in modum. Quid enim refert ædes aut fundum relictum à patre, aut aliqua ratione habere bene partum, si incertum sit quæ cum omnia tua iure mancipij sint, ea possis ne retinere? Quid, inquam, prodest fundum habere, si quæ decen- tissimè descripta à maioribus iura finium, possessionum, aquarum itinerum- que sunt, hæc perturbari aliqua ratio- ne commutarique possunt? Mihi cre-

dite, maior hæreditas venit unicuique; ve-
 strum in iisdem bonis à iure & à legibus,
 quam ab ijs à quibus illa relicta sunt.
 Nam ut perueniat ad me fundus testa-
 mento alicuius fieri potest, ut retineam
 quod meum factum sit, sine iure civili
 non potest. Hæc Cicero. Ecce, de iure fi-
 nium possessionum, aquarum, itinerum-
 que promiscuè differens Cicero, iuris &
 legum meminit. Vnde satis probabile
 est, non eodem iure quo de usucapioni-
 bus seruitutum, de possessionum, hoc
 est prædiorum usucapionibus veteres
 egisse: ut sic lege quidem de usucapien-
 dis possessionibus, iure verò sine lege
 de seruitutibus per usum acquirendis
 contendisse videri possint. Rerum igitur
 corporalium usucapio legitima &
 civilis erat: seruitutum verò civilis tan-
 tum, quod ea sine lege ex sola pruden-
 tum auctoritate constabat.

4 PORRO ante Scriboniam legem
 non tantum in usu fuisse seruitutum usu-
 captionem moribus constitutam, ut pro-
 batum est: sed etiam ipso iure usucapi
 potuisse & iterum non potuisse ipso iure
 usucapi seruitutes, eleganter defendi
 po-

potest. Nam si per ipsum ius iuris ciuile
quod ex prudentum interpretatione
veniebat auctoritatem intellexeris, non
dubium est quin vsu ipso iure acquiri
seruitutes potuerint. Verum si ad leges
decemuirales, aut aliam iuris constitu-
tionem scriptam ipsum ius retuleris,
magis erit; vt vsu seruitutes acquiri ipso
iure non potuerint. Ipsum siquidem ius
sic prudentes interpretati sunt, vt illud
interdum ad leges duodecim tabula-
rum omnino retulisse videantur. c. 26.
C. de pact. cap. 6. C. Famil. hertisc. Et ad
mores siue ius illud ciuile quod sine
scripto ex sola prudentum interpreta-
tione constabat, ipsum ius etiam per-
tinuisse hinc potest probari, quod
quum moribus Romæ prohibitam esse
inter virum & vxorem donationem Vl-
pianus ad Sabinum scripsisset, cap. 1. de
donat. int. vir. & vxor. idem ad eundem
Sabinum ipso iure quæ inter virum &
vxorem donationis causa tractabantur,
nullius fuisse momenti expresse testa-
tus est, cap. 3. §. 6. eod. tit. Quibus adde
quæ cap. 1. ad senatusconsult. Velle. ex
Paulo annotata sunt. Deniq; ad ea quæ

nullum omnino factum, quæq; nullum prætoris auxilium requirebant, etiam ipsum ius referebatur. c. 28. Mand. c. 17. Pro socio. c. 10. & 21. de compens. quomodo per stipulationem stipulatio ipso iure tolli dicebatur, c. 27. de pact. & hæc quidem sic olim erant in usu ante Scriboniam legem.

5 LATA deinde lege Scribonia civilis hæc servitutum usufructio penitus exoleuit: & quæ antea civili iure duorum annorum spacio acquirebantur servitutes, statim post Scriboniam legem ex edicto prætoris acquiri longo tempore coeperunt. Scribit enim Aggenus Urbicus in Frontinum, biennio iter quod in usu erat usufructui potuisse. Iter, inquit, non qua ad culturas peruenitur, capitur usu, sed id quod in usu biennio fuit. Quinque enim aut sex pedum latitudinem in agrorum finibus constituit lex Mamilia: eamque iter ad culturas accedens sic occupabat, ut usufructui non posset. Iter igitur quæ ad culturas peruenitur, hoc est commune illud iter quod ex lege Mamilia aliquam itineris publici naturam induerat, usu reliquarum

rum rerum publicarum exemplo non acquirebatur : sed quod in usu biennio fuit, hoc est, sed illud iter rectè capiebatur usu, quo quis privato quodam & proprio seruitutis iure usus erat biennio. Ut ita quidem seruitutes ante Scriboniam legem biennio usu captas fuisse non sit dubium. Fuisse autem latam hanc legem Tiberij temporibus hinc conijcimus, quod ea in usu non fuerit Ciceronis temporibus quibus nostri Scribonij pater Lucius Scribonius Libo consulatu alijsq; muneribus publicis probè persunctus est. Scribit enim pro Cæcinna Cicero, suis temporibus usucapionem seruitutum fuisse civilem, civilique iure earum auctoritatem ratam fuisse habitam : quam deinde sub Tiberio lege lata sustulisse visus est L. Scribonius Libo L. Scribonij Libonis illius, ut suspicamur, filius, qui Ciceroni ut popularis, sic quasi coætaneus fuit. Quo quidem tempore quia Romæ in locum civilis usucapionis in rebus immobilibus longa possessione capio honoraria successerat, ut in Triboniano diximus, quam sustulit Scribonius seruitutum v-

fucapionem, eam noua quadam longa
 possessionis prerogatiua defendebat
 prator. Quod enim c. 10. si feruit. vind.
 de feruitutibus vsu diuturno & longa
 quasi possessione acquirendis dissi-
 ritur, quodq; illius capitis inscriptio Do-
 mitiu Vlpianum ad edictum lib. 53. au-
 ctorem continet, satis hinc est, pbabile,
 in locum vfucapionis feruitutum ciuilis
 lege Scribonia sublata edicto suo no-
 uam aliquam longa quasi possessione
 capionem feruitutum pratorem furro-
 gasse: eamque deinde Imperator An-
 toninus rescripto quodam expresse et-
 iam confirmasse visus est his verbis: *Is*
qui iudex erit, longi temporis consuetudinem
vicem feruitutis obtinere sciet. cap. 1. C. de
 feruit. & aqua. Vt ita quidem antiquo
 iure duorum annorum spacio, nouo ve-
 ro longiore tempore, hoc est, decem in-
 ter præsentes, & inter absentes viginti
 annorum quasi possessione omnes olim
 feruitutes acquisitas fuisse, nec dubium
 nec obscurum cuiquam videri debeat.

6 HÆC quia non considerauerant
 viri docti nonnulli, existimabant legem
 Scriboniam ad rusticorum prædiorum
 fer-

seruitutes non pertinuisse, quod verisimile mihi nunquam videri potuit. Si enim ante Scriboniam legem nunquam in usu fuisse huiusmodi seruitutum usucapionem existimant, falluntur. Ciceronis enim temporibus civili iure earum auctoritatem ratam fuisse habitam satis probatum est. Sin verò idcirco contenderint rusticas seruitutes ad Scriboniā legem non pertinuisse, quia de libertatis usucapione eo loco tractatur quo legis Scriboniæ mentio fit, non satis probabile argumentum huiusmodi potest videri: quasi verò idcirco seruitutū rusticarum usucap. Scribonius non sustulerit, quòd in eo loco in quo de lege Scribonia tractatur, libertatis usucapionis mentio fit, quæ in urbanis duntaxat seruitutibus locum obtinebat, c. 4. §. fi. de usurp. Quin contrā, quòd ante Scriboniam legem civilis seruitutum tam rusticorum quàm urbanorum prædiorum in usu erat usucapio, quæ post eandem legē non civilis amplius, sed honoraria longa, quasi possessione terminabatur, satis hinc potest intelligi, ut urbanorum, sic etiam rusticorum prædiorū ser-

I A C. R A E V A R D I

seruitutum vsucapionem ciuilem lege Scribonia sublatam³, inq; eius locum longa quasi possessione capionem à prætore surrogatam fuisse. Ciuilem enim vrbanaŕum seruitutum vsucapionem ante Legem Scriboniam in vsu fuisse non est obscurum, si consideremus eam sustulisse lege lata expressè Scribonium: quæ deinde post Scriboniam legem in honorariam longa quasi possessione capionem transibat. c. 10. de vsurpat. Rusticarum autem seruitutum vsucapionem ciuilem etiam ante Scriboniam legem in vsu fuisse ex Cicerone probatum est: quæ similiter post eandem legem longæ quasi possessionis quadam prærogatiua per prætorem sustinebatur: c. 10. si ser. vind. Quum igitur eadem semper fuerit rusticarum & vrbanaŕum seruitutum in vsucapionibus conditio: quid impediuiſſet quæſo quominus vtramque lege sua sustulisset Scribonius? Ergo omnes omnino seruitutes ex sui natura vsucapionem non recipiunt: quia licet corporibus accedunt, incorporales tamen sunt, & idcirco vsu non capiuntur. c. 14. de seruit. cap. 32. de ser-

feruit.vrb.præd.Vfucapiebantur tamen iure ciuili ante legem Scriboniã,c.4. §. fi. de vfurpat. Cic. pro Cæcinnâ. Quam ciuilem vfucapionem fustulit deinde lex Scriboniã,d. §. fi. Prætor deniq; longæ poffeffionis quadam prærogatiua ratas haberi voluit earum feruitutum auctoritates, quarum Scribonius vfucapionem ciuilem fustulerat, cap. 10. fi fer. vind. cap. 10. de vfurpat. cap. 1. §. fi. de aqua & aq. plu. arc. cap. 1. & 2. C. de fer. & aqua. Vt ita quidem iure prætorio feruitutes lōgo tempore acq̃uifitas fuiſſe probabile ſit, quæ ante Scriboniam legem iure ciuili duorum annorum ſpacio acq̃uirebantur.

7 C E T E R V M an titulus in vfucapione feruitutum neceſſarius fuerit, hîc commodè diſputari poterit. Et vulgò quidem receptum eſt, eum neceſſarium non fuiſſe, propter hæc Vlpiani verba: *Si quis diuturno vſu & longa quaſi poſſeſſione ius aquæ ducendæ naſtus fuerit, non ei neceſſe eſt docere de iure quo aqua conſtituta eſt, veluti ex legato, vel alio modo, ſed vtilem habet actionem vt oſtendat per annos, forte tot, vſum ſe non vi, non clam, non precario.* cap. 10. fi fer-

feruit. vind. Verum huiusmodi sententia subscribere nunquam potui. Quid enim aliud est, docere de iure quò aqua constituta est, quàm probare an iuste aqua sit constituta? Quid item est aliud ostendere vsum se non vi, non clam, non precario; quàm aliquem auctoritatis titulum proferre? Quomodo enim docere poteris te non vi possedisse, nisi auctorem tuum à quò possessionem nactus es, nominaueris? Et qua ratione ostendes te non clam possedisse, nisi te sine aliquo celandi animo prædij seruientis domino tuam possessionem denunciastis probaueris? cap. 3. in fi. Quod vi aut clam. Qui deniq; probabis te non precario possedisse, nisi manifestum feteris qua auctoritate ius aquæ ducendæ nactus fueris? Ergo vtis quandoquidē tibi competat actio ad ostendendum, docendū probandumve tot annis quot ad acquisitionem iure prætorio requirebantur, non vi, sed iure, non clam, sed sciente per tuam denūciationem domino, non precario, sed titulo acquisitionis iusto te aquam duxisse, quis obsecro in vsucapione feruitutum titulum fuisse necessa-

necessarium amplius inficiari poterit? Nónne is qui docet se non vi possedisse, se iure possedisse probat? Rursus, qui ostendit se non precariò possedisse, nónne iustum allegare suæ possessionis titulum tenetur? Quomodo enim probabo me non precariò possedisse, nisi doceam ex legato vel ex donato vel alio quouis iusto titulo possessionem me iustam acquisivisse? Si igitur ius aquæ ducendæ nactus fuisses diuturno usu, tibi non erat necessum de iure quo aqua constituta erat docere: hoc est nō debebas probare iure aquam esse constitutā. Veluti si bona fide fundum emisisses cui servitus antequam emerat debebatur, illumq; cum servitute longo tempore possedisses, non fundū duntaxat, sed etiam servitutem per usum acquirere poteras, c. 12. Quemadmodum servit. amitt. Nec facta deinde servitutis controuersia tibi necessum erat docere de iure quo servitus esset constituta, hoc est (vt Celsus interpretatur) non debebas probare an iustè eam possideres: quia qui fundū cum servitute bona fide longo tempore possederat, etiamsi aut vi, aut clam, aut

aut precario seruitus esset constituta, nihilominus usu diuturno ea ab emtore retinebatur. Fundus enim, inquit Celsus, qualiter se habens, ita cum in suo habitu possessus est ius seruitutis non deperit, neque refert iuste nec ne possideat qui talem eum possidet, d. c. 12. De iure tamen auctoritatis docere debebat qui longi temporis uti prerogatiua in seruitutibus postulabat: nimirum ostendebat si seruitus vi constituta diceretur, se sine vi eam possedisse: si clam, se palam sciente domino in possessionem venisse: si precario, se iusta quadam auctoritate siue titulo usum esse seruitute: non autem probare cogebatur eum qui seruitutem constituerat, non vi, non clam, non precario constituisse, d. c. 12. Ius enim aquæ constitutum ad eum spectat qui seruitutem libero alicui fundo imponit, non autem ad eum qui impositam seruitutem longa quasi possessione nactus est. Cic. ad Quintum fratrem, lib. 3. epist. Fundum audio te hunc Bouilianum velle retinere: de eo quid videatur ipse constitues. Calus aiebat aqua dempta; & eius aquæ

quæ iure constituto, & seruitute fundo illi imposita, tamen nos precium seruare posse si vendere vellemus. Ecce, ius constitutum aquæ refert ad originem seruitutis Cicero: quod etiam Vlpianum fecisse non dubito. Ut ita quidem non videatur ei qui ius aquæ ducendæ tempore nactus erat, necessum fuisse docere de iusta seruitutis origine apud Vlpianum, qualis est seruitus quæ ex legato, donato, emptione, aut alijs modis legitimis in libero fundo constituitur.

8 AN autem bona fides in vsucapionibus seruitutû requirebatur, scio quæsitum. Equidem eam necessariam fuisse nunquam dubitavi: tum quòd seruitute vsum non videri scribat Paulus nisi cum qui suo iure, uti se credidit, c. si. Quemadmodum seruit. amit. tum etiam quòd is qui longa quasi possessione seruitutem acquirere volebat, ostendere (ut modò diximus) & probare debebat, non vi, non clam, non precario eam se possedisse, c. si seruit. vind. Quòd igitur hæc tria probare debebat possessor, miror à viris doctis nonnullis traditum esse mala fide seruitutes acquiri potuisse.

E

Sed

Sed illis fortè obſcurum ſatis Imperatoris Antonini reſcriptum quoddam impoſuit. Si aquam, inquit Antoninus, per poſſeſſionem Martialis eo ſciente duxiſti, ſeruitutem exemplo rerum immobilium tempore quaſiuiſti. c. 2. C. de ſeruit. & aqua. Ecce, ſeruitutes acquiri tempore rerum immobilium exemplo ſcribit Antoninus, hoc eſt, nō ſolū ſciente, vt alij interpretantur, fundi ſeruiantis domino, ſed etiā vt cum eius ſcientia & titulus & bona fides concurrant. Quod enim non vi, non clam, non precario omnis acquiri tempore ſeruitus debebat, conſultus Antoninus an quis clam, hoc eſt, inſciēte domino ſine denunciatione ius aquæ ducendæ poſſit acquirere, reſpondit ſeruitutem eum acquiſuiſſe qui aquam duxit per poſſeſſionem Martialis eo ſciente, hoc eſt, nō clam. d. c. 2. & c. 4. in fi. Quod vi aut clam. Vt ita exemplo rerum immobilium tempore ſeruitutes acquirantur, hoc eſt, bona fide & iuſto interueniente titulo. Hæc autem eiſdem reſcripti verba: *Quod ſi ante id ſpaciū eius vſus tibi interdictus eſt, fruſtra ſumptus in ea re factos præſtari tibi poſtulas, ad ſuperio-*

ta non pertinent: proinde sic accipien-
da puto, quasi diceret Imperator: si
cum sciente domino possideres, tamen
quia non iure possidebas, usus seruitutis
tibi fuerit iudicis pronuntiatione inter-
dictus: si quidem ante tempus usucapio-
nis, frustra sumptus tibi praestari postu-
labis: sin post illud tempus, existimarem
praestandos esse. Sunt igitur huius re-
sponsi duo capita: vnum, quo consule-
batur Antoninus, an clam, hoc est, in-
scio fundi seruiantis domino siue ali-
qua possessoris denuntiatione acquiri
tempore seruitus poterat: alterum, an
is qui in seruitute quam suo praedio de-
beri contendebat, vindicanda succubuit,
poterat sumptus quos fecerat vindica-
re. ad prius caput respondit Antoninus,
clam, hoc est, sine denuntiatione, in scio
praedij seruiantis domino usu diuturno
seruitutem acquiri non potuisse: ad po-
sterius vero respondens, distinctione
vti visus est, vt si quidem ante tem-
pus illud quod in usucapionibus serui-
tutum obseruabatur, interdictus pos-
sessori fuisset usus seruitutis, sumptus re-
stituendi non essent: sin vero post illud

tempus, utique restituendi viderentur.
Et ita in usufructibus servitutibus non
titulus tantum, sed etiam bona fides re-
quirebatur.

CAPITA HVIVS LI-
BRISINGULARIS.

Capit.

- I. De legibus populi Romani.
- II. De privilegijs sublati.
- III. De patria potestate.
- IV. De prisco patronatus iure.
- V. De in ius vocando.
- VI. De prisco iure vindictiarum.
- VII. De litis addictione.
- IIIX. De nexis.
- IX. De vindictibus.
- X. De testibus.
- XI. De eius cui testimonium defuit ob-
uagatione.
- XII. De tutelis.
- XIII. De curatoribus furiosi, vel prodigi.
- XIV. De servitutibus itineris, actus, et
viae.
- XV. De sumtibus funerum, et iure sepul-
chrorum.
- XVI. De mancipationibus.


XVII. De

- XVII. De vsucapionibus.
 XIX. De testamentis.
 XIX. De successione ab intestato.
 XX. De connubio patrum.
 XXI. De diuortijs.
 XXII. De tigno iuncto.
 XXIII. De frugum excantationibus.
 XXIV. De damno dato.
 XXV. De iniurijs, & famosis libellis.
 XXVI. De furtis.
 XXVII. De publicis iudicijs & capitalibus.
 XXIX. Miscellanea quedam.

I A C. R A E V A R D I, I. C.
 A D L E G E S X I I. T A B.
 L I B E R S I N G V -
 laris.

C A P. I.

De legibus populi Romani.


 OPVLVS Romanus vt legem
 ferre, sic legem antiquare, &
 abrogare potuit. Antiquabat
 legem, quæ non perfereba-
 tur. Quo sensu antiquatam fuisse Tribu-
 niciam rogationem de Veios commi-
 grando, scripsit libro quinto Liuius.

DE LEGIB. POP. ROM.

Postquam enim Tribuni plebem assiduus concionibus agitassent, ut relictis Romanæ ciuitatis ruinis, in urbem paratam Veios transmigrarent, tādē antiquata, inquit Liuius, huiusmodi lege, vrbs ædificari cœpta est. Quæ autem semel perlata iterum tollebatur, lex illa abrogari dicebatur. Lex, inquit Vlpianus, aut rogatur, id est, fertur: aut abrogatur, id est: prior lex tollitur. Et huius quidem abrogationis ea fuit auctoritas, ut nouis legibus antiquæ abrogatæ cederent, quemadmodum Varro testatus est lib. 8. de lingua Latina. Annō, inquit, sæpe veteres leges abrogatæ nouis cedunt? Cicero quoq; ad Atticum lib. 3. auctor est, nunquā esse obseruatas sanctiones earum legū, quæ abrogarentur. Nam si id esset, inquit, nulla ferē abrogari posset: neq; enim vlla lex est, quæ non se sepiat difficultate abrogationis. Ceterum vnde ius illud ortum sit, ut veteres leges abrogatæ nouis cedant, & nunquam obseruentur sanctiones earū legum, quæ abrogarentur, exposuit Liuius. Legis enim cuiusdā Decemuiralis libro septimo meminit, cuius hæc fuisse verba

verba videntur: IVSSVS POPVLI, ET
SVFFRAGIA SVNTO. QVODCVN-
QVE POSTREMVM POPVLVS IVS-
SIT, ID IVS RATVMQVE ESTO.
Ad quam legem visus est auctor ad He-
rennium libro secundo respexisse, quum
eam defensionem tenuem esse conten-
deret, qua ostenditur id factum esse,
quod ea lex sanciat, cui legi abroga-
tum, vel derogatum sit: id quod poste-
riori lege sancitum sit, esse neglectum.
Nimirum quia illud demum ius, & ra-
tum erat, vt aiunt Decemuiri, quod po-
stremum populus iusserat. Proinde si
nova lege vetus esset abrogata sanctio,
legi nouæ lex vetus omnino cedebat.
Nec quidem in legum abrogationibus
duntaxat locum lex ista Decemuiralis
habuit, verum etiam si cui legi derogatū,
subrogatum, aut obrogatū esset. Dero-
gatur legi, auctore in fragmentis Vlpia-
no, cum primæ legis pars tollitur: vel, vt
Festus definit, cum quid ex lege vetere
quominus fiat, sancitur noua lege: De-
rogare ergo detrahere est. Subrogatur,
cum aliquid primæ legi adijcitur: Ob-

DE PRIVILEGIIS SVBLATIS

rogatur deniq; , quum mutatur aliquid ex prima lege. Ergo quodcunq; populus abrogando, derogando, subrogando, & obrogando postremum iusserat, id ius ratumque erat. Quod autem Paulus contendit, non esse nouum vt priores leges ad posteriores trahantur, cap. 26. de legib. hoc ad legum abrogationes non pertinet, verum tunc locum habebat, si cui legi veteri aliqua sanctione noua derogatum, subrogatum, aut obrogatum esset: tunc enim lex vetus ex noua lege sic dependebat, vt hæc sine illa, & è contra, in vsu esse, aut in iudicijs versari nulla ratione posset: id quod ex auctore ad Herennium demonstrauimus.

C A P. I I.

De privilegijs sublati.

ALIO sensu Decemuiui, alio item Iurisconsulti privilegia sunt interpretati, Illi quidem omnes illas leges privilegiorum nomine complexi sunt, quæ in priuatos homines ferebantur: cum è contrario legis ea vis semper esset,

set, vt ad omnes pertineret. Iurisconsul-
ti verò ius illud singulare priuilegium
appellarunt, quod manifesta & euident
æquitatis ratio, contra vulgares iuris
communis regulas, aliquando cogit in-
dulgeri. Decemuii nulla admittunt
priuilegia: Iurisconsulti ea requiri non
dissimulant. Nec enim comitijs centu-
riatis aliqua irrogari priuilegia passi
sunt Decemuiti. Expressè enim pro do-
mo sua testatus est apud Pontifices Ci-
cero, vetare leges sacratas, vetare 12.
tabulas, leges priuatis hominibus irro-
gari, id esse enim priuilegium: neminem
vnquam tulisse: nihil esse crudeliùs, ni-
hil perniciosiùs, nihil quod minùs Ro-
mana ciuitas ferre possit. Idem Cicero
huius legis verba libro tertio de legi-
bus hunc in modum refert: P R I V I-
L E G I A N E I R R O G A N T O. Et quia
in iisdem tabulis huiusmodi caput se-
quitur: *De capite ciuis nisi per maximum co-
mitiatum ne frunto*, inde quidam statim
ratiocinati sunt, priuilegia per comitia-
tum maximum irrogari potuisse: quo
nihil potest absurdiùs dici, præsertim
cùm eodem in loco Cicero leges hæc

DE PATRIA POTEST.

duas præclarissimas de duodecim tabulis tralatas scribat, earumq; alteram priuilegia tollere, alteram de capite ciuis rogari nisi maximo comitiatu, vetare. Nec quem moueat, quòd in eodem de legibus libro tertio dixerit expresse Cicero, ferri de singulis nisi centuriatis comitijs, Decemuiros noluisse. Illud enim non ad priuilegia, sed ad rogationem de capite Romani ciuis omnino pertinet. Vetant, inquit, priuilegia irrogari, hoc est, in priuatos homines leges ferri: vetant, inquit, de capite ciuis nisi per maximum comitiatum ferri, hoc est, de singulis. Igitur priuilegium omne secundum Decemuiros iniustum est, & improbum, & idcirco nec irrogandum: secundum Iurisconsultos verò probum, iustum, ac sæpe necessarium: qualia sunt, creditorum priuilegia, priuilegium fisci, & id genus alia.

C A P. I I I.

De patria potestate.

STIPVLATIO quatenus conuentio est, iuris non ciuile tantum, sed etiam
iam

iam gentium est: quatenus contractus,
iuris ciuilis est, non gentium. Testamen-
tum quatenus suprema voluntas defini-
tur, iuris tam gentium est, quam ciuilis;
quatenus verò iusta voluntas, iuris ci-
uilis est, non gentium. Sic quoq; patria
potestas, iuris ciuilis, & gentium est, &
est quoq; iuris ciuilis tantum. Est qui-
dem iuris ciuilis, & gentium ratione po-
testatis, quia omnibus hoc gentibus in-
natum est, & ab ijs obseruatur, vt filius
in sui patris sit potestate, c. 2. de iust. &
iur. Est verò iuris ciuilis tantum, quia
ex iustis nuptijs, quas soli ciues Ro-
mani contrahunt, ea sic constat, vt iure
ciuili plurima patri concessa sint, quæ
gentium iure eidem non conceduntur.
Ideoque ius potestatis, quod soli ciues
Romani in liberos habent, ius dicitur
proprium ciuium Romanorum, cap. 3.
de his qui sunt sui. §. 2. institu. de patr.
potest. Neque enim peregrinus ciuem
Romanum, nec ciuis Romanus pere-
grinum in potestate habere potest. Et
idcirco si patri, vel filio aqua & igni in-
terdictum esset, patria huiusmodi po-
testas tollebatur: Siquidem is cui aqua
&

DE PATRIA POTES,

& igni interdictum erat, peregrinus fiebat, auctore in fragmentis Vlpiano, tit. 10. Eoque respexisse omnino visus est libro decimo epistolarum Plinius, ab Imperatore Troiano Chrysippo cuidam, eiusque uxori ciuitatem postulans. Rogo ergo, inquit, vt propinquis eius des ciuitatem Chrysippo Mithridatis, uxoriq; Chrysippi Stratonicae Epigoni. Item liberis eiusdem Chrysippi, Epigono & Mithridati, ita vt sint in patris potestate, vtq; ijs in liberos seruetur ius patronorum. Illud autem ius potestatis, quod cum reliquis gentibus ciues Romani habent commune, ad ius non solum ciuile, sed etiam gentium referri debet. Idq; inter ceteros aperte testatus est idem Plinius, de hereditatum vigesima differens in Panegyrico. Tu quidem, inquit, Caesar illam exceptionem remouisti, si modo filius in patris potestate fuisset: intuitus opinor vim legemque naturae, quae semper in ditione parentum esse liberos iussit. Et hoc illud est, quod hunc in modum Cicero scribit libro tertio offic. Maiores aliud ius gentium, aliud ciuile esse voluerunt: quod

quod enim ciuile, non idem continuò gentium: quod autem gentium, id ciuile debet esse. Ius autem potestatis, quod proprium ciuium Ròmanorum dicitur, inde ab ipso Ròmanæ ciuitatis exòrdio trahit originem. Temporibus siquidem Romuli; òmnis etiam necis in filium patri iurè ciuili auctoritas indulgebatur: maiórque concessa patrì in filium potestas fuit, quàm domino in seruum. Seruus enim venditus, deinde libertatèm adèptus, sui iuris fiebat. Filius verò à patrè venditus, si liber fieret, rursus in patris potestatem redigebatur, & post tertiam demùm venditionem eximebatur è potestate, vt auctor est Dionysius, libro secundo. Proinde si quid commisisset filius, quod castigationem, aut etiam seueriorem aliquam requireret animaduersionem, castigandi, & in filium animaduertendi; omnem patri permisit Romulus potestatem: adeò vt occidere, vendere, in exilium mittere, alijsq; supplicijs filium pro arbitrato afficere pater sine fraude potuerit. Nec quidem videri potest Romulus tyrannidem, aut carnificinam aliquam parentum

DE PATRIA POTEST.

tum iure iniustam tollerasse, vt imperi-
tis quibusdam persuasum esse intelligo,
verum scelera filiorum iustis parentum
decretis vindicari voluisse. Hæc cum ita
sint, videamus quo sensu accipi debeat,
quod cap. vlt. C. de patr. potest. hunc in
modum Constantinus scribit: *Libertati
à maioribus tantum impensum est, vt patribus
quibus ius vitæ in liberos, necisq; potestas olim
erat permissa, libertatem eripere non liceret.*
Nónne qui filium vendit, libertatem
eripit? Si pater, qui filium vendit, eri-
peret libertatem filio, vtique filius ma-
numissus non ingenuus, sed vt reliqui
serui libertinus efficeretur Libertatem
autem pro ingenuitate accipi, non est
nouum, cap. 40. de liberal. caus. c. 21.
de stat. hom. Permiserunt itaque ma-
iores à patribus filios vendi, & in scrui-
tutem redigi, salua tamen libertatis,
hoc est, (vt interpretari videtur Iu-
lius Paullus, libr. 5. sentent. titul. 1. in
princip.) ingenuitatis prærogatiua, sic
vt manumissi inter ingenuos censean-
tur, non autem inter libertinos. Sed an
postliminium habeant? Postliminium
habere filium à patre venditum, negat
aperte

apertè Cicero de Orat. libr. i. Memoria enim proditum esse ait, quem pater suus, aut populus vendidisset, aut pater patratus dedidisset, eī nullum esse postliminium. Ceterum an ius istud potestatis scripta lege proditum sit, an verò sine lege, dubitat Dionysius. Nobis aliquando placebat expressa quadam Romuli constitutione illud fuisse introductum: sed in contrarium me vocat Vlpiani sententia, qui ius istud potestatis moribus receptum fuisse arbitratus est; cap. 8. de stat. hom. Scribit etiam Pomponius in initio Romanæ civitatis populū sine certa lege, sine iure certo primum agere instituisse; cap. 2. in princ. de orig. iur. Proinde huiusmodi iure incerto ius patriæ potestatis fuisse receptum; quā per certam aliquam legem Regiam, est verisimilius. An autem ius istud potestatis ante exactos Reges in usu Romæ defuerit esse, videamus. Numa Pompilius omne ius vendendi filios, connubio parentum cōsensu iunctos, parentibus, si Dionysio credimus, expressa lege ademit. Nec quidem ius vendendi huiusmodi
filios

DE PATRIA POTEST.

filios duntaxat, sed etiam omne ius necis, & seuerioris in filios animaduersionis Numam ademisse parentibus, omnino mihi persuaderem, nisi expressse scripsisset Liuius, cum de protocatione Horatij, qui propriam sororem interemerat, ad populum certabatur, motos tunc fuisse homines in eo iudicio, maxime P. Horatio patre proclamante, se filiam iure cæsam iudicare seque nî ita esset, patrio iure in filium animaduersurum fuisse. Vnde statim conieci, ius in filios animaduertendi necdum Tulli Hostilij, qui tunc regnabat, temporibus ademptum parentibus fuisse. Porro non multò post Hostilium Seruius Tullius Tarquinij successor, legem tulit, qua filium parentes verberantem Diuis parentum sacrum esse voluit. Et quia huiusmodi facinus iure potestatis patriæ à parentibus vindicare Seruius non permisit, si non parentibus omne in filios animaduertendi ius eo tempore ademptum fuisse videatur, saltem patriæ potestatis iure saluo, tantæ impietatis auctores filios sic Rex voluit puniri, vt à quouis impunè possent occidi. Verba
legis

legis hæc sunt: SI PVER PAREN-
TEM VERBERIT, AST OLLE
PLORASSIT PARENTES, PVER
DIVIS PARENTVM SACER E-
STO. auctore Festo, lib. 14. Quæ lex et-
iam Virgilio nota fuit: ait enim libro
sexto, apud inferos puniri quibus *Pulsa-
tusæ parens, aut fraus innexa clienti.* Scribit i-
dem Festus (vt hanc legem obiter ex-
plicemus) plorassit parentes, idem esse
q̃ clamarit. Sed quia qui proquiritant,
qui iubilant, etiam clamant, videamus
quid inter proquiritare, iubilare, &
parentes plorare intersit. Varro scribit
lib. 5. de lingua Latina, qui fidem Quiri-
tium clamans implorat, eum dici pro-
quiritare: & vt quiritare vrbano-
rum, sic iubilare rusticorum esse. Simili mo-
do qui parens parentum implorabat
auxilium, parentes plorare dicebatur.
Solebat autem is cui vis aliqua fiebat, si
quidem ruri ageret, iubilare: sin verò in
Romana ciuitate, & ciuis esset, proqui-
ritare. Vnde illud Terentij in Adelphi.
*Obsecro populares fr̃te misero atq; innocenti
auxilium,*
Subuenite inopi.

F

In quem

DE PATRIA P O T E S T.

In quem locum Donatus, & hoc est, inquit, quod veteres quiritare dicebant, Quirites conclamare. Quo spectat etiam Plauti illud in Curcul.

— Ergo ambula in ius.hem tibi.

C N. O ciues, ciues. M I. Quid clamas?

Si denique parens esset qui à filio vim pateretur, parens parentes plorabat, hoc est, conclamabat, & Diuis parentum sacer erat filius, hoc est, eius facinus conclamatis parentibus Diuis parentum sic deuouebatur, vt filius à quouis sine fraude posset occidi, & qui eum occidisset, parricidij non damnaretur. Qua quidem lege Regia vsi non sunt Romani perpetuò. Scribit enim Vlpianus, si filius matrem, aut patrem, quos venerari oportet, contumelijs affecisset, aut impias manus eis intulisset, præfectum vrbs delictum ad publicam pietatem pertinens, pro modo eius vindicasse. cap. i. de obseq. parent. & patron. præst. Potestatis itaque patriæ ius, quo impunè filios vendere & occidere parentibus omnino erat liberum, ante exactos Reges, nisi me vehementer coniectura fallit, in vsu esse desijt. Quamuis
interim

interim inficiari non possim, Decemuiros in quartam suarum legum tabulam eum quoque morem retulisse, quo non nisi post tertiam venditionem patris potestate filios liberari erat receptum, idq; Dionysium scripsisse libro secundo. Verum eam fuisse Decemuirorum intentionem, ut veterem & incertam illam vendendi filios consuetudinem, quæ Romuli temporibus in usu erat, noua lege confirmare voluerint, mihi nequaquam persuadeo. Dicam itaq; quod sentio liberè. Romuli temporibus post tertiam demum venditionem filius potestate patria liberabatur, & sui iuris fiebat. Voluerunt quoque Decemuires, post tertiam demum venditionem filios sui iuris fieri. Sed diuersa ratione. Romulus per venditiones tres veras tres venditiones intellexit. Decemuires verò neius antiquum penitus immutatum cum magistratu videretur, aliqua non legum duntaxat, sed & morum veterum superesse vestigia voluerunt. Ideoq; tres illas venditiones, sine quibus è patris potestate filius more maiorum non eximebatur, in suas tabulas retulerunt.

DE PATRIA P O T E S T .

Itaque filius ter mancipatus, ter manu-
missus, & more maiorum, & lege De-
cemuirali sui iuris olim fiebat. More
maiorum quidem, si ter verè mancipa-
tus, ter verè manumissus fuisset: lege ve-
rò Decemuirali fiebat sui iuris filius fa-
miliâs emancipatione, hoc est, tribus i-
maginarijs mancipationibus & manu-
missionibus. Liberi, inquit Ulpianus in
fragmentis, tit. 10. parentum potestate
liberantur emancipatione, id est, si post-
ea quàm mancipati fuerint, manumissi
sint. Per emancipationem autem, ima-
ginariam apud Ulpianum intelligi, non
aliquam veram venditionem, Caius in
suis institutionibus demonstrat libr. 1.
tit. 6. Emancipatio, inquit Caius, hoc est,
manus traditio, quædam similitudo
venditionis est. Et ad huiusmodi eman-
cipationem legem hanc Decemviralem
pertinuisse, expressè testatus est idem
Ulpianus eod. tit. 10. Cùm enim dixis-
set, filios patria potestate emancipatio-
ne liberari, subiecit: *Sed filius quidem ter
mancipatus, ter manumissus, sui iuris fit. Id enim
lex. 12. tabul. iubet his verbis: SI PATER
FILIVM TER VENVNDAVIT, FI-*
LIVS

LIVS A PATRE LIBER ESTO.
Nec verò dubitabit, quin hæc interpreta-
tio nostra verissima sit, qui satis e-
mancipationum solennia apud Caium
diligenter excusserit.

CAP. I V.

De prisco patronatus iure.

SCRIBIT lib. II. Dionysius, Romu-
lum patricijs plebeios commendaf-
se, optione cuique è vulgo data quem
vellet patronum eligendi, more ab A-
theniensibus repetito: & eam paupe-
rum tutelam patronatum appellatam
fuisse: iusque patronatus officijs tum
inde apud Romanos durantibus huius-
modi constituisse: nimirum vt patroni
clientibus de iure responderent, cuius
illi rudes erant, & ignari: absentium æ-
que atque præsentium curam gererent:
adessent in iudicijs, omnemque accusa-
toris impetum sustinerent. Iuxta Plauti
illud in Menec.

iuris ubi dicitur dies, simul

Patronis dicitur: quippe qui pro illis

Loquantur, male quæ fecerint: aut ad

DE PRISCO PATRON. IVRE.

*Populum aut in iure, aut apud iudicem res est.
Sic me hodie nimis sollicitum cliens (quam
Quidam habuit: neq; quod volui agere quic-
Licitum est: ita me attinuit, ita me detinuit.
Apud Aediles pro eius factis plurimis,
Pessimisq; dixi caussam.*

Cientes autem patronis, qui tenuioris
erant fortunæ, quàm vt filias honestè
commodèque possent elocare, in elo-
candis filiabus opitulabantur, eosque
eorumque filios ab hostibus inter ce-
ptos, sumptu proprio redimebant. Et
fuit certè ius istud patronatus tantæ a-
pud veteres auctoritatis, vt contenderit
expressè M. Cato, patrem primum, dein-
de patronum proximum nomē habuif-
se: auctore Gellio lib. 5. c. 13. Proinde
non est dubium, quin seuerè in patro-
nos fraudulentos Romani animaduer-
terint. Sanè Dionysius auctor est, clien-
tem aduersus patronum, aut patronum
aduersus clientem dicere testimonium
non potuisse: nec alterum ab altero ac-
cusari, aut inter inimicos numerari: qui
quid horum fecisset, teneri eum Romu-
li lege de proditoribus, eumque vt Diti
sacru, interficere cuilibet liberum fuis-
se.

se. Atque huius quidem prisci iuris Decemviri etiā nostri aliquam in suis tabulis memoriam superesse voluerunt. Ideoq; ius istud patronatus à Romulo vti introductum fuit, ita in suas quoque tabulas transtulerunt, his verbis: PATRONVS SI CLIENTI FRAVDEM FAXIT, SACER ESTO: quemadmodum Seruius Honoratus, & post eum Iulius Sabinus exponentes illud Virgilij, *Et fraus innexa clienti*, adnotarunt. Refert idem Sabinus, per fraudem in hac lege prauaricationes Vrbanum intellexisse, quod mihi ad omnem fraudem, dolumque malum potius referendum videtur. Voluerunt itaque Decemviri, patronum qui clientem fraudasset, sacrum esse. Morem Romanis fuisse ait Dionysius, vt quos vellent impune occidi, eorum corpora deuouerent Deo cuiuspiam, præcipueq; Dijs inferis. Eumq; morem obseruasse Romulum in fraudibus patronorum, clientumq; vindicandis, idem expresse addidit Dionysius. Quo sensu hominem sacrum accepisse in hac lege Decemuiros dubium non est: quamuis hominem sacrum Festus

DE IN IUS VOCANDO.

eum definierit, quem populus iudicauit ob maleficium, neque fas est eum immolari, sed qui occidit, parricidij non damnatur. Quæ quidem Festi definitio aliò referri debet. Et certè Liuius lib. 3. L. Valerio & M. Horatio Consulib.; sancitam, ait, nouam fuisse legem, ne quis vllum magistratum sine prouocatione crearet: qui creasset, eum ius fasq; esse occidi, nec eam cædem capitalis noxæ haberi. Ad quam legem Festi definitio non incommodè trahi posse videtur.

C A P. V.

De in ius vocando.

QUI ius suum volebant persequi, in ius aduersarium vocabant: quem sequi nolentem attestationis medio ducebant, & reluctantem omni ruino trahebant, siq; opus esset, rapiebant. Plautus in Penulo:

*Sed quid ego dubito fugere hinc in malum
crucem,*

*Priusquam obtorto collo ad Præto rem tra-
hor?*

Erat

Erat enim lege sancitum Decemuirali, in ius vocati ut irent. Auctor ad Herennium, lege ius est, inquit, ut in ius eas cum voceris. Cicero libr. 3. de legibus: A pueris, Quinte, didicimus, SI IN IUS VOCET, ATQUE EAT, & huiusmodi alias leges nominare. Si autem in ius vocatus vitio, morboque, id est, neque febriculoso, neque graui nimium, sed vitio quodam imbecillitatis, atque inualentiae ire in ius non poterat, ei iumentum, hoc est, vectabulum (ut Caelius apud Gellium libr. 20. interpretatur) quod iunctis pecoribus trahebatur, dari voluerunt Decemviri. Eique haud aliter in ius sequi, quam strata, quam nimis aegri portari solebant, arcera, recusanti, arcera sterni expressa lege prohibuerunt. quam legem hunc in modum apud Gellium esse restituendam existimaui: SI MORBUS AEVI TASVE VITIUM ESIT, QUI IN IUS VOCASSIT, IUMENTUM DATO: SI VOLET ARCERAM, NE STERNITO. In libris enim impressis mendose legitur: Si nolet, arcera ne sternito. pro, Si volet arcera, ne sternito. Item,

DE IN IUS VOCANDO.

esset, pro est. Decemviri itaq; postulanti arceram reo sterni vetuerunt: non quòd eam sternere si actor voluisset prohiberetur, verum quòd eam reo sine arcera in ius sequi recusanti, inuitus actor sternere non cogeretur. Ea siquidem est (prout illam Sextus Cæcilius interpretatur) Decemvirorum sententia, vt in ius vocato pauperrimo homini, vel inopi, qui aut pedibus fortè æger esset, aut quo alio casu ingredi nequirit, plostrum daretur: ne causatio ægræ corporis perpetuam daret fidem detrectantibus, iurisque actiones declinantibus, vacationem. Nec quidem si morbus fonticus, quem vehementiorẽ vimque grauitèr nocendi continentem interpretatur idem Cæcilius, ream inuassisset, arceram sterni permiserunt Decemviri, sed iudicij diem diffusum esse voluerunt, c. 2 §. 2. Si quis cautio. Decemviri cum diem diffindi dicebāt, qui differebatur. Nec dubium est, quin hanc legem de diffindendo die à Numæ Rege desumpserint. Nam certa quædam vitia enumerasse visus est Numa, quibus si iudex, vel altervter ex litigatoribus im-

peditus esset, dies iudicij diffinderetur. Eiusque legis particulam, quæ apud Festum libr. 16. mendosissima exstat, omnino mihi persuasit Iacobus Cuiacius acutissimus interpres, sic esse restituendam: SI QUID HORVM FUIT VITIUM IVDICI, ARBITROVE, REOVE, DIES DIFFISVS ESTO. In exemplaribus impressis pro *Diffisus*, legitur *Diffensus*, erroris non admodum obscura origine, siquidem veteres ita scribere solebāt, *diffesisus*, pro *diffisus*: quod cum non perciperent imperiti librarij, *diffesisus* loco, *diffensus* posuerunt. Dies autem ita diffindi solet ex lege duodecim tabularum, ut si morbo fontico actor vel reus impeditus esset, morbum iniure allegari per amicum curaret: tunc Prætor excusatione cognita, quia Decemviri ob morbum fonticum volebant diem iudicij diffisum esse, in diffindendo die hac formula utebatur: HI C. DIES DIFFISVS ESTO. ut auctor est Acron in Horatium. Ergo vocatus in ius, ni morbo esset opus iumento, nive morbo fontico dies iudicij diffisus esset, statim in ius sequi actorem cogeбatur: eique

DE IN IUS VOCANDO.

eique non sequenti præsentibus antestatis auctor iudicium denunciabat. Antestatos autem inde appellatos putauit Porphyrion, quod ante superstitēs, siue testes deberent aduocari, & in testimonium adhiberi, quàm auctor reum manu posset præhendere. Et id quidem expressa Decemuirali lege fuisse cautum, idem addidit: quam ego sic restituo: SI VIS VOCATIONI EVAT, TESTAMINI: IGITUR EM CAPITO ANTESTARI. Veteres autem *fiat* dixisse pro *fiat*, expressè testatur Nonius Marcellus, & in Virgilium Iulius Sabinus. *em* quoque pro *eum* antiquos posuisse, auctor est Festus. Itaque si actor aduersarium vocaret in ius, & is vi resisteret, (vt ita vis fieret vocatōni) voluerunt Decemuiro actorem testari, hoc est, testes aliquot aduocare, Igitur *em capito*, id est, tunc eum capito, siue eum manu præhendito: *antestari*, hoc est, attestando, siue Græcorum more, *παραρτηρεῖν* &c. Sic enim antestari Græcè dici ex ædis Beati Germani Parisiensis Lexico primus obseruauit Barnabas Brisso-

Briffonius. Vt ita ne ex lege quidem.
 12. tabularum reus manu præhendi sine
 antestatione potuerit. Nec verò satis e-
 rat Decemuiris manibus antestationis
 medio reos præhendi, verùm si calue-
 rentur, si pedem struerent, hoc est, si
 frustrarentur, vix pedem pedi præfer-
 rent, fugerent, ociosè irent, remoraren-
 tur (vt Festus in verbo *Struit*, & Caius
 cap. 233. de verb. sign. interpretantur)
 manus in reos iniici, hoc est (vt mihi
 quidem videtur) manibus reos trahi, &
 rapì in ius permiserunt Decemuires, his
 verbis: *SI CALVITVR, PEDÈMVÈ
 STRVIT, MANVM ENDOIACITÒ.*
 vt auctor est idem Festus. Antestationes
 autem sic fieri solebant: Auriculā actor
 vnus ex superstitibus attingens, sic eum
 interrogabat, *Licet antestari?* Si ille re-
 sponderet, *Licet*, manus in aduersarium
 iniiciebantur, pèrq; manus iniectionem
 ducebatur, trahebatur, siq; opus esset,
 ad Prætorem obtorto collo rapiebatur.
 Horatius libro primo, serm. sat. 9.

Casu venit obuius illi

Aduersarius: & quò tu turpißime? magna

Exclamat voce. & licet antestari? ego verò

Oppo-

DE IN IUS VOCANDO.

Oppono auriculam : rapit in ius, clamor v^{tr}
trinq;

Vndiq; concursus.

Vnde satis perspicuum est, medio antestationis, in aduersarios manus sic olim actores iniecisse, vt eos reluctantes, pedemve struentes, vi ad Prætorem raperent. Hic illius facienda mentio antiqui lapilli est, quem cum tuus Marce generosissime, germanus frater Guido Laurinus mihi nuper exhibuisset, statim ea quæ de antestatione coniecturis aliquot verisimilibus confirmaram, esse verissima depræhendi. Erat enim insculpta lapillo manus atterens auriculam, cum hac inscriptione, MNHMONETE, quod idem est cum memor esto. Eoque referendum esse illud Virgilij in Bucolic. *Cynthius aurem vellit, & admonuit.* vir clarissimus, eruditionisque tibi, & affinitatis nomine charissimus, Iacobus Sufius nuper dum hæc legeret, rectè animaduertit. Et sic quidem aliud nihil in effectu significare videtur antestari, quàm testibus vti, vel, vt Plautus ait, testes facere, quando actor in reum manus iniicere volebat. Plaut. in Curcul.

Ne facias testes, neq; equidem tibi debeo quicquam.

Quin & Caius cùm de illis ageret, qui neque sequuntur, neque ducuntur, in reum manus iniici solere, reum manibus teneri scribens, indicare visus est: Solutum, inquit, non intelligimus eum, qui licet vinculis liberatus sit, manibus tamen tenetur, cap. 48. de verb. signific. Quòd si antestatus non esset actor, & manum iniecisset, iniuriarum, ut existimat Acron, reus constitui poterat. Hinc illud Plauti in Curcul.

Hocce pacto indemnatum, atq; intestatum me arripi?

Nec immerito, qui enim non reluctan-tem trahit, aut rapit, vim inferre videtur. Proinde ne sine iusta causa sic in adversarios sæuissent actores, lege constitutum reor Decemvirali, ut qui sine antestatione in reum manus iniecisset, iniuriarum posset conueniri. Nec verò huius antestationis solennitas in tantum ab aliorum testimoniorum iure discedebat, quin ut à testimonijs reliquis, sic ab antestatione serui repellerentur. Plautus in Curcul.

DE IN IUS VOCANDO.

--- Servon' antestari? PH. Vide.

C. Hem, vt scias me liberum esse.

Portò vt quis in ius raperetur, non semper opus antestatione fuit: nam si reus improbus esset, & intestabilis, vt sunt leones, fures, & id genus alij, sine antestatione ad Prætorem rapiebatur: id q̃ doctissimus Præceptor meus Hopperus in eruditissimo suo de iuris arte libro tertio adnotavit. Vtilius siquidem erat, plagiarios, & fures priuata manu, ciuiumque concursu ad Prætorem sine antestatione rapi, quam sub prætextu securitatis tranquillitatisque publicæ, tergiuersatione rapinis, plagijs, aut furtis indulgere. Quod cum ita sit, mirum nemini profectò videri debet, in improbos huiusmodi homines manus etiam sine antestatione iniici consueuisse. Sic Lyconidem adolescentem aulæ quadrilibris furem suspicans Euclio, in ius rapere visus est voluisse, apud Plautum in Aulularia:

Nisi refres. L. Quid tibi ego refraam?

E. Quod surripuisti meum.

Iam equidem ad Prætorem herclè te rapiam,
& tibi scribam dicam.

Nam

Nam quòd nullam hîc superstitionem optauerit præsentiâ Euclio, quòd nullam viatoris implorauerit auxilium, hinc potest probabiliter argui, communi iure in eum quem furem esse non dubitabat adolescentem manus iniicere Euclionem potuisse. Similiter in Persa, cum in Dorpalum lenonem manus iniiceret Saturio parasitus, interrogatus à lenone an ne antestaretur, respondit:

— Tuâne ego caussa carnifex

Cuiquam mortali libero aures atteram;

Qui hîc commercaris ciues homines liberos?
Rursus in Rudente, cum Labrax leno à Pleusidippo in ius vocaretur, sic eum interrogabat Pleusidippus:

Rapier hinc obtorto collo maior, an trahi?

Vtrumuis opta dum licet.

Cumque se neutrum velle leno respondisset, subiicit statim Pleusidippus:

Abi sanè ad littus curriculo Trachalio;

*Iube illos in urbem ire obuiam ad portum
mibi,*

*Quos mecum duxi, qui hunc ad carnificem
trabant.*

Ego hunc scelestum in ius rapiam exulem.

G

Agé

DE IN IUS VOCANDO.

Agè ambula in ius. L. quid ego deliqui?

Et paulò pòst:

——*Obsecro subueni mi Charmides,*

Rapior obtorto collo. C H. quis me nominat?

L. Viden' me vt rapior? C H. video, & inspecto lubens.

L. Non subuenire mihi audes? C H. quis homo te rapit?

L. Adolescens Pleusidippus.

Ceterum, si honestior esset persona, quam vt eam rapì conueniret, (erant enim qui in ius vocati, duci, aut rapì ne medio quidem antestationis poterant, vt ex epigraphe cap. 48. de verb. sign. colligimus) diem ei dicebat, eamque promissa pœna, quam multam Plautus appellat, datisve, ni prœdia possideret, vadibus, vel pignore, dimittebat. Plaut. in Capt.

His diem dicam, irrogabo multam.

Nam quod lege cautum fuisse diximus, in ius vocati vt irent, Prætor illud edicto sic est interpretatus: *In ius vocati vt eant, aut satis, vel cautum dent.* Quòd enim certos Prætor sessionum haberet dies, quibus postulationibus, quibus etiam cognitionibus eum vacasse, libro primo

mo Variorum demonstrabimus: manus in aduersarium iniiciendi oportunitate actores fraudari diutius Prætori iniquum videbatur. Proinde concessit agere volentibus aduersarios suos vadari, hoc est, sic in ius vocare, ut ni pœnâ stipulantibus actoribus promitterent, aut satis vel cautum aliquo modo darent, prædiâve possiderent, manus iniectionem paterentur, & medio antestationis vel ad prætorem, si is postulationibus operam daret, ducerentur: vel si alijs negocijs occupatus esset Prætor, in carcere proxima postulationum die iniure sistendi causa adseruarentur. Plautus in Persa.

— Vadatur hic me, P. utinam vades

Desint, in carcere ut sis.

Quod etiam de his qui neque sequuntur, neque ducuntur, Caius adnotasse visus est, cap. 48. de verb. signific. Ac ne eum, inquit, intelligimus solutum, qui in publico sine vinculis seruatur. Per publicum enim carcerem siue custodiam intelligi, illud Plauti in Amphit. liquido demonstrat:

— Ita

Peregræ adueniens, hospitio publicitus accipiar.

G 2 Vades

DE IN IUS VOCANDO.

Vades autem dicti sunt, qui pro altero vadimonium promittebant: dictosque putat Acron, quod qui eos dederat, vadendi haberet potestatem. Et quamvis putauerit Festus, vades sponsores significare datos in re capitali, nihilominus tamen ciuilibus, quam in capitalibus causis vades dari, vadimoniumque promitti solere, ex sola quam Cicero pro P. Quintio scripsit oratione, satis probari potest. Promittitur autem vadimonium, cum aliquis formula præscripta certo tempore se spondet præsentibus antestatis in ius venturum. Nec aliter exigi vades potuisse existimo, quam si de reo sibi non satis confideret actor, eum non ignorans rebus inceptis non satis idoneum. Tunc enim consuetudinem fuisse scribit Varro, ut reus pro se alterum constitueret. Quasi è contrario, si reus inceptis rebus satis esset idoneus, vades peti non debuerint. Hinc factum deinde suspicor, ut apud Marcum possessores rerum immobilium satisfacere non debuerint. cap. penul. Qui satisfd. cog. Et cum Vlpianus duplicem esse in iudicio sistendi cautionem scriberet,

beret, vnam nudam, satisfdato alteram: si domum reuocandi beneficio gauderet reus, nuda cautione promitti vadium addidit. Vt sic non solum possesores rerum immobilium, alijq; rebus inceptis satis idonei, a satisfdatione liberarentur, verum etiam qui domum reuocandi ius habebant. Si itaque reus non satis locuples actori videretur, nec domum reuocandi, aut aliud aliquod habere priuilegium, sic cum actor vadari solet, vt si nulla idonea interueniret satisfdatio, manus ab iniectione non abstineret. Ideoque vades, vel pignus dare vadatus debebat. Vades reum sistere certo die promittebant: De pignore autem addidi, quod vt reis, sic etiam pignoribus idonee cauere Vlpianus responderit, c. 1. §. 7. de collat. Quo modo satisfdato, aut pignoribus datis idonee cauere, & si fides sine satisfdatione habita fuerit promittendi, idonee cautum videri, respondit idem Vlpianus, cap. 4. §. 6. de fidei com. liberat. Hanc enim veram esse cautionum, quæ iudicio sistendi causa in usu erant, distinctionem, satis indicat titulus o-

DE IN IUS VOCANDO.

Statius libri secundi Pandectarum. Et hæc quidem omnia sic olim locum habebant, si Romanum ciuem ciuis Romanus in ius vocasset. Ceterum si cum hoste manus esset conferenda, nec trahi, nec rapi peregrinum in ius passus sunt Decemviri, sed diem duntaxat condici. Hostis, inquit Cicero lib. I. offic. apud maiores nostros is dicebatur, quem nunc peregrinum dicimus: indicant duodecim tabulæ, **AUT STATVS DIES CVM HOSTE.** Et hæc hætenus de in ius vocando.

C A P. V I.

De prisco iure vindictiarum.

INITIO ciuitatis Romanæ hæc fuisse priuatorum iudiciorum ratio videtur, ut qui rem suam vellet persequi, manum cum aduersario cōfereret. Nam de qua re disceptabatur, siue ager, siue quid aliud esset, solet eam actor cum aduersario manu præhendere, & in ea re omnibus verbis vindicare: quæ vindictio, vindictia dicebatur, eaque vindictia correptione manus in re, atque in loco

loco præfenti, auctore Prætore ex 12. tabulis, fiebat, in quibus ita scriptum est: SI QVI EX IVRE MANVM CONSERVNT. auctore Gellio, lib. 20. cap. 9. Cum enim angustioribus, quàm quibus Italia circumscribitur, Romanum imperium finibus concludebatur, tunc qui iurisdictioni præerant vnà cum litigatoribus ex iure in fundum controuersum, dicendarum vindiciarum causa, proficiscebantur: ibiq; manuum facta confertione, quem suum esse fundum actor contendebat, eundem contra vindicabat reus: eamque vim quæ per huiusmodi manus correptionem fiebat, ciuilem, & festucariam verbo dictam, non manu factam fuisse, idem Gellius expresse testatus est. Ceterum postea quam Prætores, propagatis Italiæ, orbisq; Romani finibus, datis iurisdictionibus, negotijsq; occupati, ex iure proficisci dicendarum vindiciarum causa, in res longinquas grauabantur, institutum est contra 12. tabulas, tacito populi consensu, vt litigantes non ex iure apud Prætorem manum confererent, hoc est, non vnà cum Prætore manus

conferendæ gratia ex iure, siue loco illo in quo ius redditur, in locum controuersum proficisceretur: sed ex iure manu confertum vocarent, id est, alter alterum ex iure ad conferendam manum in rem de qua ageretur, vocaret: & simul in agrum (si de eo fortè controuersia esset) profecti, terræ aliquid ex eo, vti vnā glebā, in urbem in ius ad Prætorem deferrent, atque in ea glebā tāquam in tota agro vindicarent. Quomodo autem huiusmodi manus confertio fieri soleat, litteræ antiquiores non declarant. Nec quidem perpetuò in fundum profecti sunt litigantes, indeque glebā in ius detulerunt. Fuit enim tandem à Iurisconsultis noua, & solennis, quædam manus conferendæ ratio excogitata, quæ certis concepta verbis, & suum actori, & reo item suum, nec non suum quoque Prætori carmen præscribebat. Itaque quemadmodum Prætores negotijs varijs occupati, tandem dicendarum vindiciarum causā proficisci grauabantur, sic litigantes etiam manus conferendæ gratia tandem in agros proficisci, indeque glebas in ius de-

deferre omnino desierunt. Ne tamen
 nouis aliquibus institutis l'omnis prisci
 iudiciorum ordinis solennitas aboleretur,
 visum fuit Pontificibus, qui iuri ci-
 uili, & legis actionibus præerant, ali-
 quam protectionem imaginariam, in
 veræ protectionis locum surrogare, qua
 litigantes certam inire viam, eamque
 redire docerent. Quo tempore hæc iu-
 diciorum ratio in usu fuisse videtur,
 quantum ex Cicrone pro Murena col-
 ligimus, ut actor cum in ius vocasset ad-
 uersarium, hac in iure formularetur:

FVNDVS QVI EST IN AGRO QVI
 SABINVS VOCATVR, EGO EVM
 EX IVRE MEVM ESSE AIO: INDE
 EGO TE EX IVRE MANV CON-
 SERTVM VOCO. Citatus deinde reus
 vsus est hac formula: VNDE TV ME
 EX IVRE MANV CONSERTVM
 VOCASTI, INDE EGO TE RE-
 VOCO. Tum Prætor: VTRISQVE, SV-
 PERSTITIBVS PRAESENTIBVS, I-
 STAM VIAM DICO: INITE VIAM.
 præstò aderat sapiens qui viam inire

doceret: REDITE VIAM. eodem du-
 ce redibant. Hæc iam tum etiam in usu
 esse desierunt, cum Prætor additis excep-
 tionibus & replicationibus ius in li-
 tis verba componebat. Tunc enim cui-
 libet ita ut sibi videretur, edere actio-
 nem fuit liberum, siue per libellum, si-
 ue per solam denunciationem: satis-
 que erat hac uti formula in fundi vin-
 dicatione: *Fundum Tusculanum ex iure*
Quiritium meum esse aio. Et quamvis hæc
 ita tam variè fuerint in iudicijs olim
 usurpata, vna tamen eadèmq; perpe-
 tuò obseruabatur litis vindiciarum ra-
 tio, qua res tam diu vindicabatur, donec
 alterutrius ex litigatoribus sacramen-
 tum iustum esset pronunciatum. Vete-
 res siquidem & vindicijs, & sacramen-
 tis olim contendisse, vnico Ciceronis testi-
 monio confirmari potest pro Milone.
 Eum, inquit, deniq; cui iam nulla lex e-
 rat, nullum ciuile ius, nulli possessionum
 termini, qui non calumnia litium, non
 iniustis vindicijs, ac sacramentis alienos
 fundos, sed castris, exercitu, signis infe-
 rendis petebat. Nec id etiam ignorasse
 visus est Arnobius, aduersus gentes li-
 bro

bro quarto, dum ita scribit: Quis quæstor, quis arbiter cernicibus tantis erit, qui inter personas huiusmodi aut vindicias iustas dare, aut sacramenta conetur pronunciare non iusta? Vindicijs quidem res petebatur, quoties incertum erat, vter litigantium lite proprietatis pendente, rei controuersæ futurus esset possessor: sacramentis verò de ipsa re principaliter, hoc est, de rei proprietate contendebatur. Et idcirco fieri potuit, vt solo sacramento, nulla vindiciarum mota quæstione, de controuersis rebus disceptaretur. Idq; diligenter adnotasse, ac acutè animaduertisse Ascónius mihi visus est, litem vindiciarum hunc in modum definiens: Lis vindiciarum est, cum litigatur de ea re apud Prætorem, cuius incertum est quis debeat esse possessor: & ideo, inquit, is qui rem tenet, satisfat pro præde litis vindiciarum aduersario suo, quo illi satisfaciatur, nihil se deterius in possessione facturum, de qua iurgium est: rursus cautione præstita, sponsione prouocatur ab aduersario certæ pecuniæ, aut æstimationis, quam amittat ni sua sit hære-

DE PRISCO IURE VINDIC.

hæreditas, de qua contenditur. Ceterum si nulla possessionis fieret controversia, solis sacramentis, nulla vindiciarum quæstione mota, sic cõtendebatur, ut is interim penes quem rei controversæ possessio esset, idoneè satisfdaret, auctore Paulo, libr. 1. sentent. titul. 11. Quoties hæreditas petitur, inquit Paulus, satisfdatio iure desideratur, & si satisfdatio non detur, in petitorẽm hæreditas transfertur: si petitor satisfdare noluerit, penes possessorem possessio remanet: in pari enim caussa, potior est possessor. Proinde errare mihi plurimum videntur, qui petitionem hæreditatis litẽ appellant vindiciarum. Hæreditates enim sacramentis petuntur, id est, legis actionibus: possessiones hæreditatum, si fortè de ijs esset contentio, lite principali pendente, vindicijs, nõ sacramentis alterutri ex litigatorib. addici solent. Eoq; mihi omnino visus est respexisse Cicero, cum ita scriberet, in Verrina tertia: Si quis testamento se hæredem esse arbitraretur, quodrum nõ exstaret, lege ageret in hæreditatem, aut pro præde litis vindiciarum,

cum

cum satis accepisset, sponfionem faceret, & ita de hæreditate certaret. Sensus enim est, cum qui se hæredem esse arbitratur, hæreditatem petere duabus rationibus posse, nimirum sacramento sine vindicijs, aut vindicijs & sacramento simul. Sacramento quidem, si nulla possessionis mota controuersia, lege in hæreditatem agat: quo casu locum habere solet illa, quam modò adnotaui-
mus Pauli sententia: Vindicijs verò, & sacramento simul, in hæreditatis petitione locus erat, si non hæreditas duntaxat peteretur, sed insuper is qui lege in hæreditatem agebat, se pendente legis actione hæreditatis possessorem esse oportere contenderet. Idq; expressè significant huiusmodi quæ in eadem Ciceronis Verrina subsequuntur verba: *Iam quid id ad Prætozem, vter possessor sit? Nõne id quæri oportet, vtrum possessorem esse oporteat?* Ergo vindiciarum litì, si Asconio & Ciceroni credimus, tunc demùm apud veteres locus erat, cum incertum esset, vter litigantium rei controuersæ lite principali pendente, futurus esset possessor. Eòque sensu apud Liuium, aliosque

aliósque auctores probatos, vindicias esse accipiendas, ab eruditissimis quibusdam viris copiose satis est demonstratum. Sanè quòd Festus scribit, Vindicias res illas esse de quibus controuersia est. illud omnino ad antiquam manus consertionem pertinet. Cum enim manus conferebantur, tunc si quæ vindiciarum fieret controuersia, res controuersas in iure præsentibus alterutri ex litigatoribus vindicanti Prætor tam diu addicebat, quàm diu alter alterum iusto sacramento, & sponsione non superasset. Idquæ mirum in modum probat vindiciarum, quam Cincius apud eundem Festum dedit, definitio: Vindiciæ, inquit, olim dicebantur glebæ (sic legendum est, non illæ, ut passim legitur) quæ ex fundo sumptæ, in ius allatæ erant. Proinde cui glebas ex fundo in ius allatas, aut alias res mobiles, pendente proprietatis controuersia, causa cognita, is qui iurisdictioni præerat, addicebat, eidem vindiciæ addici dicebantur, quantum ex Festo, & Cincio colligimus. Seruius autem Sulpitius vocabulo etiam singulariter formato, vindiciam esse ait,
cum

cum aliqua de re controuersia est, ab eo quod vindicatur. Illudque huiusmodi Decemuirali lege confirmat: *SI VINDICIAM FALSAM TVLIT, REI SIVE LITIS ARBITROS TRES DATO: EORVM ARBITRIIS FRVCTVS DVPLIONE DAMNVN DECIDITOR.* Sic primus locum hunc, qui mutilus erat, & omnino deprauatus, apud Festum restitui in verbo *Vindicie*. Ecquis obsecro dubitauerit, quin hæc emendatio verissima sit, præsertim si non ignoret, in legibus sic scribi solitum: *Rem siue litem.* idq; Seruium Honoratum in Virgilium adnotasse. Quid autem hac in lege sibi voluerint Decemuiri, non admodum esse obscurum puto. Voluerunt enim iudicem, qui dolo malo in fraudem legis, vindiciam iniustam tulerat, tres arbitros constituere, quorum arbitrijs fructus duplione damnū decidi posset. Eoque omnino pertinere & inde primum ortum vix dubito, quod in Pandectis de iudiciis passim legimus, qui litem suā fecerunt. Nec quidē huiusmodi fructus duplione multati perpetuò fuerūt iudices

DE PRISCO IURE VINDIC.

ces, qui vindiciam sententiámve iniustam tulissent dolo malo, nonnunquam enim veram iustámque litis æstimationem præstabant. cap. 15. de iudic. nonnunquam in quantum de eare æquum religioni iudicantis visum fuerat, pœnâ sustinebât c. ult. de var. & extraord. cog. Porro vindicias nisi superstitibus præsentibus, eos inter quos erat cōtrouersia, sumere non potuisse, Festus adnotatum reliquit : vindiciasque secundum libertatem semper ex vetere iure, quod in duodecim tabulas translatum est, dicendas esse, testatur Pomponius, cap. 11. §. 13. de orig. iur. Nec quidem antiquissima ista dicendarum vindiciarum ratio in rebus mobilibus Romæ in usu fuit perpetuò. Fuisse enim tempora, quibus tam diu res mobiles, de quibus controuersia mouebantur, aut in æde, aut apud sequestrem ponebantur, donec alterutrius ex litigatoribus sacramentum iustum esset pronunciatum, ex innumeris prudentum responsis constat. Sanè homines quoque apud sequestres deponi potuisse, testatur Vlpianus cap. 7. de poss. Quin & iudicibus olim
homines

homines sequestro datos fuisse, Plautus refert in Mercat.

De isthac sum iudex captus. D. iudex iam scio.

Nunc tu in consilium istam aduocasti tibi.

L I. Imò sequestro mihi data est.

Res autem mobilis quæ apud sequestrem nō ponebatur, solet in æde, siue in fano custodiri. Et certè antiquissima fuit, diligentissimæque olim obseruatarum pecuniarumque in fanis deponendarum ratio. De qua sic Cicero scribit lib. 5. epist. famil. Nam de Luceio, inquit, est ita actum, vt auctore Cn. Pompeio ista pecunia in fano poneretur.

C A P. V I I.

De litis additione.

QUAM Gellius libr. 16. cap. 2. allegat legem Decemuiralem, càm vtpotè vitiosissimam sic esse restituendam probabilibus aliquot coniecturis demonstrabo : **A N T E M E R I D I E M C A V S S A M G N O S C I T O , Q V V M P E R O R A N T A M B O P R A E S E N T E S .**

H

P O S T

DE LITIS ADDICTIONE.

POST MERIDIEM LITEM ADDI-
CITO, SI AMBO PRAESENTES.
SOLE OCCASO, DIEI SUPREMA
TEMPESTAS ESTO. Et constat qui-
dem hæc verba, *causam conscito*, non ad
litigatores, sed ad ipsum iudicem esse
referenda, propter hæc verba, *quum per-
orant ambo praesentes*. Ergo quod causæ
coniectio, ut satis ex Alconio & Marcel-
lo constat, non ad iudicem, sed ad litiga-
tores referatur, certissimum est loco
conscito, reponi non posse *conicito*. Ea enim
legis videtur esse sententia, ut iudex an-
te meridiem, quum actor & reus pero-
rassent, id est, causam dixissent, de causâ
cognosceret. Veteres autem dixisse cau-
sam conscito, pro cognoscito non memi-
ni me legisse. Illud quidem dubium non
est, pro cognitu auctore Festo gnotu di-
xisse veteres. Si gnotu, ergo & gnosco:
nam unde gnotu, nisi à gnosco? Certè
veteres gnosco dixisse, non Festus so-
lum, sed etiam libro secundo testatus est
Priscianus. Quid igitur obstat, quomi-
nus pro *causam conscito*, legamus *causam
gnosco*, aut certè *causam cnosco*. Si non
ob aliud, certè quod Latini plerumq;
G lit-

C litteram ita formarint, vt Græci suum gamma, quod facilè in C Latinum potuit transformari. Imò Festus libr. 13. contendit, C pro G frequenter antiquos posuisse. Idq; etiam ex antiquissimis quibusdam numis deprehendi, in quib. pro Gulo, Gurses, Galba, Glicia, Gellius, Ogulnius Gallus, expressè legitur Culo, Curses, Calba, Clicia, Cellius, Oculnius Callus. Sic pro pago, aliquando est in duodecim paco: & quem Caium vulgares, & eum Florentinæ Pandectæ Gaium appellatum continent. Et ita quidem ex gnoscito, interdum ab antiquis cnoscito, indeque vnius litterulæ transpositione, ex cnoscito factum ab imperitis videri potest conscito. Quod autem subijcitur de litis additione: his verbis: *Poſt meridiem præſenti litem addicito.* profectò, nisi me vehementer coniectura fallit, id etiam vitiosum est. Videamus quid sit litem addicere: an secundum præsentem litem dare? Sic magis plerisque visum est. Itane verò? Quænam igitur obsecro huiusce legis est æquitas, si secundum præsentem, fortè petito rem iniustum, iudex debuerit in-

dicare? Constat certè eos, qui cùm frustrationis causa latitarent, tribus edictis euocati præsentiā suā facere contemnebant, litem idcirco non perdidisse: verū si post edictum peremptorium, quā dies eius superuenisset, citati non respondissent, actam fuisse causam; non utique secundum præsentem, sed interdum absentem, si bonam causam haberet, vicisse, cap. 73. de iudic. Eum igitur qui ante meridiem perorauit, post meridiem propter absentiam olim lite fuisse multatum audebimus existimare? Quā auctoritate? An quāso Decemuirali? Tam stupidos fuisse Decemuiros, & imprudentes, quis est qui sibi persuadeat? Ego itaque didici litem addicere, aliud nihil esse in hac lege, quā litigandi potestatem facere. Quā potestatem quia iudex non solet facere, nisi actore cum reo præsente, nisi audita & cognita causa, hac ratione impulsus secundam Decemuiralis huius legis partem sic ausus sum restituere: *Post meridiem litem addicito, si ambo præsentes.* Tertiā legis partem sic etiam emendo: *Sole occaso, diei suprema tempestas esto.*

Scribit

Scribit enim expressè Gellius, non Sol occasus, sed Sole occaso Decemvires in legibus posuisse. Et sic apud Varronem libr. 6. de lingua Latina, legendum puto, Sole occaso, dici *suprema tempestas esto.* non, *Solis occasu.* vt passim legitur. Quo modo etiam apud Censorinum in libro de die natali, & Macrobius Saturn. lib. 1. cap. 3. hæc eadem legis pars est restituenda. Sanè Solem occasum, pro Solis occasu, auctores priscos quadam vetustate non insuavi dixisse, non Gellius solum, sed etiam Plautus in *Menæch.* testatur, his verbis:

Namq; si absq; te essem hodie, nunquam ad Solem occasum viuerem.

Supremam autem tempestatem idem Varro libr. 4. de ling. Lat. sic interpretatur: *Suprema*, inquit, *summum diei*, id à *supremo*: hoc tempus duodecim tabulæ dicunt occasum esse Solis. Sed postea lex Prætoria id quoque tempus iubet esse supremum, quo Prætor in comitiis supremam pronunciauit populo. Et libros augurum pro tempore tempestatem dicere, idem Varro est auctor libr. 6. de ling. Lat. Festus etiam pro tem-

DE LITIS ADDICTIONE.

pore tempestatem antiquos posuisse, adnotatum reliquit. Totius igitur legis sensus est: Iudicem ante meridiem causam vtrinque cognoscere oportere: post meridiem, litem postulanti addicere, aut denegare, hoc est, si ita videretur, litigandi potestatem facere, sin minus, eam denegare: tempusque pomeridianum ad occasum vsque Solis extendi. Illud certè constat, & aliquando à nobis tractatum est, de præiudicijs libro primo, eum qui ius suum persequi volebat, Prætorem olim adiisse, causamque præsentem aduersario in iure dixisse: & tandem audita cognitaque causa, vel dedisse Prætorem, vel eam quæ petebatur, actionem denegasse. Ceterum antequam Prætor esset, antequam Cn. Flavius actiones promulgasset, eas à Pontificibus peti consuevisse, neminem puto tam impertium, qui id ignoret. Siquidem is, qui ex Pontificibus ut præesset anno priuatis erat constitutus, iisdem ferè anni spacio in reddendo iure partibusungebatur, quibus postea Prætores functi sunt. Porro ante huiusmodi Pontificiam iuris reddendi potestatem, quum

quum Decemviri ius dicebant, tunc etiã in usu actionum fuisse impetrationem, & hac eadem, quam nunc interpretor, lege primò introductam utique mihi persuadéo. Ut ita quidem actionum impetratio lege duodecim tabularum possit introducta videri, primumq; apud Decemviros in usu fuisse, & deinde à Decemviris ad Pontifices, & à Pontificibus tandem ad Prætores transiisse.

C A P. I I X.

De nexis.

CELLIUS libro vigesimo cap. I. auctor est, sic in duodecim scriptum fuisse: *Aeris confessi, rebusque iure iudicatis triginta dies iusti sunt. Post deinde manus iniectio esto, in ius ducito, ni iudicatum facit: aut qui pseudo eo in iure vim dicit, secum ducito. Vincito, aut neruo, aut compedibus quindecim pondo, ne minore, aut si volet maiore vincito. Si volet, suo viuito: ni suo viuit, qui eum vinctum habebit, libras farris in dies dato. Si volet plus, dato.* Hic legis sententiam interrumpens Gellius, quid deinde fieri de nexis voluerint De-

cemui, excepta postrema legis parte,
 verbis proprijs declarat: reliqua legis
 verba, magno studiosorum incommo-
 do, antiquitatis fraude maxima suppri-
 mens. Erat, inquit, ius interea paciscen-
 di, ac nisi pacti forent, habebantur in
 vinculis dies. 60. Inter eos dies, trinis
 nundinis continuis ad Prætorem in co-
 mitium producebantur, quantæq; pe-
 cuniæ iudicati essent, prædicabatur.
 Tertijs autem nundinis capite pœnas
 dabant, aut trans Tyberim peregrè ve-
 num ibant. Et paulò post: Si plures fo-
 rent, quibus reus esset iudicatus, secari
 si vellent, atque partiri corpus addicti
 sibi hominis, permiserunt. Et quidem
 verba ipsa legis dicam, ne existimes in-
 uidiâ me istam fortè formidare: *Ter-
 tijs nundinis partes secanto: si plus minusve se-
 cuerunt, sine fraude esto.* Hactenus Sextus
 Cæcilius apud Gellium. Quia autem
 legem hanc mendosissimam esse, vel me
 tacente nemo est qui non animaduer-
 tat, idcirco non eius duntaxat partem
 illam quæ verbis Decemuirorum hîc a-
 pud Gellium mendosè legitur, sed vni-
 uersam argumentis aliquot, & conie-
 cturis

eturis verisimilibus sic esse restituen-
dam demonstabo: AERIS CONFES-
SI, AERISQUE DEBITI IUDICA-
TIS, TRIGINTA DIES IVSTI VUN-
TO. POST DEIN, MANVS INIE-
CTIO ESTO: IN IVS DVCITO. NI
IUDICATVM FAXIT, NEMVT
QVIPS ENDO EO IN IVRE VIN-
DEX ESIT, SECVM DVCITO. VIN-
CITO AVT NERVO, AVT COMPE-
DIBVS QVINDECIM PONDO, NE
MINORE, AVT SI VOLET MAIORE
VINCITO. SI VOLET SVO VIVI-
TO. NI SVO VIVIT, QVI EM VIN-
CTVM HABEBIT, LIBRAM FARRIS
ENDO DIE DATO, SI VOLET
PLVS, DATO. NI CVM EO PACIT,
SEXAGINTA DIES IN VINCVLIS
RETINETO. TRINIS NVNDINIS
CONTINVIS IN COMITIVM PRO-
CITATO, AERISQUE AESTIMIAM
IUDICATI PRAEDICATO. TERTIIS
NVNDINIS CAPITE POENAS LVI-

H 5 TO,

TO, AVT TRANS TYBERIM PERE-
 GRE VENVM ITO. AST SI PLV-
 SES ESUNT REI, TERTIIS NVN-
 DINIS PARTEIS SECANTO: SI
 PLVS MINVSVE SECVESVNT, NE-
 SI FRAVDE ESTO. Nunc videamus
 quæ fuerint huius restitutionis rationes
 præcipuæ, quibus impulsæ lectionem ve-
 terem sic immutauimus. Pro Rebusq; iu-
 dicatis, reposuimus, *Aerisq; debiti iudicatis.*
 Certè quia in hac lege non de confessi
 tantum, sed etiam de æris debiti iudica-
 tis tractatur. Confessi igitur æris, in-
 quit Gellius, ac debiti iudicatis. 30.
 dies sunt dati. Et quod apud eun-
 dem Gellium sic nullo sensu legitur,
ni iudicatum facit, aut qui pseudo eo in iure vim
dicit: illud sic emendauimus: ni iudicatum
faxit, nemut quips endo eo in iure vindex est.
 Festus auctor est, veteres pro fecerit fa-
 xit, & pro egerit axit dixisse: eosque
 pro nisi etiam, vnico verbo nemut, vsos
 esse. Iacob. Cuiacius, in antiquo exem-
 plari, & valde fideli, pro quispiam, te-
 statur legi quips. Cuiacij emendatio-
 nem mirum in modum confirmat vul-
 garis

garis lectio. Dubium enim non est, quin apud Gellium hæc verba, *qui pseudo co*, ex his verbis, *quips endo co*, librariorum imperitia deprauata sint. Qui legis verba non percipientes, dictionē *quips*, diuiserunt, & eius postremas litteras duas *ps*, sequenti dictioni *endo*, adiecerunt: & ita pro *quips endo*, *qui pseudo*, reposuerunt. Pro *vim dicit*, in eodem exemplari, *vindicat legi*, refert idem Cuiacius. An veteres *vindicat* ea forma qua lauit, sonit, dixerint, subsisto. Quod autem sonit & lauit veteres dixerunt, hoc inde est quod iidem etiam lauere, & sonere dicerent, vt testatur Nonius Marcellus. Vindicere pro vindicare eosdem dixisse, non obseruaui. Illud profectō certissimum est, *vindicem* ab eo appellatum esse, si Festo credimus, quod *vindicat*, quominus is qui pressus est, ab aliquo teneatur. Quid igitur obstat, quominus pro *vim dicit*, legamus, *vindex esit*? Maximè quod hanc emendationem antiqua per *vindicem* asserendi ratio videatur confirmare, quam eleganter descripsit Linius lib. 6. Centurionē, inquit, nobilem militarib. factis,

iu-

iudicatum pecuniæ quum duci vidisset M. Manlius, medio foro cum caterua sua accurrit, & manum iniecit, vociferatusque de superbia patrum, & crudelitate fœeneratorum, miserijs plebis, virtutibusque eius viri, fortunæque: tum verò, Ego, inquit, nequicquam hac dextra capitolium, arcemque seruaero, si ciuem commilitonemque meum à Gallis victoribus captum, in seruitutem, ac vincula duci videam. Inde rem creditori palàm populo soluit, libræque & ære liberatum emittit, Deos atque homines obtestantem, vt M. Manlio liberatori suo, parenti plebis Romanæ, gratias referant. Indèque vindicem libertatis appellatum M. Manlium testatur paulò pòst idem Liuius. Aiunt Decemuiri, *secum ducito*. Quò? In neruum, in vincula, in carcerem priuatum. Liuius libr. 6. An placeret (sunt verba C. Licinij Stolonis, in legis de ære alieno rogatione) fœnore circumuentam plebem ni potius quàm sortem, creditum soluat, corpus in neruum ac supplicia dare? & gregatim quotidie de foro addictos duci? & repleti vinctis nobiles domos? & vbi

& vbicunque patricius habitet, ibi carcerem priuatum esse? Quòd autem pro *libras farris*, reposuimus *libram farris*, certa legis sententia hanc nobis emendationem suadere videbatur: ea siquidem legis est sententia, vt si illa, quam lex constituit, farris quantitate nexus non sit contentus, velit plus dari. Quis ergo tam erit imperitus, vt non intelligat, certam farris quantitatem legem expressisse? Si itaque legeris, *libras farris*, quò quæso fieri potest, vt plus petatur? Ideoque certi visi sunt Decemuii farris quantitatem expressisse, nimirum *libram vnam*, qua si contentus non esset nexus, voluerunt plus dari. Voluerunt igitur Decemuii nexos, ni suo viuerent, à creditoribus ali. Eoque respexisse visus est Terentianus ille Phormio, his versibus:

Alijs aliud est periculum, vnde aliquid abradi potest:

Mihi sciunt nil esse. dices, ducent damnatum domum.

Alere nolunt hominem edacem.

Huc quoque pertinet illud Plauti in *Menæch.*

Nam

D E N E X I S.

Nam ego ad Menechmum nunc eo, quod iam diu

Sum iudicatus: ultro eo ut me vinciat.

Nam illic homo, homines non alit, verum educat,

Recreatq;: nullus melius medicinam facit.

Sunt qui pro in dies, endo dies legunt. Ego contendo endodie, ea forma, & ratione legendum esse, qua apud Festum endoprocinctu vnica dictione legimus. Endoprocinctu, in procinctu: endoplorato, implorato: sic endodie, quotidie. Et hæc quidem ad illam legis partem, quæ apud Gellium ipsis Decemviro- rum verbis mendose legitur, sufficiant. Eam verò, quam proprijs verbis idem Gellius declarat, verbis prout potui- mus Decemviralibus, hoc est, antiquis, & quæ Decemviro- rum temporibus Romæ in vsu fuisse existimamus, summo studio restituere conati sumus. Itaque hæc Gellij verba: Erat autem interea ius paciscendi, ac nisi pacti forent, ha- bebantur in vinculis dies sexaginta: sic restituimus: *Ni cum eo pacit, sexaginta dies in vinculis retineto.* Sic locuti sunt etiam a- lio loco Decemviri: *Si membrum rupit, ni cum*

cum eo pacit, talio esto. Item hæc Gellij verba: Inter eos dies trinis nundinis continuis ad Prætorem in comitium producebantur, quantæq; pecuniæ iudicati essent, prædicabatur: sic in legis formam redeimus: *Trinis nundinis continuis in comitium procitato, ærisq; æstimationi iudicati prædicato.* Procitare veteres dixisse pro vocitare, & producere, scribit Festus: qui eosdem pro æstimatione æstimationem dixisse etiam adnotatum reliquit. Denique quod idem Gellius nexos tertijs nundinis capitis pœnas dedisse, aut trans Tyberim peregrè venum iisse scribit, hoc etiam in legem ita transtulimus: *Tertijs nundinis capite pœnas luito, aut trans Tyberim peregrè venum ito.* Ceterum postrema huius legis pars, quæ etiam vitiosa passim circumfertur, sic est à nobis restituta: *Ast si pluses essent rei, tertijs nundinis partes secanto: si plus minusve secue sunt, nesi fraude esto.* Veteres pro plures & plurima, pluses dixisse, & plusina, est à nobis alio loco demonstratum. Dicebant etiam se vel nesi, pro sine: & reorum nomine, actorem & reum promiscuè accipiebant, ut
tradit

tradit Festus. Illud autem hîc quæri potest, cur Decemuii noluerint addictos neruo aut vinculis quindecim pondo minoribus vinciri? Respondeo: id ita non sine certa, & aperta ratione Decemuiros prohibuisse. Scribit libro quinto Festus, fuisse quadam sacrificia, in quibus ita clamitabat lictor: *Hostis, vinctus, mulier, virgo exesto*, scilicet interesse prohibebantur. Ex quo loco vinctos, siue nexos, sacris olim interesse solitos colligo. Et idcirco compedes quindecim pondo maiores, quia essent grauiiores, quam vt ijs cum sacris interfunt, sese vincti possent subducere, aut fugere, expresse videntur requirere Decemuii: ne si minores essent, aut nexis custos perpetuò adesset in sacris, aut sine custode aliquod fugæ periculum subirent creditores. Et eò fortè spectat illa legis Decemuiralis particula, quæ apud Festum libro duodecimo Antonij Augustini diligentia sic emendata legitur: *AST EI CUSTOS NEC ESIT*. quum antea: *Atta custodes nec sint*. peruersissimo sensu legeretur. Compedes quoque quindecim pondo grauiiores, ideo permi-

miserunt, ne si fortè robustiores essent debitorum, quàm ut compedibus quindecim pondo securè possent à fuga retineri, aliqua securitas creditoribus addiueretur. Voluerunt ergo Decemviri addictos compedibus indui quindecim pondo maioribus, non autem minoribus. Non quòd creditores si velent, prohiberentur eos minoribus induere, sed quòd inuiti minoribus induere non cogerentur. Ceterum ante 12. tabulas, non solum in vincula, in neruum, aut aliò, quò creditoribus erat luitum, addicti ducebantur, iuxta Plauti illud in Baccch. *Ducito nos quocunque lubet, tanquam vobis addictos quidem* : sed etiam verberibus cædi, fame enecari, alijsq; grauissimis, & inhumanis cruciatibus affici solebant. Refert enim Liuius, anno ab urbe condita 259. Appio Claudio, & P. Seruilio Co s s. ciuitatem secum ipsam discordem, intestino inter patres plebemque flagrasse odio, maxime propter nexos ob æs alienum. Magno, inquit Liuius, natu quidam, cum omnium maiorum suorum insignibus se in forum proiecit. Obsita erat squallo-

re vestis, fœdior corporis habitus, pallore ac macie perempti. Ad hoc promissa barba, & capilli efferauerant speciem oris. Noscitabatur tamen in tanta deformitate, & ordines duxisse aiebant, aliaq; militiæ decora, vulgò miserrantes eum iactabant: ipse testes honestarum aliquot locis pugnarum, cicatrices aduerso pectore ostentabat. Scitabantibus vnde ille habitus, vnde deformitas, cum circumfusa turba esset, propè in concionis modum: Sabino bello, ait, se militantem, quia propter populationes agris, non fructu modò caruerit, sed villa incensa fuerit, direpta omnia, pecora abacta, tributum iniquo suo tempore imperatum, æs alienum fecisse, id cumulatam vsuris, primò se agro paterno, auitoq; se exuisse, deinde fortunis alijs, postremò velut tabè peruenisse ad corpus: ductum se ab creditore, non in seruitium, sed in ergastulū, & carnificinam esse. Inde ostentare tergum fœdum recentibus vestigijs verborum. Ad hæc visa auditæque clamor ingens oritur: non iam foro se tumultus continet, sed passim totam urbem per-
uadit.

uadit. Nexu vincti, solutiq; se vndiq; in publicum proripiunt, implorant Quiritium fidem: nullo loco deest voluntarius seditionis comes. Et idcirco idem Liuius Seruiliū edixisse refert, ne quis ciuem Romanū vinctū, aut clauū teneret, quominus ei nominis edendi apud Consules potestas fieret, nequis militis, donec in castris esset, bona possideret, liberos nepotēve eius moraretur. Vnde satis apparet, ante duodecim tabulas hanc legem Decemviralem in vsu Romæ non fuisse. Tunc enim nexu vincti, verberibus cædi, perpetuisque vinculis indui, & in priuatū carcerem, velut in carnificinā conijci tam diu à creditoribus solebant, donec illi vel creditorum miseratione, vel boni vindicis indulgentia, & liberalitate nexu soluerentur. Decemviri verò hanc nimiam crudelitatem alio verū nescio, an mitiore addictos territandi, excruciantiq; medio pensarunt. Quum enim illi antea in neruo ac vinculis sic detinebantur, vt nisi ijs liberarentur, totam in vinculis ætatem consumerent, satius esse existimauerūt Decemviri, certo tēpore,

eos vinciri, deinde peregrè venū mitti.
 Consultius siquidem esse iudicarunt,
 eos sexaginta duntaxat dies in vinculis
 esse, deinde venum peregrè mitti, quàm
 domi perpētuis vinculis contineri, ac
 seditiosis hominibus perpētua crue-
 delitate, immanique creditorum sæui-
 tia, populi illacrymatione; odio pa-
 trum, plebisque inconstantia, bellis in-
 testinis, ac seditionibus fenestram ape-
 rire. Fuit autem hæc decemuiralis lex
 non desuetudine, sed expressa Consula-
 ri lege abrogata anno ab vrbe condita
 630. L. Papirio Mugellano; qui etiam
 Cursor dicitur, C. Pœtelio. I I. Co s s. &
 tunc quidem sectionem, pœnamque ca-
 pitis in bonorum proscriptionem con-
 uersam fuisse, rectè ex Tertulliano Con-
 tius obseruauit. Sane si bona iudicato
 non sufficerent, adhuc vincula, & addi-
 ctio in usu fuisse videntur, auctore Gel-
 lio: sed ita, vt nec venū ampliùs peregrè
 debitores mitterentur, nec sectioni ca-
 pitisve pœnæ subiecti forent, sed ad hoc
 tantum in vinculis essent, vt operas in
 seruitute pro iudicato præstarent cre-
 ditoribus, donec illis satis abundè fa-
 ctum,

stum esset. Idq; confirmat illud Senecæ
 libr. 7. cap. 10. de benefic. O miserum,
 inquit Seneca, si quem delectat sui pa-
 trimonij liber magnus, & vasta spacia
 terrarum colenda per vinctos, & im-
 mensi greges pecorum per prouincias,
 ac regna pascendi. Et quamuis Sulla
 Dictatore nexi omnes qui bonam co-
 piam iurassent, fuerint dissoluti, aucto-
 re Varrone lib. 6. de ling. Lat. idcirco ta-
 men post Sullæ tempora addici, neq̃
 que debitores non desierunt. Conces-
 sisse quidem illud Sullam C. Popilio ro-
 ganti Varro scribit, fortè non vt eo iu-
 re ciues Romani perpetuò vterentur.
 Dico Varronem sic intelligi posse, si-
 quidem in re tam perplexa definire ni-
 hil certi ausus sum.

CAP. I X.

De vindicibus.

CAPITE censi dicebâtur, qui nullo,
 aut perquam paruo ære censeban-
 tur: proletarij à munere, officioq; pro-
 lis edendæ appellati sunt, quòd cum re
 familiari parua minùs possent Remp.

iuuare, sobolis tamen gignendæ copia ciuitatem frequentarent: assiduus autem & pro locuplete ponitur, & pro facile munus faciente: dictus ab assibus, id est, are dando, quum id tempora Reipub. postularent: aut à muneris pro familiari copia faciendi assiduitate, auctore Gellio noct. Attic. libr. 16. cap. 10. Eoque sensu proletarium & capite censum accepisse visus est etiam Arnobius, aduersus gentes, lib. 2. Desinite, inquit, hominem, proletarium cum sit, classibus, & capite censeatur, adscribere ordinibus primis: cum sit inops, pauper lare, & tugurij pauperis, nec patriciæ claritatis vnquam meritis nuncupari. Sed quorsum hæc? Nimirum vt intelligamus, quid illud sit quod in duodecim tabulis idem Gellius ita scriptum fuisse ait: ASSIDVO VINDEX ASSIDVVS ESTO, PROLETARIO CIVI QVIS VOLET VINDEX ESTO. Diximus superiore capite, vindicem, auctore Festo, veteres eum appellasse qui vindicabat, quominus is qui pressus erat, ab aliquo teneretur: hoc est, qui pressum, nexum, siue addictum libera-

bat.

bat. Ea forma, & ratione, qua vindicem
aris alieni, libertatisq; , pro redemptore
in epistolis ad Atticum, alijsq; in locis
accepisse videtur Cicero. Eoque sensu
accepisse etiam visus est, vindicem liber-
tatis, Liuius lib. 6. Id verò, inquit, ita ac-
cendit animos, vt per omne fas ac nefas
secuturi vindicem libertatis videren-
tur. Sic Brutum idem Liuius vindicem
appellat libertatis, lib. 2. Brutus, inquit,
prior cōcedente collega, fasces habuit,
quòd non acrior vindex libertatis fue-
rat, quàm deinde custos fuit. Imò pro
asseritore antiquos vindicem interdum
posuisse, in libro de testimonio animæ
liquidò demonstrat Tertullianus: Cur,
inquit, alibi feruit, alibi vindicem con-
uenit? Proinde errare mihi plurimum
videntur, tam hi qui per vindicem in
hac lege procuratorem, quàm illi qui fi-
deiussorem intelligunt. Alio enim respe-
xisse videntur Decemviri. Eò nimirum,
vt noluerint à proletarijs ciuibus, ciues
assiduos creditoribus addictos vindi-
cari. Certè ne proletarij cum sint te-
nuioris fortunæ, quàm vt asses possint
dare, quibus assiduos è vinculis exi-

merent, ipsi pro assiduis & se, suosque
liberos, familiamque totam in discrimen adducant: neve corpus liberum
immunéque, assidui hominis liberandi
gratia, seruituti capitisque pœnæ, aut
sectioni subijceretur: quod quàm iniquum sit, nemo est qui non intelligat.
Et ita quidem in effectu aliud nihil visi
sunt voluisse Decemuiri, quàm assiduos
non seruitijs cuiusquam, aut deditio-
nibus, sed assibus vindicandos. Nam cum
assiduo lex assiduum esse vindicem iu-
bet, locupletem iubet loucpleti, inquit
Cicero in Topicis. Locuples enim assi-
duus, vt ait Aelius, appellatus est ab ære
dando. Esse quidem perquàm iniquum,
alterum pro altero pignorari, etiam
Theodoricus Italiæ Gothorumq; Rex,
apud Cassiodorum libr. 4. variar. intel-
lexit: tam inquam, quàm Romani,
quàm Decemuiri. Idco autem proleta-
rio quemuis vindicem esse permiserunt
Decemuiri, quia eorum debita non so-
lent esse grandiora, quàm quæ ære exi-
guo lui potuerint. Et ita mihi videtur.

De testibus.

NON solum in testamentis, quæ per
 æs & libram fiebant, sed etiam in
 alijs omnibus mancipationibus, is qui
 testis libripensve fuerat, si fidem perhi-
 biti testimonij non approbaret, impro-
 bus erat, & intestabilis. Idq; expressa
 quidam lege Decemviriæ esse defini-
 tum, Gellius auctor est, libr. 15. cap. 13.
 quam hunc in modum puto restituen-
 dam esse: **QVI SE SCIERIT TESTA-**

RIER, LIBRIPENSVE FVERIT, NI
TESTIMONIUM FARIATUR, IM-
PROBUS INTESTABILISQ; ESTO.

In omnibus antiquissimis exemplari-
 bus impressis & manuscriptis, non *in*
testimonium fariatur, sed *in testimonium fari-*
tur, expresse legitur. Vnde statim conie-
 cturam duxi, ita legendum esse, *ni testi-*
monium fariatur; & verbum fariari pri-
 scum esse, eoque pro fari veteres esse
 vsos. Huiusmodi siquidem antiquis fuisse
 morem testatur Diomedes, ut in di-
 ctionibus quibusdam sermonem ex ab-

undanti adderent, nihilque adiecta syllaba dictionibus conferret. Quo modo aggredi, pro aggredi: item mori, pro mori, veteres dixisse sapius animaduerti. Plautus in Trucul.

—Nullam rem oportet dolose aggredi.
Idem in Rudent.

—Certum est mori, quam hunc pati
Lenonem in me grassari.

Et ita fariari etiam antiquos dixisse, pro fari, non dubito. Igitur, Qui se scierit testari, hoc est, qui se vocari in testem passus est, libripensve fuit: ni testimonium fariatur, hoc est, si de perhibito testimonio rogatus, illud fari, eiusque approbare fidem non voluerit, improbus intestabilisque esto. Sic nimirum ut non tantum, sicut Theophilus videtur interpretari, ex alieno testamento quicquam capere, aut iure testamenta condere, aut in testamento testis esse prohiberetur: verum etiam ut ab omnibus nexus & emancipationum solennibus sic arceretur, ut nunquam vel eius recipi, vel ei testimonium dici posset cap. 26. de testament. Eoque sensu intestabilem Plautus etiam videtur accepisse in milite glorioso:

Quid

CAP. X. 70

*Quid si id non faxis? p. ut viuum semper
intestabilis.*

Nunc de illo videndum, qui falsum perhibuit testimonium. Et sanè hunc è Tarpeia rupe præcipitari Decemviri voluerunt, idq; apertè testatus est Sextus Cecilius apud Gellium libr. 20. cap. 1. Qua de re ab alijs accuratè satis plurima sunt in hanc legem adnotata.

CAP. XI.

*De eius cui testimonium defuit ob
vagulatione.*

PORTVM, inquit Festus, in duodecim, pro domo positum, omnes ferè consentiunt: CUI TESTIMONIUM DEFVERIT, IS TERTIIS DIEBUS OB PORTVM OBVAGVLATVM ITO. Idem alio loco vagulationem in hac Decemvirali lege, quæstionem interpretatur cum conuictio. Et ob, præpositione, antiquos vsos esse pro ad, testis est Ebninus, cum ait libr. quartodecimo:

Omnes occisi, obcensiq; in nocte serena.

Id est, accensi. Hæc cum ita sint, nunc quid sibi Decemviri voluerint videamus.

Cui.

DE OBVAGULATIONE.

Cui testimonium deest, hoc est, qui suam intentionem nullo potest testimonio confirmare, is die tertio ad ædes aduersarij obuagulatum ibat, hoc est, aduersario iustum testibus adhibitis conuicium faciebat. Veluti si quid esse in tuis ædibus contenderem, quod quū verè ad me pertineret, tamen apud te esse nullo testimonio poteram demonstrare, illudque mihi restituere vno & altero die rogatus omnino recusares, mihi permisible videntur Decemviri, quandoquidem deficiente testimonio inutiliter iure, aut lege ageretur, tertio die ad ædes venire, ibique ante tuas ædes rem meam repetere cum conuicio: siue, vt vtat Plauti verbis, te pipulo ante ædes tuas differre. Et hanc quidem interpretationem nostram, ita aperte visus est Plautus confirmare, vt verisimiliorem non posse, attentius paululum loco Plantino quem subijciam perpensio, legis huius declarationem excogitari, nemo non continuo fateatur, Plautus in Aulularia cuiusdam Congrionis meminit, qui cum à Megadoro ad nuptialem cœnam coquendam (erat enim

coquus) conductus esset, & idcirco vasa in ædes Euclionis intulisset, ædibus vi eiectus vasa sibi ab Euclione petijt restitui: cùmq; ea reddere Euclio negaret, quia Cōgrioni defuit testimonium, quo docere posset, sua vasa esse in Euclionis ædib., certè repetere ea iudicio nequiu-
uit. Quid igitur fecit? Quid? Pipulo ante ædes Euclionem, ni vasa redderet, differre voluit, hoc est, vt Decemviri loquuntur, ob portum Euclionis obuagulatum ire. Plauti verba sunt hæc.

*Ita me bene amet Lauerna, tu iam nisi reddi
Mibi vasa iubes, pipulo hic differam te ante
ædes:*

Pipulum idem esse quod conuicium Varro scribit lib. 6. de lingua Latina. In Aulularia, inquit, pipulo te differam ante ædes, id est, conuitio, declinatum à pipatu pullorum. Quia igitur obuagulatio etiam nihil est aliud quam conuictium, quis dubitabit, quin eadem planè sint, ob portum obuagulare; & pipulo aliquem ante ædes differre? Quòd igitur Euclionem ante ædes differre pipulo volebat Congrio, id omni legis huius Decemviralis auctoritate facere voluissc

se visus est. Ceterum effectus obuagulationis is olim fuisse videtur, ut tertio die, iusto presentibus superstitibus conuittio solenniter ob portum facto, licuerit conuittatori eius qui conuittium passus erat ades cum iisdem testib. ingredi: & liberam res suas quærendi in suis ædibus potestatem facere is cui conuittium factum erat suo conuittatori cogebatur. Indeque Festum obuagulationem definiuisse quæstionem, hoc est, inquisitionem cum conuittio, est verisimile. Ea nimirum ratione, qua furtorum quæstiones cum lance & licio illæ furtorum inquisitiones veteribus dicuntur, quæ cum lance & licio fieri solebant.

C A P. X I I.

De tutelis.

LEGE duodecim tabularum, inquit Caius, permiffum est parentibus liberis suis, siue fœminini, siue masculini sexus, si modò in potestate sint, tutores testamento dare. cap. i. de testam. tuto. Legisque hæc fuisse verba: PATERFAMILIAS VTI LEGASSIT SUPER

PECUNIA TUTELAVE SVAE REI,
 ITA IUS ESTO. in fragmentis testa-
 tus est Vlpianus tit. 11. & auctor ad He-
 rennium lib. 1. Quam legem deinde in-
 terpretans Pomponius, his verbis, *Vti*
legasset super pecunia tutelave sue rei, ita ius e-
sto, (sic enim restituendus est hic Pom-
 ponij locus, qui in Pandectis etiam Flo-
 rentinis mutilus hunc in modum legi-
 tur: *Vti legasset sue rei, &c.*) latissimam pu-
 tat potestatem tributam videri, & hæ-
 redis instituendi, & legata & libertates
 dandi, tutelas quoque constituendi: sed
 id interpretatione coangustatum esse,
 vel legum, vel auctoritate iura consti-
 tuentium, cap. 120. de verb. sign. Cete-
 rum quibus testamento tutor datus nō
 erat, his agnati legitimi tutores fuerūt.
 Legitimæ tutelæ, inquit Vlpianus, lege
 12. tabularum agnatis delatæ sunt, &
 consanguineis. c. 1. de legit. tut. Decem-
 uiri cōsanguineorum nomen non agnō-
 scunt: liberos enim appellant suos hæ-
 redes, consanguineos verò omnesque
 qui ex latere familiam attingunt per se-
 xum virilem, communi nomine agnatos
 vocant, vt alio loco demonstraui-
 mus.

Legitimi tutores sunt, inquit Vlpianus, qui ex lege aliqua descendunt: per eminentiam autem, qui ex lege 12. tabularum introducuntur. Introducuntur quidem vel propalam, hoc est, specialiter, siue nominatim, quales sunt agnati, vel per consequentiam, quales sunt patroni. Non enim expressa lege aliqua Decemviri libenteris liberti patrono defertur tutela, sed quia patronis hereditates libertorum lege duodecim tabularum ab intestato conceduntur; & quia natura æquum est, ad eum onus tutelæ pertinere, ad quem commodum spectat successionis, ideo per consequentiam manumissor in puberis manumissus tutor efficitur: non tam verbis quam legis sententia, ideoque etiam legitimus appellatur, cap. 2. de legit. tutor. Non enim id tantum quod nominatim lege cautum erat, legitimum dicebatur, verum etiam quod perinde accipiebatur per interpretationem, atque si legis verbis expressè introductum fuisset. Ea fortassis ratione, qua multorum matrimoniorum experientiam legitimæ cuiusdam intemperantiæ signum appellat

appellat Valerius libr. 2. cap. 1. Non enim verbis expressis alicuius legis huiusmodi matronis imperata fuit intemperantia, sed legis illius quæ contra cælibatum aliquando lata fuit, vera sententia, intemperantiam huiusmodi suadere omnino videbatur, eaque etiam idcirco legitima videtur à Valerio appellata fuisse. Et hæc hætenus de tutelis, quibus illud etiam addendum videtur: nimirum suspecti tutoris crimen, ex lege. 12. tabularum descendere, tutoremque propter admissam administrationem, in duplum eadem lege teneri. cap. 1. de suspect. tuto. cap. 55. de administrat. & peric. tut. quod quæ ratione accipiendum sit, alij docuerunt.

CAP. XIII.

De Curatoribus furiosi, vel prodigi.

VOLVERUNT Decemviri, furiosos in tutela agnatorum esse, gentiliūque. Cicero legem his fuisse conceptam verbis testatur, lib. 2. de inuentione: SI FURIOSVS ESSE INCIPIT, AGNATORVM GENTILIVM-

K QVE

DE CYRATORIB. FVR.

QVE EIUS, POTESTAS ESTO. Paulus admonuit, hæc verba *agnatorum gentiliūq;*, pro separatis accipienda esse, c. 53. de verb. signif. Quod quidem verissimum est: Decemviro- rum enim huiusmodi videtur esse sententia, vt voluerint agnatis deficientibus, ad eos gentiles qui agnati non sunt onus huiusmodi tutelæ deuolui. Gentilis, inquit Festus, dicitur, & ex eodem genere ortus, & is qui simili nomine appellatur: vt ait Cincius, gentiles mihi sunt, qui meo nomine appellantur. Ergo gentiles, non eos tantum veteres appellasse videntur, qui ex eodem genere essent orti: sed illos etiam, qui licet non generis eiusdem, eiusdem tamen nominis erant: eoque sensu gentiles etiam serui appellabantur, vt Marcipor, id est, Marci puer, auctore Plinio: sic etiam ab alijs adnotatum est, Ciceronem Regem Tullium gentilem suum appellasse, cum interim ab eo genus Cicero nequaquam traheret. Sed de istis gentilibus Decemviri hic non loquuntur. Illi siquidem de huiusmodi gentilibus sentiunt, quales definiuit, Sceuolam secutus, in topicis
Cice-

Cicero, hunc in modum: Gentiles sunt qui inter se eiusdem nominis sunt, qui ab ingenuis oriundi sunt, quorum maiorum nemo seruitutem seruauit, qui capite non sunt diminuti. Elegans definitio: in qua maiores appellari patrem & auum, docuit rectissimè Connanus. Idem Connanus gentem familiarum multitudinem denotare, acutè (vt est lepidus & totus acutus) adnotatum reliquit. Gentilis igitur appellari non potestis, cuius maiores, hoc est, auus & pater seruitutem seruauerunt. Certè quia in seruis gentilitia natura non suberat in vfu, in nostris nominibus, qui sumus in Latio, & liberi, necessaria, inquit Varro, libro octauo, de lingua Latina. Quia igitur qui ex seruis maioribus est ortus, nullum ex aliqua familia genus trahit, ideo fieri non potuit, vt is aut esse, aut appellari gentilis aliqua ratione posset. Verùm eius nepotes, abnepotes, trinepotes, & ita deinceps, eorumque filij: rursus patruus, eiusque filij, nepotes, eorumque filij, & nepotes, vsq; in infinitum, rectè gentiles inter se & erant & appellabantur: quamuis ille,

à quo hi omnes genus primò duxerunt, seruitutem aliquando seruissset. Desinuntq; gentiles appellari, si capite fuerint diminuti. Vt enim agnationis, ita gentilitatis iura capitis diminutione extinguuntur. Et hanc esse puto sententiam verissimam, illius gentilium definitionis, quam ex Cicerone hinc adnotauimus. Nunc illud addendum est, agnatos à gentilibus in hoc differre, vt agnati omnes gentiles sint, sed non contra omnes gentiles agnati. Gentem enim quamlibet habuisse olim stirpes varias, hoc est, domos, siue familias, Variorum libro quinto à nobis est adnotatum. Quot igitur gentis vnus erant familiae, totidem diuersae eiusdem gentis fuisse videntur agnationes. Agnatos enim Iureconsulti appellant auctore Vlplano, cognatos virilis sexus ab eodem ortos. cap. 2. de suis & legit. Veluti patruus eiusque filij & nepotes, mihi sunt agnati, quia ab eodem orti sunt, à quo meus pater. Verum patruus magnus, eiusque liberi, mihi non agnati, sed gentiles duntaxat sunt. Quae cum ita sint, iam facile intelligimus, in hac lege

Decem-

Decemuiros aliud nihil voluisse, quàm ad agnatos tutelam furiosorum omnino pertinere, & si nullus exstaret agnatus, ad gentilem post agnatos proximum. Nec quidem furiosus duntaxat, verumetiam prodigus ad agnatos, gentilesque deduci solet. Lege enim duodecim tabularum prodigo interdictam bonorum suorum administrationem fuisse, antiqua iuris cuiusdam moribus introducti prærogatiua, testatus est Vlpianus cap. i. de curat. furios. Quo iure Caium quendam Licinium cognomine Hoplomachum à Prætore postulasse refert libro octauo, Valerius, vt patri suo bonis, tanquam ea dissipanti interdiceretur. Solent enim, inquit Vlpianus, Prætores si talem hominem inuenerint, qui neque tempus, neque finem expensarum habet, sed bona sua dissipando, & dilacerando profudit, curatorem ei dare exemplo furiosi d. c. i.

CAP. XIV.

De seruitutibus itineris, actus & via.

K 3 ACTVS,

DE SERVITVT. ITINERIS.

ACTVS, vt Varro & Festus scribunt, in latitudinem pedes habebat quattuor, fortassis quod ea quadrupes ageretur. Viæ latitudo, auctore Caio, ex lege duodecim tabularum in porrectum octo pedes continebat: in anfractum, id est, vbi flexum erat, sedecim. c. 8. de seruitu. præd. rust. Idq; sic etiam Varro tradidit de ling. Lat. lib. 6. Anfractum, inquit, est, ab origine flexum duplici: dictum ab ambitu & frangendo: ab eo leges iubent viam in directo pedum octo esse, in anfracto sexdecim, hoc est, in flexu. Iter autem duorum habebat vel trium pedum latitudinem. Et proinde qui iter habet, actum non habet: sed contrâ, qui actum habet, iter habet. cap. 1. de seruit. præd. rust. Ceterum viâ, actum, iter, & se continet: hoc est, qui viam habet, ius habet itineris, quod videlicet ex duorum, aut trium pedum latitudine constat: ius habet etiam actus, hoc est, non trium solum, sed etiam ius quattuor pedum: qui simul septem pedes conficiunt. Iam si addideris octauum pedem, non iter, non actum duntaxat, sed etiam se viâ continebit, hoc

hoc est, ius octo pedum. Errant profecto qui sic putant Vlpianum scripsisse: Nam & iter, & aditum in se via continet. d. c. i. Rectè enim pro in se, legimus & se, in Pandect. Flor. Nec quidem dubium est, quin ad vulgarem actus & itineris, legitimamque viæ latitudinem eo in loco respexerit Vlpianus. Ad quam semper esse respiciendum docet Iabolenus, cum alia, aut latior, aut angustior octo pedibus, non est inter contrahentes viæ seruitus expressa. cap. 13. §. 2. d. tit. Voluerunt itaque Decemuii, legitimam viæ latitudinem octo pedum ipacio comprehendì. Idem si via esset immunita, cui viæ seruitus debebatur, ei qua vellet agere iumentum permiserunt: quemadmodum pro Cæcinnæ M. Cicero testatus est. Adderem nonnulla de parietum ambitu, quem esse sestertium pedem Decemuii voluerunt, nisi ea de re Brissonius in suis elegantissimis antiquitatum commentarijs luculenter scripsisset. Sanè Varro scribit de ling. Lat. libr. 4. duodecim tabularum interpretes ambitum parietis circumitum interpretatos esse.

De sumtibus funerum, & iure sepulchrorum.

CICERO libr. 2. de legibus refert, in duodecim tabulis scriptum fuisse: HOMINEM MORTVVM IN VRBE NE SEPELITO, NEVE VRITO. eiusq; causam fuisse ignis periculū: vel, vt Paullus lib. 1. senten. scribit, ne funestentur sacra ciuitatis. Porro Decēuiri isti iure Romani vsi non sunt perpetuò. Ipse enim Cicero auctor est, nonnullos in hoc solutos legibus consecutos esse, vt in vrbe & vri, & sepeliri possent. Idem Cicero libr. 14. ad Atticum scribit, Caium Cæsarem in foro combustum laudatūque miserabiliter fuisse. Meministi ne, inquit, te clamare causam perijsse, si funere elatus esset? At ille etiam in foro combustus, laudatūque miserabiliter, seruīque & egentes in tecta nostra cum facibus immissi. Nec quidem mortuum hominem in vrbe duntaxat sepeliri, aut vri prohibuerunt Decemuiri, verumetiam nec ascia fieri, nec poliri rogam permiserunt.

Scribit

Scribit enim in eodem lib. 2. de legibus Cicero, minutos fuisse sumtus, lamentationesque funebres Solonis & duodecim tabularum legibus: & hoc plus lege Decemuirali contineri, ne rogus ascia fieret, neve poliretur. Sic enim apud Ciceronem legitur: Iam cetera in duodecim: Minuendi sunt sumtus lamentationesque funeris: translata de Solonis ferè legibus; hoc plus inquit, *Ne facito rogum ascia, ne polito.* Hæc Cicero. Sensus est, quæ de minuendis sumtibus lamentationibusque funerum Decemuiro scriptæ sunt, ea ferè omnia de Solonis legibus translata sunt: sed hoc plus lex. 12. tabularum inquit: hoc est, lex. 12. tabul. illud plus continet legibus à Solone latis, *Ne facito rogum ascia, ne polito.* Sunt enim hæc verba, *hoc plus.* non Decemuirorum, sed Ciceronis, quibus lex illa Decemuiralis denotatur, quæ à Solone repetita non est. Quod qui nō animaduertunt, fuisse hanc legem his verbis conceptam existimarunt: *Hoc plus ne facito, rogum ascia ne polito.* Sic igitur legendum est, **NE FACITO ROGVM ASCIA, NE POLITO.** vt ita affabrè

construi rogam, aut de dolatis aliquibus lignis expoliri, videantur Decemui-
 ri prohibuisse: sed potius ex incompositis im-
 politisque lignis, sine arte simul congestis, pyram fieri voluisse. A-
 scia enim instrumenti genus erat, non solum poliendis lignis, sed etiam con-
 struendis, connectendisq; aptum: quo in
 calcis maceratione veteres etiam vfos
 esse, testatur Vitruuius de architect. lib.
 7. cap. 2. Igitur Decemui-
 ri ascia, siue arte aliqua fabrica, fieri vel expoliri ro-
 gam noluerunt. Ceterum sumtu tribus
 ricinijs, & vinculis purpuræ, & decem
 tibicinibus extenuato, sustulerunt et-
 iam lamentationem Decemui-
 ri, vt eodem in loco scribit Cicero. Ricinium
 esse, refert Festus, omne vestimentum
 quadratum: eosque qui duodecim in-
 terpretati sunt, ricinium appellasse viri-
 lem togam, qua mulieres utebantur,
 prætextam clauo purpureo. Quia igitur
 vnumquodque ricinium clauum ha-
 bebat purpureum, vtique obscurum
 non est, quid hinc per tria purpuræ vin-
 cula intellexerit M. Cicero. Ait enim
 sumtum funebrem tribus ricinijs, & vin-
 culis

culis purpuræ extenuatum fuisse : haud
 dubie per tria ricinia, & vincula purpu-
 ræ, tres viriles togas, tribus clavis pur-
 pureis prætextas intelligens. Sic ni fal-
 lor, vt in funere tres duntaxat fœminas
 tribus ricinijs indutas esse Decemuiri
 voluerint, non autem vt vna fœmina
 tria ricinia indueret. Et cum nœnias ad
 tibias canere in funeribus more quo-
 dam inueterato etiam receptum esset,
 cum morem non sustulerunt : sed quia
 infinito quodā tibicinum numero fune-
 ra grauabatur, Decemuiri plures in fu-
 nere tibicines esse quàm decem prohi-
 buerunt. Qui quidem tibicines idcirco
 adhibebantur, vt ad funebres eorum ti-
 bias (quas Flaminii audire nefas erat)
 nœniæ mortui hominis laudandi causa
 canerentur, auctore Festo. Fuisse etiam
 præficas idcirco olim conductas, vt an-
 te domum mortui laudes eius cane-
 rent, Varro testatus est, citans illud Næ-
 uij : Hæc quidem herclè opinor præfica
 est, nam mortuos conlaudat. Eoq; spe-
 ctat Plauti illud in Truculento :

*Sine virtute argutum ciuem, mihi habeam præ-
 præfica.*

Que

DE SVMTIB. FVNERYM.

Quæ alios conlaudare absentes, sese verò non potest.

Cicero scribit, legem quoque Decemviralem his verbis lamentationem sustulisse: **MVLIERES GENAS NE RADVNTO, NEVE LESSVM FVNERIS ERGO HABENTO.** Plinius lib. II. cap. 37. Infra oculos, inquit, malæ homini tantum, quas prisci genas vocabant, duodecim tabularum interdicto radi a fœminis eas vetante. Pudoris hæc sedes, ibi maximè ostenditur rubor. Radere veteribus idem erat quod vnguib. cruentare, digitisve conterere: indeque fidicines, a radendis siue conterendis fidibus veteres appellasse rasores, testatur Festus. Voluerunt igitur in effectu Decemuii, lacrymis cadere permittendum, non imperandum. Quid autem per lessum Decemuii intellexerint, veteres interpretes Sextus Aelius, Lucius Aelius, non satis se intelligere dixerunt, inquit Cicero, sed suspicari vestimenti aliquod genus funebris esse. Lælius lessum interpretatur, quasi lugubrem eiulationem, vt vox ipsa significat.

ficat. Illúque eò magis verum Cicero-
ni videtur, quòd lex Solonis idipsum
vetet: eòque sensu Plautus lessum vide-
tur accepisse, cum sic in Truc. scriberet:

— Stultus es,

*Qui facta infecta facere verbis postules: The-
tis quoq; etiam*

Lamentando lessum fecit filio.

Quasi dicat Plautus, lamentis gemitú-
que & foemineo ululatu, vt vtar Poëtæ
verbis, filium defleuit Thetis, & tamen
suis illa lacrymis quod factum erat in-
fectum reddere non potuit. Et sic qui-
dem hunc Plauti locum accipiendum
esse, euidenter in libro de anima docet
Tertullianus: Planè, inquit, stygias palu-
des Poëta tradidit mortem diluentes.
Sed & Thetis filium planxit. His adden-
da est alia quoque lex, quam in eodem
libr. 2. de legibus ex duodecim tabulis
Cicero his verbis refert: H O M I N I
M O R T V O N E O S S A L E G I T O, Q V O
P O S T F V N V S F A C I A S. & ait excipi
bellicam peregrinamq; mortem. Quid
autem in hac lege sibi voluerint Decem-
uiri, Cicero non exposuit. Et certè, vt
quid

quid mihi videatur paucis exponam, multum interesse puto, inter ossa legere homini mortuo, & inter hominis mortui ossa legere. nam ossa hominis quæ dispersa sunt, & non cohærent, cùm simul colliguntur, tunc hominis ossa legi dicuntur. Seneca libr. 2. de ira: Dignus fuit cui permetteret à conuiuio ad ossa filij legenda discedere. Apuleius libro tertio florid. Rectà de auditorio ad exequias eundem, legenda eius esse ossa, mox carmina. Ceterum homini mortuo leguntur ossa, cùm eius cadaueri aliqua ossa adimuntur. Eoque sensu viuus ossa legere dixit idem Seneca in libr. de Consolat. Adijce, inquit, incendia, ruinas, naufragia, lacerationes Medicorum ossa viuus legentium, & totas in viscera manus dimittentium. Legere siquidem pro adimere, & auferre veteres dixisse, non est obscurum, si consideremus eum dicendum esse sacrilegum, qui adimit, qui aufert res Deo ritè consecratas. Horatiùs serm. lib. 1. sat. 3.

*Nunc vincet ratio hoc, tantundem vt peccet,
idemq;*

Qui teneros caules alieni fregerit horti,

Et qui

Et qui nocturnus Diuūm sacra legerit.

Membrum abscindi mortuo dicebatur; inquit Festus, quum digitus eius decedebatur, ad quod seruatum iusta fierent reliquo corpore combusto. Et idcirco Decemuiros cum vetant homini mortuo ossa legi, per ossa membrum aliquod ex ossibus duobus aut tribus constans, vt est digitus, existinaui intellexisse: illudque homini mortuo adimi vetuisse, ni is aut peregrini, aut in bello mortuus esset. Quum enim alicui digitus legitur, certē eidem adimuntur, siue leguntur ossa, quò post funus fiat, hoc est, vt Festus interpretatur, membrum adimitur ad quod seruatum iusta fiant reliquo corpore combusto. Credo quia molestum esset, ad eum locum amicos exequiarum causa euocare, vbi quis bello occubuisset, vel vbi ciuis Romanus inter peregrinos mortem obiisset. Idēoq; homini huiusmodi mortuo permiserunt Decemuiros ossa legi, quò post funus fiat, hoc est; membrum aliquod adimi, ad quod seruatum iusta Romæ fierent, reliquo corpore apud peregrinos combusto. Hæc præterea sunt in duodecim de
vinctu-

vnctura: SERVILIS VNCTURA
TOLLITOR, OMNISQVE CIR-
CUMPUTATIO. Audio legem hanc
sic exponi, quasi pollinctores ne sint
Decemuii prohibuerint. Profectò hi
non rectè mihi intellexisse visi sunt, qua-
les olim dicerentur haberenturq; pol-
linctores. Pollinctores dicebantur, non
qui cadauera vngebant duntaxat, sed
etiam libitinariorum, quibus cadauera
cluenda, commundanda, exornandâq;
locabantur, serui. cap. 5. §. 1. de inst. act.
Eoque sensu pollinctores Plautus acce-
pisse visus est in Pœnulo :

*Carthaginenses fratres patrucles duo
Fuere, summo genere, & summis diuitijs,
Eorum alter vixit, alter est emortuus.
Propterea apud vos dico confidentius,
Quia mihi pollinctor dixit qui cum pollin-
xerat.*

Proinde sic hanc legem intelligo, quasi
per illam vngi seruorum corpora De-
cemuii prohibuerint. Solitas etenim
alioqui in funus mortui serui impensas
fieri, testatur Vlpianus cap. 13. §. 19. de
act. empt. Sustulerunt etiam omnem cir-
cumpotationem seruilem. Nam liberi

homines quominus coronati parentantes, quum supra tumulum dapes posuissent, circumpotare potuerint, nulla lege mihi prohibitum fuisse videtur. His adde sumptuosam resperfusionem, longasque coronas, & acerras etiam Decemuiros sustulisse. Sumptuosam resperfusionem, murratam potionem Festus appellare visus est. Murrata, inquit, potione usus antiquos indicio est, quod etiam nunc Aediles per supplicationes Dijs addunt ad puluinaria, & quod 12. tabulis cauetur, ne mortuo indatur, ut ait Varro in antiquitatum lib. 1. Scribit etiam Plinius lib. 14. cap. 12. Numam legem huiusmodi tulisse: VINO ROGVM NE RESPERGITO. Sed quia illud Numam sanxisse propter rei inopiam non dubitauit Plinius, existimo vino duntaxat murrato rogum respergi vetuisse Decemuiros, eosque hanc Numæ legem in suas tabulas non retulisse. Murrinam Festus esse contendit genus potionis, quod Græcè nectar dicitur: hanc mulieres vocabant murriolam, quidam murratum vinum, quidam id dici putant ex vuz genere murrinæ nomine.

mine. Plinius verò eodem libr. cap. 13. non inter vina modò, sed etiam inter dulcia vina, odore miro, preciosisq; aromatibus condita murrinam refert: & ait Sceuolam quoque, & Lælium, & Ateium Capitonem (legem fortè Decemviralè de murrata potione interpretantes) in eadem sententia fuisse: quoniam in Plauti Pseud. sit:

Quòd si opus est vt dulce promat

Indidem, ecquid habet? rogas?

Murrinam, passum, defrutum, mellinam.

Permiserunt igitur Decemviri, exceptò inurrato, rogum omni vino respergi, quem Numa Pompilius rei inopia expressè prohibuerat aliquo vino respergi. Docet Apuleius in apologia prima, quales olim funeri odores parari soleant: Nec tamen, inquit, idcirco omnia ad nequiores suspicionem trahuntur; etsi thus, & casiam, & myrrham, ceterosque id genus odores funeri tantum emptos arbitreris, quum & medicamento parentur, & sacrificio. Dèq; huiusmodi odoribus sentire omnino visus est Festus, qui acerram interpretatur aram, quæ ante mortuum poni solebat,

in

in quā odores incendebantur. Ceterum de longis coronis interpretes, hīc nihil adnotant, puto quia non satis, quales illæ fuerint, intellexerunt. Quidā vt audio, per coronas longas lemniscos intelligit: sed errat. tam enim rotundæ esse lemniscatæ possunt, quā coronæ longæ. Obseruauimus longis coronis busta, sepulcra, fellas curules, theatra, & currus triumphales exornari consueuisse: rotundis homines vsos esse. Obseruabunt id mecum viri omnes literati, ex illo præclaro, quem GOLTZIVS tuus Marce Laurine propediem est editurus, C. Iulio Cæsare, siue Historiæ Imperatorum Cæsarumq; Romanorum, ex antiquis numismatibus restitutæ, libro primo. De longis coronis illud accipiendum puto, quod hunc in modum scripsit in Octauio M. Minucius Felix: Sic reformidatis Deos, quos negatis, non floribus caput necitis, non corpus odoribus honestatis, reseruatis vnguenta funeribus, coronas etiā sepulcris denegatis, pallidi, trepidi, misericordia digni, sed nostrorum Deorum. Nunc exponemus, vnde laudis ornāmēta ad mortuos

DE SVNTILFVNERYM.
pertinere Cicero manifestum fecerit.
Iam illa, inquit, significatio est, laudis
ornamenta ad mortuos pertinere, quod
coronam virtute partam, & ei qui pepe-
risset, & eius parenti sine fraude esse lex
impositam iubet. Idq; etiam adnotans
ijsdem ferè verbis Plinius, lib. 21. cap. 3.
fuisse & aliam quoque legem testatus
est, qua is arguebatur, eiusque pecunia,
qui non virtute, sed pactione coronam
acquisiverat. Quam legem utpote vi-
tiosissimam, & locum Plinij, qui etiam
mendosus est, sic restituo: *Semper tamen
auctoritas vel ludicro quasitarum fuit. Namque
ad certamina in circum per ludos & ipsi de-
scendebant, & seruos suos quoq; mittebant. Inde
illa duodecim tabularum lex: QVI CORO-
NAM PACIT, IPSE PECVNIAQVE
EIVS VIRTVTIS ERGO AFGVI-
TOR. Quam serui, equive meruissent.*
*partam lege dici nemo dubitavit. Quis
honos? Ut ipsi mortuo, parentibusque eius, dum
intus positus esset, forisve ferretur, sine fraude
esset imposita. Hæc Plinius. Vnde intelligi
perspicuè potest, duas de Circensibus
coronis in duodecim tabulis leges fuisse:
vnam, qua pecunia eas acquiri pro-
hibue-*

hibuerunt Decemuiri: alteram, qua coronæ virtute, non pecunia acquisitæ, commoditates honorésque describuntur. Et proinde in hac lege rectè pro *Qui coronam parit*, mihi reposuisse videor, *Qui coronam pacit*: præsertim quòd hanc emendationem mirum in modum verba subsequencia confirmant. Quibus nimirum significatur, si coronam, quam serui equive meruissent, præcones Aedilium iussu domino vt victori imponerent, eam lege dici pecunia partam neminem dubitasse. Et ita legem de corona, quæ non virtute, sed pecunia est acquisita, loqui, testatur expressè Plinius. Aut igitur pro *parit*, legendum est *pacit*, aut certè *pecunia parit*: vt sit sensus, qui non virtute, sed pecunia coronam acquisiuit, quia virtuti fraudem fecit, virtutis ergò, & ipsum, & eius pecuniam arguendam esse. Id quod Imperat. Alexander etiam obseruasse visus est, cum tribui ciuilium munerum athletis ijs vacationem non permisit, qui amulis corruptis, ac redemptis coronati dicebantur. cap. vnico. C. de athletis. Eoque omnino spectare videntur hi versus Plauti,

quos pronunciare in Amph. prologo
Mercurius fingitur:

Hoc quoq; etiam mihi in mandatis dedit.

Vt conquisitores fierent histrionibus:

Qui sibi mandassent delegati vt plauderent,

Quive, quò placeret alter, fecisset, minus :

Eius ornamenta, & corium vti conciderent.

Et hæc quidem mihi sufficere videntur
ad emendationem, interpretationem-
que legis illius Decemviralis, qua, qui
pactione coronam acquisiuit, arguitur.
Altera porro lex, qua homini mortuo
eiusque parentibus imponi coronæ ho-
noris gratia permittuntur, non multum
difficultatis continet, si consideremus
moris apud antiquos fuisse, vt cadauera
per dies 7. domi seruarentur, octauo
dic darentur rogo, & nono sepeliren-
tur, auctore in Virgil. Seruio. Quod quū
ita sit, quis est qui non intelligat quid si-
bi Plin. voluerit, coronā sine fraude ho-
mini mortuo, cū intus positus esset, &
quum foris ferretur, eiusq; parentibus
fuisse impositam scribens? Erat & alia
lex in duodecim, qua, quod erat olim
factitatum, vt vni plura funera fierent,
lectiq; plures sternerentur, id quoq; ne

fic-

ficeret sancitum est: & fuisse in ea lege,
 NEVE AVRVM ADDITO, testis est
 M. Cicero. Meminit etiam idem Cicero
 legis cuiusdam Decemviralis, qua cum
 dentibus auro vinctis sine fraude mor-
 tuos vri & sepeliri fuit liberum. Quæ
 quidem lex sic mihi restituenda videtur:
 QVOI AVRO DENTES VINCTI E-
 SVNT, AST IM CVM OLLO SEPE-
 LIRIER, NESI FRAUDE ESTO. Duæ
 sunt præterea in 12. leges, inquit Cice-
 ro, de sepulcris, quarum altera priuato-
 rum ædificijs, altera ipsis sepulcris ca-
 uet. Nam quod rogam, bustumve nouū
 vetat propius sexaginta pedes adijci æ-
 des alienas inuito domino, incendium
 veretur acerbum: quod autem forum,
 id est, vestibulum sepulcri, bustumve v-
 sucapi vetat, tuetur ius sepulcrorum.
 Hæc Cicero libro secundo de legibus.

CAP. XVI.

De mancipationibus.

MANCIPIVM pro dominio in iu-
 re ciuili positum omnes consen-
 siunt. Indèque res omnes aut manci-

DE MANCIPATIONIB.

pi esse, aut nec Mancipi dicuntur. Mancipi res sunt, auctore Boetio, quæ a nostro ad alterius dominium per nexus quandam solennitatem transire possunt: nec Mancipi verò res illæ dicuntur, partim quidem quæ sui iuris & liberæ sunt, partim verò quæ dominio semper non sunt subiectæ: & si res illas addideris quæ Mancipio dari, aut accipi Mancipio nequeunt, perfecta erit rerum nec Mancipi definitio. Res Mancipi solæ Mancipari possunt: res nec Mancipi, aut nuda traditione, aut si tradi non possint, cessione acquiruntur. Inter res Mancipi prædiâ in Italico solo tam urbana quàm rustica, eorûque iura, item serui & quadrupedes, quæ collo dorsove domantur, velut boues, muli, equi, asini, ab Ulpiano in fragmentis referuntur: reliquæ autem res nec Mancipi sunt. Et quamvis elephanti & camelis dorso collôve domari possint, eos tamen idcirco idem Ulpianus inter res Mancipi negavit numerari, quòd essent bestiarum numero. Opinor quia veteres Mancipi res appellabant, res alterius dominio semper subiectas. Nam
serui

serui, equi, asini, nulli vnquam fuere qui proprium dominum non haberent: & proinde etiam si fugissent, si surrepti essent, aut abacti, semper alicuius erant in dominio. Verum cameli & elephanti, quia sui iuris sunt, idcirco statim occupantis iure Quiritium fiunt, sine aliqua aut mancipationis, aut in iure cessionis, vel usucapionis auctoritate: siq; alienati fuerint, nuda traditione eorum dominia acquiruntur. Sed quia eousque duntaxat occupantis esse intelliguntur, donec eius custodia coercentur, hinc factum etiam deinde videtur, vt cameli & elephanti, licet collo dorsove domati essent, inter res tamen Mancipi non referrentur. Non enim satis erat, Mancipium quid fuisse, vt posset rerum Mancipi numero comprehendi, verum etiam Mancipium esse perpetuo debebat. Sanè seruus quam diu seruus est, Mancipium est: elephas verò Mancipium diutius esse, non potest, quam custoditur. Nam semel vbi custodiam euasit, & in pristinam libertatem sese recepit, Mancipium esse desinit. §. fera. Instit. de rer. diuis. Prædia in Italico solo Mancipi

esse tradidit Vlpianus. Nec quidem in solo prouinciali prædia omnia nec mæcipi fuerunt. Ciues enim Romanos in prouincijs tam prædia possedisse, & emancipasse, quàm in Italico solo, scripsit Nepoti suo Plinius libr. 6. epist. de candidatis differens, quos prædia in solo Italico comparare princeps coge-
bat. Eosdem, inquit Plinius, patrimonij tertiam partem cõferre iussit, in ea quæ solo continerentur: deforme arbitrat-
us, vt erat, honorem petitu-
ros, urbem, Italiámque, non pro patria, sed pro ho-
spitio, aut stabulo quasi peregrinantes habere. Concurfant ergo candidati, certatim quicquid venale audiunt, em-
ptitant, vt sint quoque plura venalia, ef-
ficiunt. Proinde si pœnitet te Italicorum prædiorum, hoc vendendi tempus, tam
hercule, quàm in prouincijs comparandi,
dum idem candidati illic vendunt, vt
hic emant. Hæc Plinius. Modestinus et-
iam scribit, eum qui officij causa in pro-
uincia agit, vel militat, prædia compara-
re in eadem prouincia non potuisse,
præter quàm si paterna eius à fisco dis-
traherentur. cap. 62. de contrah. empt.

Ex

Ex quibus locis verissimum apparet, non in Italico duntaxat solo, sed & in prouincijs quoque iure mancipij ciues Romanos prædia possedisse. Nec id quidem coniecturis tantum verisimilibus, sed expressis etiam M. Tullij verbis confirmari potest, qui de quibusdam Apolonidenſibus Pergamenisque prædijs hunc in modum pro L. Placco discrit: Illud quæro, sintne ista prædia censui censendo, habeant ius ciuile, sint nec ne sint mancipi? Et certè ea fuisse videtur, quantum ex Siculo Flacco possum colligere, agrorum prouincialium differentia, vt vel diuisi & assignati, vel quæstorij, vel occupatorij, aut vectigales, id est, stipendiarij, vel deniq; tributarij dicerentur. Vt enim Romani omnium gentium potiti sunt, quos agros ex hoste captos in victorem populum partiti non sunt, eos limitibus actis, aut per quæstores populo Romano vendiderunt, aut ciuitatibus, certo vectigali imposito, quod stipendiarium dicitur, reddiderunt. Quod quum ita sit, non est igitur dubium, quin ager ille, quem à Romano ciue ciuis Romanus emebat in
pro-

DE MANCIPATIONIB.

prouincijs, rerum Mancipi numero sic contineretur, vt eius dominium, non traditione nuda, sed per Mancipationem, aut in iure cessionem duntaxat transferretur. Ceterum agri vectigales, & stipendiarij, item tributarij, ideo iuris nec Mancipi sunt, quia vectigales populi Romani, tributarij principis sunt proprietate, vsu verò & fructu prouincialium, auctore Theophilo: & idcirco à possessoribus dari Mancipio nequeunt. Et eò quidem visus est omnino Iabolenus respexisse, possessionem ab agro iuris proprietate sic distinguens, vt quicquid apprehendimus, cuius proprietas ad nos non pertinet, nec pertinere potest, id appellari possessio debeat. cap. 115. de verbor. signific. Quo sensu possessiones etiam Festus agros definiuit latè patentes, qui non Mancipio sed vsu tenebantur, quos vt quisque occupauerat, colebat. Est autem Mancipatio, auctore Vlpiano, propria species alienationis rerum Mancipi, eaque fit certis verbis, libripende & quinq; testibus præsentib., hunc videlicet in modum: Is qui rem Mancipio accipit, as tenens;

nens ita dicit: *Hunc ego hominē ex iure Quiritiū meum esse aio, isq; mihi emptus est hoc ære, æneaq; libra.* deinde ære percutit libram. Fuisse enim in veteribus mācupijs scriptum, *Raudusculo libram scrito*, Varro testatur lib. 4. & 5. de ling. Lat. Illudque in mancipando etiam dici solitum, Festus obseruauit. Quum autem libra raudusculo esset percussa, tunc is qui rem mancipio capiebat, æs ei dabat, à quo rem accipiebat mancipio, auctore Boëtio: qui etiam mancipationem hanc lege 12. tabularum, sic esse introductam contendit, vt mancipi res aliquas eadem lege abalienari potuisse, nisi per hanc solennitatem expressè negauerit. Proinde si à Romano ciue ciuis Romanus seruum emisset, isq; traditus esset, neque tamen mancipatus, nec in iure cessus, aut anno possessus, seruum quidem in bonis emptoris esse, ex iure Quiritium verò eundem remanere venditoris, testatur Vlpianus in fragmētis titulo primo. Sic nimirum vt vsu & fructu seruus emptoris esset, mancipio verò & nexu venditoris. Quò respexisse visus est etiam M. Cicero, quum ita
lib.

lib. 7. epist. famil. scriberet: Cuius quando proprium te esse scribis mancupio & nexu, meum autem usu & fructu, contentus isto sum. Huc quoque spectat illud Arnobij aduersus gentes libr. 2. Usu & illis est vita, non mancupio tradita. quamuis aliter quidam inferant. Esse enim duplex dominium Theophilus ait, vnum naturale, alterum legitimum; & is qui naturale duntaxat dominium habebat, rem in bonis habere, qui verò legitimus, iure Quiritium dominus esse dicebatur. Et eò quidem spectare Decemviri videntur, quum venditas res, & traditas aliter emptori nō acquiri, in duodecim tabulis scripserunt, quā si is venditori precium soluisset, aut ei satis alio modo fecisset. §. venditæ. Instit. de rer. diuis. Quia enim ex his quæ de mancipatione hic adnotata sunt, liquido constat, statim vbi res emptamancupio data esset, emptorem eius legitimum dominium iure Quiritium adeptum fuisse, etiam si precium non verè, sed dicis duntaxat gratia interuenisset, ideo si non Iustinianum, saltem legem quā allegat Decemviralem, eiusque

que interpretes sic esse intelligendos
puto, vt contenderint rem venditam a-
liter emptoris facere venditorem non
cogendum, quàm si ab emptore vendi-
tori satis esset abundè factum. c. 19. de
contrah. empt. cap. 5. §. 8. de tribut. act.
Tunc enim nõ erat satis emptori à ven-
ditore rem tradi, sed etiam emptoris
eam facere, hoc est, rem emptori
mancipio dare, aut ea in iure cedere
venditor lege. 12. tab. cogeatur. Quia
enim, vt est expositum, qui rem vendi-
derat, & tradiderat, neq; mancipio de-
derat, nec ea in iure emptori cesserat, e-
ius iure Quiritium dominus manebat,
eadem interim in bonis emptoris vsu
& fructu existente: idcirco emptor rem
emptam pscere solebat mancipio: hoc
est, rem non solum tradi, verumetiam
suam legitimè fieri postulare: siquidem
nuda traditione ante Iustiniani consti-
tutionem rerum mancipi dominia non
transferebantur. Huc spectat Plauti il-
lud in Mostel. *Iube ades mancipio pscier.*
Quamvis interim mancipi res ita etiam
potuerit alienari, vt eam mancipio dare,
aut in iure cedere venditor non cogere-
tur:

DE MANCIPATIONIB.
tur: nimirum cum sic inter contrahen-
tes actum esset. Plaut. in Pers.

*Prius dico hanc mancupio nemo tibi dabit :
iam scis ? D. scio.*

Et tunc quidem plerunque solet, aut
dupla, aut simpla promitti, si Varroni
credimus lib. 2. de re rust. Solet, inquit
Varro, si mancupio non datur, dupla
promitti, aut, si ita pacti, simpla. Hinc
fortè simplaria vēditio, de qua suo loco
latius. Illud etiam tunc obseruabatur, vt
eiusdem rei venditor & emptor in so-
lidum essent domini : sed hic quidem
bonitarius, ille verò quiritarius. Eoque
spectare videntur, titulus, & Imp. Iust.
constitutio, *De nudo iure Quiritium tollen-*
do. Qui quidem Iustinianus, cum etiam
rerum mancipi, & nec mancipi diffe-
rentiam aboleuisset, mancipationem
visus est omnem ita sustulisse, vt amplius
rem emptoris facere, hoc est, rem man-
cupio dare venditor non cogeretur, sed
tam nuda traditione legitima rerum
mancipi dominia, quam rerum nec
mancipi acquirerentur. Qua sola ratio-
ne factum deinde videtur, vt nulla hu-
iusce Quiritium iuris, veterisque rerum
man-

mancipi & nec mancipi differentia, in nostris Pandectis supersint vestigia. Et ubicunque nexu tradere, aut mancipio dare legebatur, ibi dare, tradere, aut præstare visus est Tribonianus reposuisse: ne videlicet animi iuuenum, qui ad primam legum veniunt audientiam, iuris Quiritium mancipijq; verbis perterriti, inutiles, si Dijs placet, legis antiquæ, hoc est, Decemviralis dispositiones accipiant, auctore Iustiniano cap. vnic. de nudo iur. Quirit. toll. Et ita quidem mancipatione dominia rerum acquirebantur. Ceterum in iure cessio, communis erat alienatio, inquit Vlpianus, & rerum mancipi & nec mancipi, quæ fiebat per tres personas, in iure cedentis, vindicantis; addicentis. In iure cedebat dominus, vindicabat is cui cedebatur, addicebat Prætor. Nec sanè cessione duntaxat, sed etiam nuda traditione res nec mancipi acquirebantur, auctore eodem Vlpiano: traditione quidem res mobiles, cuius generis sunt apri, vrsi, leones, cerui, & alia id genus animalia, quæ bestiarum numero sunt: cessione verò res immobiles,

M

qua-

DE MANCIPATIONIB.

quales sunt possessiones prædiorum ve-
 stigalium, aut tributariorum. Quia e-
 nim huiusmodi prædia in bonis dunta-
 xat sunt possessorum, proprietate verò
 populi Romani, aut Principis: & quia
 nihil aliud mancipium est, quàm pro-
 prietas, siue dominium legitimum, cer-
 tè nulla mancipatione à possessoribus
 potuerunt alienari. Sed quandoquidem
 vsu & fructu eadem prædia possessorum
 essent, vsu & fructum non mancipa-
 tione, sed cessione rectè alienabant: sic
 nimirum, vt illo eodem iure, quo in hu-
 iusmodi prædijs utebantur, alteri rectè
 apud prouinciæ Præsidentem in prouincijs
 possesores cederent: proprietate inte-
 rim manente penes populum aut Prin-
 cipem semper salua. Quod autem Varro
 scribit libro secundo de re rustica, ces-
 sionem legitimū dominium in emptio-
 nibus pericere, si quis ei in iure cessit,
 cui cedere potuit, & id vbi oportuit, sa-
 nè eleganter illud explicat Boëtius in
 Top. Cicer. Fiebat, inquit, cessio tali mo-
 do: Apud magistratum populi Romani,
 vel apud Prætorem, vel apud Præsidentem
 prouinciæ, is cui in iure re aliqua cede-
 batur,

batur, rem tenens ita vindicabat, *Hunc ego hominem ex iure Quiritium meum esse aio*. Deinde postquā hic vindicasset, Prætor eum interrogabat quī cedebat, an contrā vindicaret: quo negante, aut tacente, tūc ei qui vindicauerat, eam rem addicebat, idq; legis actio dicebatur. Unde illud imprimis obseruatione non indignum videtur, legis videlicet actionem veteres tam ad imaginariam, quā ad veram rei vindicationem retulisse. Nam qui lege in rem aliquam agebat, is hac vti eadem formula solet. Et idcirco magistratum, apud quem legis actio est, cuius Modestinus & Vlpianus meminerunt. cap. 4. de adopt. cap. 3. de offic. Procons. cap. 1. de offic. Iurid. eum rectè interpretabimur, apud quem non solum legitimis actionibus liberum cuius erat experiri, filium emancipare, aut adoptare, sed vindicanti etiam suo iure cedere. Nunc videndum est, quid à nexu mancipatio differat. Nexum, inquit Festus, est quodcunque per æs & libram geritur, idq; necti dicitur: quo in genere sunt testamenti factio, nexi datio, nexi liberatio. Manilius autem, te-

ste Varrone libro sexto de lingua Latina, nexum esse etiam scribit, omne quod per libram & æs geritur, sed ita ut in eo sint res Mancipi. Denique Mutius Scevola, ut ait idem Varro nexus appellatione existimavit contineri, quæ per æs & libram fiunt ut obligentur, præterquam quæ Mancipio dantur. Igitur ex Scevolæ sententia differre à Mancipatione in hoc videtur nexus, quod res Mancipi nexu obligentur, non autem Mancipio dentur: hoc est, Mancipatione non alienentur. Et hoc quidem tunc verum esse non dubito, quum ut species nexus accipitur. Testis est enim Aelius Gallus, omne quod per æs & libram geritur, genere quodam nexum appellari. Et idcirco si illud in suas species distribueris exemplo adoptionis, rectè dicēs nexum, hoc est, omne quod per æs & libram geritur, in quendam nexum specialem, & in Mancipationem discendere. Itaque genere quodam omnis Mancipatio nexus est. Quo sensu rem illam quæ Mancupio datur, nexu tradi, dixit in Topicis Cicero. Ab alienatio, inquit, est eius rei quæ Mancipi est, aut traditio

alte-

alteri nexu, aut in iure cessio, inter quos ea iure civili fieri possunt. Rursus, specialiter, mancipatio nexus non est, auctore Scevola: cum enim nexum ut speciem sumimus, tunc omne quod per æs & libram geritur, præterquam quod mancipio datur, nexus appellatione continetur. Testamenta per æs & libram nexu fiunt, non mancipatione. Pig. Ignora dicuntur necti, non mancipari. cap. 22. §. 1. de iur. fisci. Quod igitur per æs & libram alienatur, mancipari, & quod eodem modo obligatur, necti propriè & specialiter dicitur. cap. fin. C. Si aliena res pig. Ceterum effectus mancipationis is fuisse videtur, ut ubi res mancipi mancupio data esset, iure Quiritium eius qui eam mancupio acceperat, ita efficeretur, ut ille vero domino rem suam vindicanti, non restituere, sed laudare duntaxat auctorem suum cogeretur. Idq; pro Murena expressè testatus est Cicero. Quò spectat Plauti illud in Mercat.

Non ego illam mancupio accepi, sed ille illam accepit. D. sine.

C H. Non potes tu lege vendere illam.

DE MANCIPATIONIB.

Loquitur adolescēs Charinus de puella,
quam cū matri se emisſe Demiphoni
patri adolescens perſuaſiſſet, eam pater
alienare ſimulauit ſe velle: id ne fieret,
ſingit adolescens non ſe, ſed amicum
quēdam eam mancūpio accepiſſe, pro-
indēq; nec ſibi, nec patri integrum eſſe,
eam alienare. Quibus addenda ſunt
quæ in Curcul. ſic idem Plautus ſcribit:

*Memento promiſiſſe te, ſi quiſquam hanc li-
berali*

*Cauſſa manu adſereret, mihi omne argentum
redditum iri:*

*Triginta minas. C A. meminero, de iſt hoc
quietus eſto.*

*Et nunc idem dico. L Y. & commeminiſſe
hæc ego volam te.*

C A. Memini, & mancūpio tibi dabo.

*C V R. Egon' vt ab lenone quicquam
Mancūpio accipiam: quibus ſuum nihil eſt, niſi
vna lingua:*

*Qui abiurant ſi quid exeditum eſt: alienos
mancupatis,*

Alienos manumittitis, alieniſq; imperatis:

*Nec vobis auctor vllus eſt, nec voſmet eſtis
vlli.*

*Et hæc quidem ſic olim obſeruabantur,
ſi res*

si res quæ erat mancipata eius esset conditionis, vt dari mancupio posset, & ab eo daretur, à quo dari mancupio poterat. Nam si id datū mancupio esset, quod dari non poterat, aut is rem aliquam mancupio dedisset, qui mancupio dare iure ciuili non potuit, nulla erat ipso iure huiusmodi mancipatio. Testis est enim libr. 2. de re rust. M. Varro, tunc demum mancupationem in emptionibus dominium perficere legitimum, cum quis vt debuit rem mancupio ab eo accepit, à quo iure ciuili accipere potuit, cumque, vt ait in Topic. Cicero, res ea mancupio datur, quæ dari mancupio potest. Finge, inquit Cicero, mancupio aliquem dedisse id, quod mancupio dari non potest, num idcirco id eius factum est, qui accepit? aut num is qui mancupio dedit, ob eam rem se vlla re obligauit? Quem locum Boëtius sic interpretari videtur, vt contendat Ciceronem de rebus nec mancupi mancupatis loqui, & ideo huiusmodi mancupationem esse inualidam, quia omne quod non iure contractum est, nihil retinet firmitatis. Nunc his ita de mancupationibus, de

DE MANCIPATIONIB.

nexu, de quæ rebus Mancipi, & nec Mancipi obiter expositis, videndum est quid sibi voluerint Decemviri cum ita scriberent: *QVI NEXVM FACIET MANCIPIVMQVE VTI LINGVA NVNCVPASSIT, ITA IVS ESTO: VTI NOMINASSIT LOCVTVSVE ESIT, ITA IVS ESTO.* Sic legem hanc apud Festum lib. 12. de verb. sign. restituo. Etenim nuncupasso, nominasso, eso, & alia id genus verba, veteribus admodum familiaria sunt, quemadmodum ex Plauto, Festo, & Varrone quivis potest animadvertere. Testatur Cicero de Orat. libro primo, in duodecim tabulis expressè scriptum fuisse, *vti lingua nuncupasset.* Et quia idem Cicero lib. 3. Offic. duodecim tabulis caueri etiam scribit, vt ea præstentur quæ lingua nuncupata sunt, idcirco non dubitavi, quin ex duodecim tabulis lex ista desumpta fuerit. Qua quidè lege nihil aliud visi sunt Decemviri voluisse, quàm ea duntaxat quæ in nexu aut mancipatione expressa sunt, præstari: ea verò quæ lingua nuncupata non sunt, non præsta-

ri. Vi-

ri. Videntur etiam hæc verba, *nexum
mancipiumque*, licet coniuncta sint, pro
disiunctis tamen Decemuiri posuisse:
sicut illa, *agnatorum gentiliumque*. siqui-
dem vt est declaratum, nexus & manci-
patio, nonnihil inter se differunt. De-
cemuiri ea præstari quæ lingua essent
in mancipando nuncupata duntaxat
voluerunt: Iurisconsulti etiam reticen-
tiæ pœnam introduxerunt, vt auctor est
eodem in loco Cicero. Nam cum, in-
quit, ex duodecim tabulis fatis esset ea
præstari, quæ essent lingua nuncupata,
quæ qui inficiatus esset, dupli pœnam
subiret, à Iurisconsultis etiam reticen-
tiæ pœna est constituta: quicquid enim
inest prædio vitij, id statuerunt, si
venditor sciret, nisi nominatim dictum
esset, præstari oportere. Nec id absur-
dum adeò, si verum est quod Pompo-
nius scribit, perlatis nimirum legibus
Decemuiralibus, quia naturaliter eue-
niebat, vt earum interpretatio deside-
raret prudentum auctoritatem, neces-
sariam fuisse fori disputationem, qua ius
quoddam à prudentibus componeba-
tur, quod communi nomine appellatur

DE MANCIPATIONIB.

ius civile. cap. 2. §. His legibus latis de orig. iur. Et in hoc quidem iure componendo hanc mihi prudentes rationem secuti videntur, ut partim leges interpretarentur, partim quæ legibus deesse videbantur, ea supplerent. Interpretabantur, si quid observari non legum verba, sed earum sententia omnino suaderet: ut contingit in legitima patronorum tutela. Supplevisse etiam ea Iurisconsultos, quæ duodecim tabulis deesse videbantur, obscurum non est, si consideremus, ius quod ab ijs compositum fuit, appellari ius non scriptum consuevisse, hoc est, ius duodecim tabul. non comprehensum. Omne enim ius, aut scriptum, hoc est, inclusum duodecim tabulis, aut non scriptum, hoc est, ijsdem tabulis prudentum auctoritate adiectum tunc appellabatur, cum legibus perlati Decemviralibus esse necessaria fori disputatio cœpisset. Quo tempore iuris non scripti fuisse videntur, usufructus, servitutibus, usufructus libertatis, usufructus hæreditatis, tutela fœminarum, tutela fiduciaria, prohibitiæ inter virum & uxorem donationes, pro-

prohibitæ mulierum intercessionēs, reticentiæ pœnæ, & id genus alia, de quibus in libro singulari De auctoritate prudentum, fauente Deo, differemus. Et ita quidem scripto iure, quæ lingua fuerant nuncupata in mancipando, ea duntaxat præstabantur: iure verò non scripto, etiam reticentiæ pœnæ sunt constitutæ. Hæc hætenus de mancipationibus. De conuentionibus autem legitimis nihil hîc tractabitur, certè quia de ijs Variorum libro quarto accuratè differuimus, legem illam Decemviralem interpretantes, cuius auctor ad Herennium libr. 2. meminit. Nunc de vsucapionibus videamus.

C A P. X V I I.

De vsucapionibus.

QVI possidet, vel à domino possidet, vel à non domino. Qui à domino possidet, iure gentium & ciuili dominus esse potest: potest etiam iure gentium dominus esse, & non ciuili: rursus iure ciuili, & non iure gentium. Qui rem Mancipi Mancipio accepit,
is tam

is tam ciuili quàm gentium iure dominus est: qui rē in bonis habet, iure gentium, non ciuili: qui dominus rei quiritarius est, iure ciuili non gentium rem possidet. Qui autem à non domino possidet, nec iure gentium dominus est, nec iure ciuili: sed vsum rei, siue possessionem illius nudam habet ad certum tempus sine dominio: quo tempore finito, nudæ possessioni dominium adjicitur. Et ita qui nec gentium, nec ciuili iure dominus erat, tempore legisque beueficio tam rei possessæ dominus efficitur, quàm si mancipio, aut cessione eam acquisiuisset. Quòd cum ita sit, nunc intelligimus quid sibi voluerit pro Cecinna Cicero, quum ita scriberet: *Lex vsum, auctoritatem fundi iubet esse biennium.* Et in Topic. *Quoniam vsus, auctoritas fundi biennium est, sit etiam ædium.* Sensus enim est: Lex voluit vsum esse fundi auctoritatem: quamdiu? biennium: hoc est, fundi auctoritatem non diutius biennio ex nudo vfu & sola possessione constare: siquidem finito biennio, eadem lex possessioni voluit adjici dominium. Certum autem est, qui quid mihi

vendit, cum auctorem meum dici. cap. 14. in fi. de Public. in rem act. cap. 4. §. 1. cap. 6. §. 4. cap. 52. §. 3. de act. empt. & ob id, ius quod idem venditor in me transfert auctoritatis nomine etiam contineri. cap. fi. de pignor. act. Et quia plus iuris in emtorem transferre, quam ipse habet, venditor non potest, idcirco fieri etiam potuit, ut interdum auctoritas fundi, ex nudo soloque usu constaret: quod tunc accidere solet, cum a non domino res emitur. Igitur ne quarundam rerum diu, & fere semper incerta dominia essent, voluerunt Decemviri certo quodam tempore usum esse earum auctoritatem: hoc est, earum auctoritatem ex nuda possessione certo quodam tempore constare, eoq; finito auctoritati ex nudo usu constanti dominium adijci. Proinde recte mihi Modestinus visus est, usucapionem, non ademptionem cum Vlpiano, sed adiectionem dominij definiuisse. cap. 3. de usurpat. Est enim usucapio modus legitimus, quo per continuationem possessionis, possessioni nudæ dominium adijcitur: adiectioque dominio, qui aucto-
ritas

D E T E S T A M E N T I S .

ritas vsuaria beneficio legis habetur rata, idcirco non amplius auctoritas duntaxat, sed rata auctoritas vsus appellatur. Quamobrè errare mihi plurimumvisi sunt, tam qui apud Ciceronem, pro biennium, biennij, quàm qui biennij legunt, loco biennij. Voluerunt igitur Decemviri vsum esse auctoritatem, fundi quidem biennium, rerum verò mobilium, annum, aduersus hostem & rerum furtiuarum æternam. De lege Atinia hîc nihil dicam. De quinque pedum vsucapione, scribemus alio loco.

C A P . X I I X .

De testamentis.

DECEMVIRALIS lex testamentaria nullam habet obscuram sententiam: siquidem eius hæc verba sunt: PATERFAMILIAS VTI LEGASSIT SUPER PECVNIA, TUTELAVE REI SVÆ, ITA IVS ESTO: auctore Cicerone de inuent. lib. 2. Cornificio Rhetoric. libr. 1. & Vlpiano in fragmentis, tit. 11. Permiserunt enim Decemviri pa-
tri-

trifamiliâs, hoc est, Romano ciui qui in potestate non est, liberam testandi facultatem. Legatè autem Decemuiris idem esse, quod Iureconsultis testari, alio loco diximus. Porro latissimam hanc testandi potestatem interpretatione coangustatam esse vel legum, vel auctoritate iura constituentium, auctor est Pomponius cap. 120. de verborum significat. Hinc originem habent leges tot testamētariæ, Falcidia, Furia, Vocconia, Velleia, Cornelia, Caninia, Sentia, Papia, Glicia. Hinc regula Catoniana, hinc Aquiliana formula. Adderem varia testamentorum genera, sed quæ ab alijs rectè tractata sunt, hinc repetere non est necesse. Vt interim non omittamus, actionem familiæ erciscundæ ex duodecim tabulis descendere. cap. 1. famil.ercisc. Et nomina ipso iure in portiones hæreditarias ex eadem duodecim tabul. lege esse diuisa, Gordianus Imperator rescripsit. c. 6. C. famil.ercisc. quod quidem rescriptum qua ratione accipiendum sit, commodiore loco demonstrabimus.

De successione ab intestato.

EVNDEM secuti in successionebus
Decemviri & Prætores ordinem
sunt. Quemadmodum enim illi antè de
iudicijs testantium, deinde verò de suc-
cessione ab intestato tractarunt: sic hi
postea quàm de bonorum possessione
eius qui testatus est, edixissent, transi-
tum ad intestatos fecerunt. c. 1. Si tab.
test. Et sunt quidem intestati gradus
partim legitimi, partim honorarij, sic
nimirum, vt primum vocentur sui hæ-
redes, secundo legitimi, tertio cognati,
quarto vir & vxor. cap. 1. Quis ord. in
bon. possess. Sui hæredes vocantur lege
12. tabul. sola: legitimi verò etiam alijs
legibus, & Senatusconsultis: cognati
deniq;, sicut etiam vir & vxor, sine legis
cuiusquã subsidio, ad possessionem bo-
norum iure honorario admittuntur.
Hinc titulos huiusmodi, unde liberi, unde
legitimi, unde cognati, unde vir & vxor, ita in-
pretari soleo, quasi per eos propona-
tur, si nullæ existent testamenti tabulæ,
unde liberi, unde legitimi, unde cognati, vn-

ti, vnde vir & vxor ad bonorum possessionem admittantur. Nunc de successione quæ ex lege duodecim tabularum ab intestato competunt, hîc tractabimus, de alijs suo loco disputaturi. Et quidem mortuo patrefamiliâs intestato, suos hæredes ad successionem vocant Decemuii ijsq; non exstantibus agnatos, his verbis: SI INTESTATUS MORITVR, CUI SVVS HÆRES NEC EXTABIT AGNATVS PROXIMVS FAMILIAM HABETO. auctore in fragmentis Vlpiano, tit. 26. Decemuii intestatum appellant, aut qui nullum, aut qui non iure testamentum condidit: Iureconsulti verò etiam eum cuius ex testamento hæreditas adita non est. cap. 64. de verbor. signific. Et hoc inde potissimum, quòd hæredes, quos suos dicebant, eosdem Decemuii necessarios esse voluerint: siquidem illi siue vellent, siue nollent, tam ab intestato, quàm ex testamento hæredes lege. 12. tabul. fiebant. §. necessarij. Instit. de hæred. qual. & diff. Passi quoque non sunt Decemuii, fœminini sexus necessitudinem ad intestati successionem ad-

N

mitti;

mitti: adeò vt ne quidem inter matrem
& filium filiãve vltro citròque hære-
ditatis capiendæ ius darent. §. 1. Instit.
de s c. Tertull. Sed hæ iuris angustia
postea emendatæ sunt. Porro Iulianus
legem 12. tabul. etiam eum vocare ad
hæreditatem auctor est, qui moriente
eo de cuius bonis quæritur, in rerum
natura fuit. cap. 6. de suis & legit. Quod
sanè verissimum mihi videtur, si non ob
aliud, certè quia lex suos ad intestati hæ-
reditatem primo gradu vocans, quinam
sui dicerentur non exposuit. Et idcirco
suos deinde sic interpretati videntur
Iureconsulti, vt eorum nomine tam po-
stumus legem intellexisse, quàm filio-
familiã contenderint. Nam postumos
prudentes iuris, alios quidem suos ap-
pellasse, alios verò alienos, manifestius
est, quàm vt probationibus opus ha-
beat. Nec quidem satis erat, quẽ suum
dici, ad hoc vt posset ad intestati hære-
ditatem admitti, verùm necessum et-
iam fuit, vt eo nullus gradu esset proxi-
mior. Quemadmodum enim suis defi-
cientibus ad agnatos proximiores, ita
suis exstantibus ad suos proximiores hæ-
redi-

reditas pertinet. cap. 1. §. 5. & 6. de suis & legit. Igitur mortuo filio, proximum gradum obtinet nepos, nepote mortuo, pronepos, & ita deinceps. Cæterum si proponamus ex defuncto, qui duos filios habuerat, superesse filium, & ex altero filio nepotes item duos pluresve, videamus an pariter nepotes cum patruo ad auitam hæreditatem admitti debeant. Et debere quidem Caius, Vlpianus, Iustinianusque testantur, negantq; patrum, qui gradu proximior est, vltiores, quales hi nepotes sunt, excludere. Et idcirco conueniens esse aiunt, non in capita, sed in stirpes hæreditatem sic diuidi, vt filius partem dimidiam hæreditatis habeat, & ex altero filio duo pluresve nepotes alteram dimidiam. §. cum filius. Instit. de hæred. quæ ab intest. def. lib. poster. Instit. Caij tit. 9. & apud Vlpian. in frag. tit. 26. Idq; etiam lege 12. tabul. euidenter caueri, Impp. Diocletianus & Maximianus auctores sunt. c. 3. C. de suis & legit. Atque huius quidem iuris non est obscura aut admodum absurda ratio, si consideremus patrefamilias mortuo in stirpes

DE SVCCES. AB INTEST.

siue diuersas familias eius domum discedere. Adeò quidem, vt quot filij fuerant familiâs, totidem cõfestim patres-familiâs efficiantur, qui singuli singulas & separatas familias, siue stirpes constitunt. Si igitur patrefamiliâs mortuo tres superfuerint filij, in stirpes tres familia paterna diuidetur: & quia non plura quàm tria capita sunt, idcirco non in stirpes solum, sed & in capita exercisci familia dicitur. Verùm si duo supersint duntaxat filijfamiliâs, & ex tertio nepotes duo pluresve, hîc non in capita, sed in stirpes ideo fieri diuisio debet, quia plura sunt capita quàm stirpes: & in plura capita quàm sunt stirpes familiam huiusmodi discedere, ne natura quidem æquum est. Et quamuis filij nepotibus in paterna successione proximiores esse natura videantur, tamen consideratione quadam stirpium ciuili proximiores non sunt, & ideo nepotibus non præferuntur. Si non ob aliud, certè quod mortuus non esse tertius ille filiusfamiliâs præsumatur, cuius supersunt filij: qui omnes eandem, stirpis consideratione, quam pater sustinuerat, simul

simul induisse personam in auita successione finguntur. Et hæc quidem hæcenus de primo legitimorum hæredum ordine. De altero, eorum nempe qui agnati dicuntur, illud dicendum restat, videlicet agnatorum appellatione consanguineos quoque in hac lege contineri. Admonuimus enim aliquando, ab agnatis consanguineos separasse Iureconsultos, quos Decemviri agnatorum nomine complexi sunt. Quinam autem agnati sui dicerentur, & quis filius dicatur agnatus patri, in eo capite exposuimus, quod de veris agnationum cognationumq; differentiis libro quinto Variorum inseruimus. Itaque si nemo suus esset hæres, lege Decemvirali ad agnatum proximum hæreditas intestati deuolvebatur, auctore Iustiniano, & in frag. Vlpian. titu. 26. hoc est, ad consanguineum, is enim agnatis reliquis gradu proximior est: siq; consanguineus non exstaret, ad agnatum post consanguineos proximum. Et tunc quidem si plures essent agnati proximiores, non in stirpes, sed in capita hæreditas diuidi solet. Veluti, si sit fratris filius, & alte-

DE SVCCES. AB INTEST.

rius fratris duo pluresve liberi, quot-
 quot sunt ab vtraq; parte personæ tot
 sunt portiones, vt singuli singulas ca-
 piant. d. tit. 26. Ideo in capita hæreditas
 hic diuiditur, quia quot sunt capita, tot
 sunt agnati diuersi: & quot sunt agnati
 proximi, tot fieri in huiusmodi hæredita-
 tibus portiones solent. Ideo non in stir-
 pes, quia fratris filij in patris succeſſio-
 ne patris sui personam non induunt, &
 in auita succeſſione nepotes faciunt,
 cum hæreditas in stirpes ſcinditur. Tunc
 enim quot filij familiæ, hoc est, quot di-
 uersæ stirpes ſint quæritur, quemadmo-
 dum in agnatorum hæreditatibus, quot
 agnati proximi, id est, quot capita. De
 libertis autem ecquid in duodecim fue-
 rit, Vlpian. expoſuit tit. 27. Ita demum,
 inquit, lex duodecim tabularum ad hæ-
 reditatē liberti vocat patronum, ſi inte-
 ſtatus mortuus eſſe libertus, hærede ſuo
 nullo relicto. Idq; etiā alio loco idem Vlpianus teſtatus eſt. c. 3. de ſuis & legit.
 Deniq; ad liberos patronorum hæredi-
 tas deſuncti liberti ita pertinebat, vt in
 capita, non in ſtirpes ea diuideretur, au-
 ctore eodem Vlpian. d. tit. 27.

C A P.

C A P. X X.

De connubio patrum.

IN duodecim tabulis scriptum fuisse, ne patricijs cum plebeijs connubium esset, non Dionysius solum libr. 11. sed Liuius etiam testatus est libr. 4. Auctor est idem Liuius, anno ab vrbe condita 309. M. Genutio & P. Curiatio, vel (vt alij malunt) C. Curtio Co s s. de connubio patrum & plebis C. Canuleium Tribunum plebis rogationem promulgasse, qua contaminari sanguinem suum patres, confundique iura gentium rebantur. Et refert quidem in eadem oratione Canuleius, ne connubium patribus cum plebe esset, hoc ipsum Decemuiros tulisse, pessimo exemplo publico, cum summa iniuria plebis, nullamque esse maiorem, aut insigniorem contumeliam posse, quam partem ciuitatis velut contaminatam, indignam connubio haberi, idq; nihil esse aliud quam exilium intra eadem moenia, quam relegationem pati. Sanè idem Liuius ideo Decemuiros huiusmodi connubium nō. permisisse ait, ne incerta

prole auspiciâ, quæ nemo plebeius habere poterat, turbaretur. Et quia plebs ad id maxime indignatione exarsit, quod auspicari, tanquam iniussa Dijs immortalibus, negaretur posse, certe non ante finis contentionum fuit, quam victi tandem patres, ut de connubio ferretur concessissent. Et tunc quidem lex ista Decemviralis repudiata sublataque fuit rogatione Tribunitia.

C A P. X X I.

De diuortijs.

CUM res Romana, regnante Romulo, adeo esset valida, ut ea cuilibet ciuitatum finitimarum par esse videretur, sed penuria mulierum hominis duntaxat ætatem duratura: tunc ex consilio patrum Romulus legatos circa vicinas gentes, misit, qui societatem connubiumque nouo populo peterent. Et cum nusquam benignè legatio audita esset, ad vim spectare res cœpit: cui tempus locumque aptum ut daret Romulus, ægritudinem animi dissimulans, ludos ex industria parat Neptuno equestri solen-

solennes : Consuala vocat. Indici deinde finitimis spectaculum iubet. Vbi spectaculi tempus venit, tum ex composito orta vis : signóq; dato iuuentus Romana ad rapiendas iure matrimonij virgines discurret. Idq; testatus est non Liuius solùm, sed etiam Tertullianus, in libr. aduersus Valentinianos. Tunc, inquit, illi Sabinas raptas iure matrimonij plaudent. Et quia feliciter raptus, Sabinarum Romulo successerat, ideo ab eodem Rege fuisse arbitror institutum, vt non vero, sed simulato quodam, raptu omnis legitimi connubij ritus perageretur. Quo quidem tempore ea fuisse videtur matrimonij contrahendi ratio, vt vsu quisq; virginem ex gremio matris, aut ex proxima necessitudine vi simulata raptam, non aliter suam faceret, quàm Romana pubes Sabinas olim virgines suas vsu fecerunt. Idq; omnino mihi visus est voluisse Festus, cum ita scriberet : Rapi simulatur virgo ex gremio matris, aut si ea non est ex proxima necessitudine, cum ad virum trahitur, quòd videlicet ea res feliciter Romulo cecisset. Rapiundæ autem vi simulata vir-

stum, & licitum, ne dixerim penes Deum. Hæc ille. Ecquid autem hæc verba: Et nunc quoque apud ipsos Romanos iustum, & licitum, aliud significant quæso, quam in locum veri raptus apud Romanos simulatum quendam raptum in nuptijs surrogatum fuisse? Proinde usu olim vxorem in hunc modum acquiri solitam, eamque antiquissimam fuisse connubij legitimi rationem, dubium non est. Fuit etiam alia contrahendi matrimonij ratio, quæ ut in Topicis scribit Boëtius, confarreatio dicebatur, & solis Pontificibus conueniebat, hoc est, ut ego interpretor, per solos Pontifices peragebatur. Qualis autem confarreatio huiusmodi fuerit, euidenter in fragmentis exposuit Vlpianus titul. 9. Farre, inquit, conuenitur. in manum certis verbis, & testibus decem præsentibus, & solenni sacrificio facto, in quo panis quoque farreus adhibetur. Et quia Deos fruge colere, molâq; salsa supplicare, & far torrere, Numa primus apud Romanos instituit, auctore Plinio libr. 18. c. 2. ideo certissimum est, hanc confarreationem à Romulo institutam non esse.

DE DIVORTIIS.

esse. Quid igitur si Numam eius esse auctorem dicamus? Subsisto, nec quicquam definitio, quamvis Dionysius libr. 2. referat, Romanos priscos sacras nuptias confarreationem appellasse. Illud interim certissimum est, ante coemptionem in usu confarreationem fuisse. Idq; obscurè satis Cicero demonstrat, in ea quam pro Murena scripsit oratione, Iurisconsultos stomachosius, quam virum constantem deceat exagitans. Ait enim sacra interire maiores noluisse: Iureconsultorum ingenio senes ad coemptiones faciendas, interimendorum sacrorum causa repertos esse. Quò in loco dubium non est, quin per sacra confarreationem Cicero intellexerit, quam introducta coemptione in desuetudinem sensim abijisse, cum Tacito contendit. Nam quòd eo in loco de coemptione illa senserit, quain manum solet conveniri, argumento sunt hæc eiusdem Ciceronis verba subsequencia: *Vt quia in alicuius libris exempli causa id nomen inveniunt, putarunt omnes mulieres quæ coemptionem facerent, Gaias vocari.* Nam si, quod Festus Pompeius libr. 7. scribit, Tanaquil

vxor

Vxor Tarquinij Prisci, vt Romam venit
Gaia Cæcilia fuerit appellata, tantæq;
probitatis habita, vt id nomen boni o-
minis cāussa frequētarent nubentes, vi-
delicet vt Plutarchus ait, hunc in mo-
dum: Vbi tu Gaius ego Gaia: certè quod
Cicero de Gaia dixit, id à Gaia Cæci-
lia originem trahere, & per consequens
ad cōemptionem illam, qua in manum
cōuenitur, pertinere, dubium non
est. Cū igitur sacra dixisset Cicero
maiores interire noluisse, haud dubiè
per sacra, confarreationis vinculum,
quo nihil in omnibus sacris quicquam,
auctore Plinio, fuit religiosius, intelle-
xit. Non enim putò, quenquam tam sto-
lido hebetique ingenio esse, vt existimet
Ciceronem contendisse, Iurisconsulto-
rum ingenio omnia sacra esse interem-
pta. Quod autem idem Cicero, senes
reptos esse ad cōemptiones facien-
das ait, illud eò referri debere, vt in
cōemptionibus non ijs solum quibus in
manum conuenitur, sed omnibus etiam
quibus venale quid proscribitur, senes
adhibiti fuisse videātur, aperte demon-
strat M. Curius, Ciceroni hunc in mo-
dum

dum scribens : Ergo fructus est tuus, mancipium illius : quod quidem si inter senes coëmptionales venale proscripserit, egerit non multum. Exstat hæc epistola apud Ciceronē lib. 7. epist. famil. Proinde rectissimè in Ciceronis Topicis adnotasse mihi videtur Boëtius, tribus modis vxorem haberi, vsu, farre, coëmptione. Idq; etiam aduersus gentes lib. 4. testatus est Arnobius : Vxores, inquit, Dij habent, atque in coniugalia fœdera cōditionibus veniunt antè quæsitis : vsu, farre, coëmptione genialis lectuli sacramenta conducunt : habent speratas, habent pactas, habent interpositis stipulationibus sponsas. Et quia raptus ille simulatus, de quo ex Apuleio, Tertulliano, & Festo, differuimus, nec confarreationi, neque coemptioni conuenit, idcirco illum rectissimè ad eam vxorum speciem retulisse mihi videor, quæ vsu habebantur. Vt igitur vsu vxor solennitatibus certis capiebatur, sic confarreatio, & coemptio, suas etiam solennitates habuerunt. Coemptio ita peragebatur, inquit Boëtius, vt in coëmendo se inuicem interrogarent: Vir i-
tai

ta: An sibi mulier materfamiliâs esse
vellet. illa respondebat, Velle. Item mu-
lier interrogabat: An vir sibi paterfa-
miliâs esse vellet. ille respondebat, Velle.
Eratq; mulier materfamiliâs viro, lo-
co filiz. Et fuit sanè tanta coemptionis
istiusmodi apud veteres auctoritas, vt
per coemptionem facto matrimonio,
vir & vxor sibi inuicem succederēt. Idq;
in illud Virgilij, *Externusq; in regnum que-
ritur hæres*, Seruium Honoratum adno-
tasse Contius obseruauit. Vlpiani etiam
testimonio id ipsum confirmatur, qui in
frag. tit. 2. 2. ita scribit: Sui autem hære-
des sunt liberi quos in potestate habe-
mus, tam naturales quàm adoptiui: item
vxor quæ in manu est, & nurus, quæ in
manu est filij, quem in potestate habe-
mus. Sed id quidem verum erat, dili-
genterque obseruabatur, si omnium tu-
torum consensu, mulier coemptione in
mariti manum conuenerat. Nam si vel
tutoris vnus in coemptione deesset
auctoritas, ius successionis huiusmodi
cessabat. Idque euidentissimè pro L.
Flacco docuit M. Cicero. Quum enim
eo nomine L. Flaccus esset accusatus,
quod

DE DIVORTIIS.

quòd eius sorore Valeria intestatò mortua, sic eam rem Flaccus egerat, quasi ad ipsum hæreditas pertineret, quum contrà certum esset eam iure coemptionis ad Andronem Sestilium Valeriæ maritum, omnino deuolutam esse: alia quidem ratione nulla Flaccum excusauit Cicero, quàm quòd esset sine Flacci, qui tutor erat, consensu peracta coemptio. Verba Ciceronis hæc sunt: At enim Androni Sestilio grauis iniuria facta est, & non ferenda, quòd quum esset vxor Valeria intestata mortua, sic egit eam rem Flaccus, quasi ad ipsum hæreditas pertineret. In quo quid reprehendas scire cupio: quòd falsum intenderit. quì doces? Ingenua, inquit, fuit. O peritum iuris hominem. Quid? ab ingenuis mulieribus hæreditates lege non veniunt? In manum, inquit, conuenerat. Nunc audio: sed quæro, vtrum vsu, an coemptione? vsu non potuit: nihil enim potest de tutela legitima sine omnium tutorum auctoritate diminui. Coemptione? omnibus ergo auctoribus: in quibus certè Flaccum fuisse non dices. Hæc Cicero. Diximus quibus olim

lim modis contrahi, nunc videndum quibus dissolui connubium soleat. Et quidem usu vxor, usurpatione vxor esse definit: confarreatio, vt diffarreatione, sic coemptio remancipatione dissoluebatur. Quæ usu vxor erat, antequam esset vsucapta, si trinoctium à viro, usurpandi causa abfuisset, lege duodecim tabularum usurpata dicebatur. Usurpatio vsucapionis interruptionem significat, non vi quidem & proprietate verbi, sed per consequentiam. Si enim id quod possideo, necdum tamen vsucepi, ab aliquo solenniter usurpetur, siue apprehendatur, is si eius rei dominus est, possessionem meam sua usurpatione interrumpit. Quia igitur mulieres in potestate aut mariti, aut parentum, vel tutorum erant perpetua, idcirco usu vxor nondum vsucapta, ante annum à marito discedens, usurpabatur, hoc est, à parentibus, aut si illi non essent, à tutoribus solenni quadam ratione apprehendebatur, & mariti potestate liberabatur, si ab eo trinoctium abfuisset. Et hoc inde potissimum, quòd in veri locum, simulatus ille raptus, quo usu vxores

O

habe-

D E D I V O R T I I S .

habebantur, successerat. Quemadmodum igitur Sabinæ virgines , quæ domum raptoribus inscijs fugiebant, vsurpabantur , hoc est, ab ijs apprehendebantur, quorum antea in potestate fuerant: sic vsu vxor statim, quum à viro trinoctium abfuisset, vsurpandi gratia, vsurpata dicebatur. Ita enim esse accipiendum non dubito, quod ex Q. Mutio de vxore, quæ per trinoctium à viro abfuerat, lege 12. tab. vsurpata Gellius lib. 3. cap. 2. & Macrobius lib. 1. cap. 3. tradiderunt. Idq; non intellexisse visus est, quisquis ille fuerit, qui Gellium suis proprijs, & satis interdum friuolis, singulorum capitum argumentis illustrare conatus est. Porro confarreatione matrimonium contractum diffarreatione dissolui solitum Festus obseruauit, qui diffarreationem genus fuisse ait sacrificij, quo inter virum & mulierem fiebat dissolutio: idcirco sic appellatam, quia fiebat farreo libo adhibito. Et ita quæ farreo libo, hoc est, confarreatione facta erat in manus conuentio, eadem farreo libo, id est, diffarreatione dirimebatur. Et quia nihil tam naturale est, quàm

vnum-

vnunquodque eo modo dissolui, quo ligatum est, ideo etiam non vsus vsurpatione tantum, non confarreatio diffarreatione duntaxat, sed & coemptio dissolui remancipatione solet. Testis est enim idem Festus, remancipatam Gallum Aelium eam definiuisse, quæ mancipata sit ab eo, cui in manum conuenerat. In coemptione autem quandam quasi in manus traditionem interuenire solitam, testatur expressè Symmachus, hunc in modum de Fulvio quodam scribens libr. 2. epistol. Sororem Pompeiam olim viro maturam, te auspice in manus optat accipere, nec genere minor, & re fortassis vberior. Huc spectat quoque Terentij illud in Andria:

Hanc mihi in manum dat, mors continuo ipsam occupat.

Igitur quæ coemptione in contrahendo matrimonio mulier mariti in manum tradebatur, eadem illa in dissoluendo remancipabatur, hoc est, manu ab eo reddebatur, in cuius manum conuenerat. His ita expositis, videamus ecquid de diuortijs amplius in duodecim fuerit. Cuiacius se primum ait obseruasse,

O 2 diuor-

DE TIGNO IUNCTO.

diuortia fieri ex duodecim tabul. Auctoréque laudat Caium cap. penult. Ad L. Iul. de adult, & Ciceronem in 2. Philip. Mimam illā, inquit Cicero, suam res suas sibi habere iussit, ex duodecim tab. clauis ademit, exegit. Sanè consuetudinem fuisse scribit Festus, mulieribus donare clauim ob significandam partus facilitatem. Igitur mulieri quæ data fuerat in contrahendo clauis, eam adimi in dissoluendo matrimonio, Decemuiui voluisse visi sunt.

CAP. XXI.

De tigno iuncto.

LEGEM de tigno iuncto Decemuiralem, his conceptam verbis fuisse, vir ille eruditissimus obseruauit, qui primus Festum temporis iniuria deprauatissimum, integritati summa diligentia conatus est restituere: **TIGNVM IUNCTVM AEDIBVS, VINÆAIQVE, ET CAPVLO NE SOLVITO.** De qua lege sic scribit Vlpianus: Lex duodecim tabulis, neque soluere permittit tignum furtiuū ædibus iun-

iunctum, neque vindicare. Quod pro-
uidenter lex effecit, ne vel ædificia
sub hoc prætextu diruantur, vel vinea-
rum cultura turbetur: sed in eum qui
est conuictus iunxisse, in duplum dat a-
ctionem. cap. 1. de tigno iuncto. Lex i-
gitur duodecim tabularum non per-
mittit ad hoc soluere furtiuum tignum
ædibus iunctum, vt possit solutum vin-
dicari. Sic enim hæc Vlpiani verba esse
accipienda Paullus me docuit, qui de
tigno ædib. iuncto, ad exhibendum ideo
agi non posse contendit, quia: lex 12.
tab. illud solui vetat, cap. 6. Ad exhib. Ei
siquidem qui vindicare non potest, uti-
que nec ad exhibendum agere permit-
titur, hoc est, vt Vlpianus sentire vide-
tur, ad soluendum tignum ædibus iun-
ctum experiri: non est enim alius huius-
modi ad exhibendum actionis effectus.
Rursus, idem Paullus tignum ædibus
iunctum posse vindicari, idq; Decem-
uiros etiam non ignorasse alio loco te-
statur, cap. 98. in fin. de solut. Et hoc
tunc etiam verum esse idem Paullus ait,
cùm aduersus eum est actio, qui sciens
alienum ædibus suis tignum iunxit, cap.

18. §. tignum. de rei vind. Igitur ad exhibendum agitur de tigno iuncto interdum inutiliter : agi quoque interdum potest vtiliter. Inutiliter quidem, quum aduersus eum experimur, qui ignorans alienum iunxit. Ideo enim inutilis est hæc actio, quia id quod iunctum est, aliter vindicari non potest, quam si solutum fuerit. Qui igitur ad exhibendum aduersus eum experitur, qui ignorans iunxit, vtique hoc videtur intendere, vt quod iunctum est, dissoluatur, & dissolutum exhibeatur. Lex autem vetat dissolui: igitur inutilis est hoc casu ad exhibendum actio. d. cap. 6. & cap. 7. §. cum in suo. de acq. rer. domin. Aliud autem est, si aduersus eum sit actio, qui sciens alienum iunxit. Tunc enim recte ad exhibendum agitur, d. §. tignum. Non ita quidem, vt quod iunctum est dissoluatur: id enim fieri non potest, quia id fieri lex vetuit: verum ita, vt cum qui iunxit, sic conueniamus, quasi dolo malo fecerit, quò minus possideat, auctore Vlpiano cap. 1. de tig. iuncto. Igitur quæ ipso iure ad exhibendum actio propter Decemviralem hanc legem inutilis est, eadem

eadem illavtillis ex scientia, eiúsque qui iunxit mala fide, efficitur replicationis auxilio. Itaque si tignum meum petam exhiberi, quod ædibus tuis iunxisti, & tu dixeris illud te non possidere, nimirum propter mutatum habitum, iam si bona fide iunxeris, evanescit ipso iure proposita ad exhibendum actio: sin vero scientiam tuam culpam, teque non possidere quidem, sed dolo malo fecisse, quò minus possideres contendam, utilis efficitur huiusmodi replicationis auxilio, quæ antea ipso iure nulla erat, ad exhibendum actio: qua quanti intersit mea tignum iunctum non fuisse fortasse consequar. cap. 3. §. sciendum est autem. & §. ibidem. versic. de quibusdam. Ad exhib. cap. 18. in prin. de dol. mal. Et ita conciliandos esse illos prudentes iuris non dubito, qui de tigno iuncto nonnullas scripsisse antinomias existimantur. Ceterum vindicari tignum aliter non potuit, quam si solutum esset. Quæ enim iuncta sunt ædibus, separata duntaxat dominum vindicare posse Ulpianus testatur. cap. 7. de except. rei iud. Idq; Decemuiros non

ignorasse etiam Paullus admonuit, quâ-
vis interim illa solui, iidem Decemviri
prohiberent. cap. 98. in fin. de solut. Eo-
que mihi etiam visus est Vlpianus re-
spexisse, quum ita scriberet: Sed si pro-
ponamus tigni furtivi nomine ædibus
iuncti actum, deliberari poterit an ex-
trinssecus sit rei vindicatio: & esse non
dubito. 2. de tigno iuncto. Sensus enim
est, si tigni iuncti nomine sit actum, le-
gis de tigno iuncto actione, an & eadem
quoque actione possit tignum quod
iunctum non est peti, an verò separatim
debeat vindicari? Et extrinssecus qui-
dem vindicationem esse definit Vlpia-
nus. Ea autem extrinssecus vindicantur,
quæ ædibus non inhærent. Idq; Cice-
ronis auctoritate confirmatur, qui sic
de Orat. scribit: Extrinssecus autem as-
sumuntur, cum ea quæ sunt foris, neque
inhærent, in rei natura colliguntur. Huic
adde illud eiusdem de Finib. Et nunc
quidem quod vitem tuctur, est id ex-
trinssecus, id est, nō in ipsa vite. Ex quibus
locis perspicuum satis est, quæ tigna æ-
dibus non inhærent, siue soluta, siue
nondum iuncta fuerint, ea rectè dici ex-
trinsc-

trinfecus vindicari. d. cap. 2. Tignum igitur aliud quàm quod folutum, aut necdum iunctum eft, vindicari nullum poteft. Legis autem actio de tigno iuncto, in duplum competit. Videamus quid appellatione tigni in hac lege contineatur. Quidam vir eruditus, tigni appellatione in hac lege, ea duntaxat tigna contineri fufinet, quibus ædes ruinofæ fulciuntur. Id fi verum eft, ftupiditatis igitur legis huius interpretes Caius, Paullus, & Vlpianus infimulantur, qui non tigni folum, fed etiam huius tigni, cuius in hac lege mentio fit, appellatione, omnem materiam fignificari tradiderunt, ex qua ædificia fiunt, ædificia constant, non autem fulciuntur. d. cap. 62. ¶ d. c. 7. & cap. 7. §. appellatione. de acq. rer. domi. Quid? anne tigni vocabulo in hac lege tegulam, lapidem, testam, immo calcem & arenam, ceteraque fi qua ædificijs fiunt vtilia, contineri fcripfit Vlpianus? cap. 1. de tign. iuncto. Profectò puerilis eft error, & non ferendus, fi quis hæc omnia duntaxat fulciendis ædibus ruinofis dixerit accommodari. Quòd fi me rogites,

DE TIGNO IUNCTO.

cur Decemuii contrarium ius in ædibus & in nauibus statuerint, negabo, quicquam de nauibus Decemuiros iuris constituisse, sed de tigno duntaxat ædibus, vineis, & capulis iuncto. Quod ius si Decemuii non scripsissent, fortè dubium non esset, quin quod in nauibus æquum prudentibus visum est, idem in ædibus quoque, in vineis, & in capulis obseruaretur. Cur autem passi non sint Decemuii, tignum ædibus, vineis, & capulis iunctum dissolui, hæc ab Vlpiano prodita est ratio, ne videlicet sub hoc prætextu ædificia diruantur, vel vinearum cultura turbetur. d. c. i. Et quia capulum illud esse scribit Festus, quo mortui efferuntur, profectò mirum non est, capulum ex alieno tigno factum dissolui non magis potuisse, quàm tignum ædibus, aut vineæ iunctum: fortassis ne funus impediatur, quod excusationem in ius vocato iustam & idoneam tribuit: neve iusta hominis mortui turbentur. Animaduerti mortuorum cadauera, aut ynco trahi, aut efferri capulo consueuisse. Et eorum quidem quibus iusta fieri poterant cadauera, solenni pompa capulo,

capulo ad rogam efferebantur: aliorum
verò quibus lege iusta fieri erat prohi-
bitum, quòd improbi ac nefarii iudica-
rentur, vncò trahebantur: quiq; trahe-
bant, Hamotrahones dicebantur, au-
ctore Festo. Quò spectat illud Seneca,
epist. libr. 14. epistola. 93. Non conteret,
inquit, me nec vncus, nec proiecti ad
contumeliam cadaueris laceratio, fœ-
da visuris. Eoque etiam respexisse visus
est idem Seneca, de Ira libr. 3. vbi sic
de ira eiusque apparatu loquitur: O-
stendenda est rabies eius effrenata &
attonita, apparatusque illi reddendus
est suus, eculeus, & fidiculæ, & ergastula,
& cruces, & circumdati defossis corpo-
ribus ignes, & cadauera quoq; trahens.
vncus, varia vinculorum genera, lacer-
ationes membrorum, inscriptiones fron-
tis, & bestiarum immanium cœuernæ.
Nec aliò quidem referendum videtur,
quòd nulla homini fulminibus occiso
fieri iusta potuisse testatus est libr. 13.
Pompeius Festus: Homo, inquit, si fulmi-
ne occisus est, ei iusta nulla fieri oportet.
& ait, Hominē fulminibus occisum
supra genua tolli vetuisse his verbis Nu-
mam

DE TIGNO IUNCTO.

mam Pompilium: SI HOMINEM FUL-
 MINIBVS OCCISIT, NE SVpra
 GENVA TOLLITO. Credebantur e-
 nim huiusmodi homines ira quadam
 vindictæque diuina è medio tolli, & id-
 circo nulla parentatione digni. Igitur
 homo fulmine occisus supra genua tol-
 li, idcirco non potuisse videtur, quia ei
 iusta fieri nulla poterant. Opinor quòd
 hi duntaxat supra genua tollerentur,
 quibus iusta fieri poterant: reliqui ve-
 rò supra genua non tollerentur. Et hoc
 inde potissimùm, quòd qui capulo ef-
 ferebantur, non capulo humeris, vt a-
 pud nos moris est, imposito efferri so-
 leant, sed in eam ni fallor altitudinem
 à terra capulo leuabantur, vt supra ge-
 nua duntaxat tollerentur. Quia igitur
 occiso fulminibus homini iusta fieri
 nulla poterant, certissimum est, ideò et-
 iam nōluisse eum supra genua tolli
 Pompilium; siquidem qui supra genua
 tollebantur, capulo efferebantur. Et
 quia hi solùm capulo efferri poterant,
 quibus fieri iusta permissum erat, rectè
 hinc ratiocinabimur, capulo propterea
 homines fulminibus occisos non ela-
 tos,

tos, nec per consequens supra genua sublatos, sed vnco velut sceleratos homines & impios tractos fuisse. Quid autem, si per capulum, non id solum quo mortui efferuntur, sed etiam ipsum sepulchrum intellexerimus? Nihil esse quod reprehendi possit, existimo. Antiquos enim sarcophagum etiam capulum appellasse, præter Nonium Marcellum testatur Apuleius libro decimo de asino aureo: Ecce, inquit, pater suus, ipse manibus cooperculo capuli remoto commodum discusso mortifero sopore, surgentem postliminio mortis deprehendit filium. Eoque sensu capulum accepisse visus est etiam Tertullianus in libro de carnis resurrectione. Deus verò, inquit, animæ suæ umbram, Spiritus sui auram, oris sui operam, vilissimo aliqui commiserit capulo? Aut igitur per capulum, id quo mortui efferuntur, cum Festo intelliges, aut certè cum Nonio Marcello ipsum sepulchrum ex alieno tigno factum.

CAP. XXIII.

De frugum excantationibus.

IN hoc Decemuiros reprehendit Seneca, libr. 4. naturalium quæstionum, cap. 7. quòd illi cantibus attrahi imbres, & repelli crediderint. At Cleonæ, inquit, iudicia reddebant, in illos, quibus delegata erat cura prouidendæ tempestatis, quòd negligētia eorum vineæ vapulassent, aut segetes procidissent. Et apud nos in duodecim tabulis cauetur, ne quis alienos fructus excantassit. Rudis adhuc antiquitas credebatur & attrahi imbres cantibus, & repelli: quorum nihil posse fieri tam palam est, vt huius rei causa nullius Philosophi schola intranda sit. haec Seneca. Esse autem in duodecim tabulis legem, qua fruges vetantur excantari, non Seneca duntaxat, sed & Plinius quoque libr. 28. cap. 7. his verbis expressè testatus est: quin etiam & legum ipsarum in duodecim tabul. verba sunt, QUI FRUGES EXCANTASSIT. & alibi, QUI MALVM CARMEN INCANTASSIT. Atque huius quidem legis in prima apologia me-

meminit etiam Apul. & qua ratione fruges soleant excantari eleganter hunc in modum docet: Magia ista res est delegata legibus iam inde antiquis duodecim tabulis, propter incredundas frugum illecebras interdicta. Igitur & occulta, non minùs quàm tetra, & horribilis, plerunque noctibus vigilata, & tenebris obstrusa, & arbitris solitaria, & carminibus murmurata, cui non modò feruorum, verum etiam liberorum pauci adhibentur. Prohibuerunt igitur Decemuiri fruges excantari, eumque qui fruges excantasset, Cereri sacrum esse, eosdem Decemuiros voluisse, auctor est in Virg. Seruius.

C A P. X X I V.

De damno dato.

V I D E T U R in duodecim tabulis scriptum fuisse, S I R U P I T I A S, S A R C I T O. Rupitias enim in duodecim damnum dederis, & sarcito damnum soluito, significare, ex Seruio Sulpitio annotauit Festus. Igitur Decemuiri damnum non iniuria, sed negligentia datum sarciri, hoc est, solui, siue præstari duntaxat,
 sine

D E D A M N O D A T O .

sine castigatione aliqua voluerunt. cap. 9. de incend. ruina, naufrag. Ceterum qui ædes acervumve frumenti iuxta domum positum sciens prudens combussit, is vincitus, verberatus, igni necari lege Decemviri iubetur. d. cap. 9. quem postea, si humiliore loco, esset, bestiis obiectum; sin verò in aliquo gradu, capite punitum, aut in insulam deportatum fuisse, Vlpianus testatur, cap. ult. d. tit. Incendium autem nullum sine culpa fieri posse, hoc est, sine negligentia, Alphenus notat, cap. 11. de per. & com. rei vend. Et ob id ex incendio culpa facto, si quidem ea latior esset, de damno iniuria dato, ex lege Aquilia; sin leuior, ex duodecim tabulis agi solet, cap. 1. Ad l. Aquil. His adde, si quadrupes pauperiem fecerit, etiam ex lege duodecim tabularum actionem sic descendere, vt eadem lege aut dari id quod nocuit, id est, animal q̃ noxiam commisit, aut æstimationem noxiæ offerri necessum fuerit, cap. 1. Si quadr. paup. feciss. dic. Fuisse denique in duodecim tabulis de feruorum noxijs aliquid cautum, indicat Iustinianus, in §.

Sunt

Sunt autem. Instit. de noxal. act. Scribit etiam Vlpianus, si seruus sciente domino furtum fecit, vel aliam noxam commisit, serui nomine ex duodecim tabulis actionem esse noxalem, nec dominum suo nomine teneri. cap. 2. de noxal. act.

C A P. X X V.

De iniurijs, & famosis libellis.

CELLIVS auctor est: libr. 20. cap. 1. In duodecim de iniuria punienda sic scriptum fuisse: SI INIVRIAM ALTERI FAXIT, VIGINTIQUINQUE AERIS [POENAE SVNT O. Quam legem Sextus Cecilius, & Sextus Pompeius Festus sic interpretati sunt, ut per viginti quinque aeris poenas intellexerint viginti quinque asses. Scribit idem Gellius, Lucium quendam Neratium hominem egregie improbum, & immani vecordia, pro delectamento habuisse, os hominis liberi manus suae palma verberare, & quemcunque depalmauerat, ei statim numerari secundum duodecim tabulas quinque & viginti asses iussisse. Propterea, inquit, Praetores poenam hanc obsolescere, & relinqui

DE INIUR. ET FAM. LIBEL.

linqui censuerunt, iniurijsq; æstimandis recuperatores se daturos edixerunt. Ceterum de membro rupto sic Decemuiros scripſisse, apud eundem Gellium legimus : *Si membrum rupit meum, è pacto talio esto.* Sed caput istud mendosum esse, quis est qui non videat? Illud iam pridem Iacobus Cuiacius obseruauit sic esse restituendum : *SI MEMBRUM RUPIT, NI CVM EO PACIT, TALIO ESTO.* Elegans restitutio. Quis enim non videat, ex his duabus dictionibus *nicum*, conflatum fuisse illud *meum*, quod in vulgari editione pãssim exstat? Talionis, inquit Festus nouissimè restitutus, mentionem fieri in duodecim ait Verrius, hoc modo : *Si membrum rupit, nicum eo pacit, talio esto.* neque id quid significet indicat, puto quia notum est : permittit enim lex parem vindictam. Huc spectat illud Senecæ de Ira libro 2. cap. 32. Inhumanum verbum est, & quidem pro iusto receptum, ultio & talio, non multum differt nisi ordine. Porro propter os fractum, non talionis, sed nummarias pœnas fuisse in duodecim constitutas, Gellius & Iustinianus con-

consentiunt. Nunc antequam ad legem de famosis libellis Decemviralem veniam, exponendum est, ecquid de arboribus furtim cæsis statuerint Decemviri. Plinius libr. 17. cap. 1. cautum fuisse duodecim tabulis ait, ut qui iniuria cecidisset alienas arbores, lueret in singulas pœnas æris vigintiquinque. Sic enim legendum est apud Plinium, non ut passim legitur, *Lueret in singulas æris vigintiquinque.* Sed quemadmodum in alijs iniurijs, ita & hîc à Prætoribus alia pœna statuta fuit, ad quam pœnalis in duplum actio arborum furtim cæsarum est introducta. capit. 8. Arbor. furt. cæsar. His addendum est, quod de frugibus aratro quæsitis, hunc in modum idem Plinius scribit, libro 18. capit. 3. Frugem, inquit, aratro quæsitam, nocte pavisse & secuisse, puberi duodecim tabulis capitale erat, suspensumque Cereri necari iubebant, gravius quam in homicidio convictum: impuberem Prætoris arbitrata verberari, noxiâve duplionemve decerni. Quo in loco pro *noxiâve duplionemve decerni*, legendum mihi videtur, *noxiâve duplione*

P 2 decer-

decerni. Nam cum sola noxia decernitur, nihil de poena statuitur, cum duplio noxia praestari iubetur, & simul poena decernitur. Balduinus noster antiquitatum illustrator vigilantissimus, de famosis libellis tam scripsit accuratè, ut non magnoperè hinc esse mihi laborandum putem. Ait Ciceronem libr. 4. de Repub. sic scripsisse: Nostræ contra duodecim tabulæ cum per paucas res capitale sanxissent, in his hanc quoque sancientiam putauerunt: si quis occentauisset, actitauisset, siue carmen condidisset, quod infamiam faceret, flagitiumque alteri precaretur. Ex quo loco dubium non est, quin libelli famosi poena capitalis fuerit, hoc est, supremi supplicij. Nam quod quidam ait, capitis poenam non mortem tantum, verumetiam statum & dignitatem respicere, id certè ad rem non pertinet. Decemuirorum siquidem temporibus nulla erat relegatio, nulla proscriptio, nulla deportatio, & idcirco qui capitis damnabatur, ad mortem condonari debebat. Igitur hanc infamiam summo supplicio vindicasse videntur Decemuires. Nec moueor
au-

auctoritate Vlpiani, quem audio cap. 5. de iniurijs tradidisse; eos qui famosum carmen, libellósve famosos scribunt, ex lege intestabiles esse. Illud enim non ad Decemviralem legem, sed ad quoddam Senatusconsultum spectat, cuius idem Vlpianus alio loco meminit: Si quis, inquit, ob carmen famosum damnetur, Senatusconsulto expressum est, ut intestabilis sit. cap. 18. de test. Et eò quidem referendum videtur, quod hunc in modum Arnobius scribit aduersus gentes libro quarto: Carmen malum conscribere, quo fama alterius coinquinetur & vita, Decemviralibus scitis euadere nolulistis impunè: ac ne vestras aures conuitio aliquis petulantiore pulsaret, de atrocibus formulas constituistis iniurijs. Verba legis 12 tabul. de famosis libellis, sic esse restituenta obseruaui: SI QVIS OCCENTASSIT, ACTITASSIT, SIVE CARMEN CONDIDISSIT, QVOD INFAMIAM FACERET, FLAGITIVMVE ALTERI PRECARETVR, CAPITE POENAS LVITO. Occentassint antiqui dicebant,

cebant, inquit Festus, quod nunc con-
uicium fecerint, dicimus: quòd id cla-
rè & quodam canore fit, vt procul ex-
audiri possit: quod turpe habetur, quia
non sine caussa fieri putatur. Et hæc mi-
hi sufficere videntur, ad interpretatio-
nem legum Decemuiralium quæ de in-
iurijs latæ sunt.

C A P. XXVI.

De furtis.

DECEMVIRI tres furtorum spe-
cies constituunt, manifestum, nec
manifestum, conceptum: addidère
Prætores quartam, eamque oblatum
nominant. Decemviri furem qui ma-
nifesto furto prehensus esset, occidi
tunc permiserunt, si quum faceret fur-
tum, nox esset, aut interdum se telo cum
prehenderetur, defenderet. Ex ceteris
autem manifestis furibus, liberos ver-
berari, addicique iusserunt ei, cui factum
furtum esset, si modò id luci fecissent,
neque se telo defendissent: seruos item
furti manifesti prehenso, verberibus
affici, & e saxo præcipitari: sed pueros
inpu-

impuberes Prætoris arbitrato verberari voluerunt, noxamque ab his factam sarciri. Alijs deinde furtis omnibus, quæ nec manifesta appellantur, pœnam imposuerunt dupli. Hæc differit eleganter Gellius noctium Atticarum lib. 11. cap. 18. Et Macrobius libr. 1. Saturn. hanc legis Decemviralis referens particulam, SI, NOX FURTUM FAXIT, ET IM ALIQUIPS OCCISIT, IVRE CAESVS ESTO, notandum esse ait, Decemuiros nox pro noctu, & im pro eum posuisse. Furtum autem conceptum, ac si manifestum foret, Decemuiros etiam vindicasse, idem Gellius auctor est. Ea quoq; furta, inquit, quæ per lancem liciumque concepta essent, perinde ac si manifesta forent, vindicauerunt. Quo quidem in loco nihil esse aliud furtum per lancem & licium conceptum suspicor, quam illud furtum, quod conceptum simpliciter à prudentibus iuris est appellatum. Lance, inquit Festus, & licio, apud antiquos dicebatur, quia qui furtum ibat quærere in domo aliena, licio cinctus intrabat, lancemq; ante oculos tenebat, propter matrum

familiæ aut virginum præsentiam. Vnde
 manifestum satis est, lancem liciumque
 nihil aut adiecisse, aut substantiæ con-
 cepti furti detraxisse, sed nudam dunta-
 xat furti inuestigandi rationem deno-
 tasse. Moris enim Decemuirorum tem-
 poribus fuisse videtur, vt si quis in ali-
 cuius ædibus furtum vellet quærere, il-
 lud faceret nudus, licio cinctus, & lan-
 cem ante oculos tenens. iuratusq; Deos
 legum custodes, sese reperiendi spe fur-
 tum quærere. Et tunc quidem alter ille
 apud quem furtum quærebat, do-
 mum suam ei qui furtum quærebat a-
 perire, & in obfignatis, & non obfigna-
 tis locis liberam furti inquirendi pote-
 statem facere cogeatur. Quem mo-
 rem primùm à Græcis vsurpatum, dein-
 de in Romanam Rempubl. olim inue-
 ctum fuisse, si quis fortè satis sibi non
 persuasuerit, inueniet Platonis de legi-
 bus librum duodecimum: in quo id ita
 perspicuè traditur, vt omnem auctor
 diuinus cum Festo, Gellio, alijsq; Latinis
 auctoribus collatus, dubitationis mihi
 scrupulum penitus exemerit. Igitur si
 conceptum furtum aliud nullum dici
 pos-

possit, quàm furtum quæsitum & inuentum, auctore Paulo, Sententiarum libr. 2. tituli 31. & Iustiniano, in §. conceptum. Iust. de obligat. quæ ex del. nasc. consequi rectè videtur, aliud quoque nullum dici posse furtum per lancem & licium conceptum, quàm furtum per lancem & licium quæsitum & inuentum. Et quia nulla temporibus Decemvirorum furta quæri sinit lance & licio in domo aliena poterant, ideo quoque nulla fuisse iisdem temporibus videntur concepta furta, quæ non per lancem & licium concepta dicerentur. At postea quàm furtorum quæstiones, hoc est, inquisitiones cum lance & licio euaniuissent, ut est apud Gellium libr. 16. cap. 10. tunc furta, quæ per lancem & licium concepta dicebantur, appellari concepta simpliciter cœperunt. Et ita quidem amplius nihil in effectu furti nomine per lancem & licium concepti Decemviri sunt complexi, quàm Prætores & Iureconsulti per furtum conceptum intellexerunt. Idq; mirum in modum confirmat idem Gellius. Cum enim à legè Decemvirali discessum esse, & ex

manifesto furto actionem in quadruplum competere demonstrasset, hæc verba subiicit: *Furti concepti, item oblati, tripli pœna est.* Quibus haud dubiè aliud nihil voluisse visus est, quàm sicut manifesti furti in quadruplum, sic furti concepti pœnam Decemviralem in triplum conuersam à Prætoribus fuisse. An autem in duodecim, de eo cuius opere, consilio, furtum factum esset, quicquam fuerit definitum, nihil certi existimo affirmari posse. Nam quod Festus, docens nec pro non veteres dixisse, in duodecim scriptum esse ait, *Si aderit furto quod nec manifestum erit*: illud mendosum esse indicant veteres libri, quibus in Festo restituendo Antonius Augustinus usus est. In ijs enim pro *aderit*, fuisse videtur scriptum *adorat*. Et quia adorare pro agere, interdum antiquos posuisse Festus testatur libro primo, idcirco sic hanc legis apud eundem Festum particulam esse restituendam existimaui: **SI ADORAT FURTVM QVOD NEC MANIFESTVM ESIT, DVPLIONEM LVITO**: & sic intelligendam, vt qui furtum nec manifestum fecit-

fecisset, duplo multaretur. Vfus in eadem significatione verbo adorare videtur in Octauio Minutius Felix: At enim, inquit, nos exequias adoramus, eadem tranquillitate qua viuimus? hoc est, exequias facimus, celebramus, eadem qua viuimus tranquillitate. Et hæc de furtis, de quibus pacisci Decemuiros etiam permisisse, passim traditum est.

C A P. XXVII.

De publicis iudicijs & capitalibus.

ESS E in duodecim tabulis de capite Romani ciuis ita scriptum, **DE CAPIT E CIVIS NISI PER MAXIMUM COMITIATVM NE FERVNT,** Cicero libr. 3. de legibus, auctor est. Qua quidem lege ante Decemuiroꝝ tempora vixdum in prouocatione vfi videntur Romani. Tunc enim horridi criminis legem in vfu fuisse huiusmodi Liuius testatur lib. primo: **DVVMVIRI PERDVELLIONEM IVDICENT. SI**

A DVVM-

DE PVB. IVDIC. ET CAPIT.

A DVVMVIRIS PROVOCARIT,
 PROVOCATIONE CERTATO. SI
 VINCENT, CAPVT OBNVBITO,
 INFELICI RES TE SVSPENDITO,
 VERBERATO VEL INTRA POMOE-
 RIVM VEL EXTRA POMOERIVM.
 Secundum quam legem, ait idem Li-
 vius, Tullum Hostilium Duumuiros, qui
 Horatio perduellionem iudicarent, fe-
 cisse: & alterum ex Duumuiris in con-
 demnando hac formula vsum esse: Pu-
 bli Horati tibi perduellionem iudico: Lictor col-
 liga manus. Cumque Horatius prouocas-
 set, de prouocatione statim certatum
 ad populum fuisse. Quid autem sit per-
 duellionem alicui iudicare, quid item
 perduellionis reum fieri, quia id igno-
 rari video, paucis hinc exponam. Et ani-
 maduerti quidem à viro quodam, vt
 mea opinio fert, nostrorum Iuriscon-
 sultorum longè ingeniosissimo, atque
 exercitatisimo, Liuium esse reprehen-
 sum in hoc, quòd ille nefarium illud Pu-
 blij Horatij, qui propriam sororem in-
 teremerat, scelus perduellionem appel-
 lauerit. Sed quia aliud est, perduellio-
 nem

nem alicui iudicare, aliud perduellionis accusare: sic Liuium esse defendendum puto, vt dixerit expresse, Duumuiros non perduellionis Horatium reū fecisse, aut condēnasse, sed Publio Horatio perduellionem iudicasse. Sanè ad legem duodecim tab. libro secundo scribit Caius, quos hostes nos dicimus, eos veteres perduelles appellasse, per eam adiectionem indicantes cum quibus bellum esset. cap. 234. de verbor. signif. Idque etiam Varro de lingua Latina lib. 4. & Festus libr. 8. de verborum significatione testati sunt. Multa verba, inquit Varro, aliud nunc ostendunt, aliud antè significabant: vt hostis. Nam tum eo verbo dicebant peregrinum, qui suis legibus vteretur: nunc dicunt eum, quem tunc dicebant perduellem. Et Festus: Hostis, inquit, apud antiquos peregrinus dicebatur, & qui nunc hostis, perduellis. Ex quibus quidem Varronis & Festi locis rectè colligi potest, non vt olim, sic nunc hostes Romani populi perduelles appellari. Siquidem, vt Vlpianus ait, is duntaxat perduellis nunc dicendus est, qui hostili animo aduersus

DE PVBL. IVDIC. ET CAPIT.

ius Rempub. vel Principem suum est animatus. cap. fin. Ad L. Iul. maiest. Igitur qui eo nomine accusatur, is recte perduellionis reus fieri nunc intelligitur: quemadmodum olim qui hostis iudicabatur, illi perduellio iudicari dicebatur. Proinde sic Liuium esse intelligendum puto, vt contenderit, eis qui horrendum aliquod crimen commiserant, perduellionem eo tempore solere iudicari: quo moris fuisse apud Romanos videtur, vt ciui Romano, de cuius capite iudicium erat, antè perduellio iudicaretur, hoc est, ciuium exemptus numero, patriæ hostis pronunciaretur, quàm capitale sumi de ciue Romano supplicium posset. Et hæc quidem interpretatio eò verisimilior videtur, quòd filium suum Horatium, populi fauore absolutum, Publius Horatius pater, quibusdam sacrificijs piacularibus peractis, transmissio per viam tigillo, capite adoperto, velut sub iugum miserit, auctore eodem Liuius. Quia igitur præter hostes nulli sub iugum mitti cōsueuerant, hinc rectè ratiocinabimur. ideo missum velut sub iugum à suo patre

tre Horatium fuisse, quia Horatio Duumviri perduellionem iudicauerant, hoc est, quia inter perduelles Romani populi Horatium referendum esse, deinde ut perduellem interimendum pronunciauerant. Et hæc ad legem illam horrendi criminis sufficiunt. Quæ lex Regum temporibus Romæ in usu fuisse, Regibusque exactis, vnâ cum reliquis legibus Regijs exoluisse lege Tribunicia videtur. Quo quidem tempore, suum semper esse de capite Romani ciuis iudicium, populus Romanus visus est primum voluisse. Et idcirco in huius Regiæ de horrendo crimine legis locum, aliam Decemviri legem surrogarunt, qua de capite ciuis nisi per maximum comitatum ne ferretur, continebatur. Eaque lege usus est Romanus populus semper constantissimè. Adeo quidem, ut contenderit actione quinta in C. Verrem expressè Cicero, facinus esse ab aliquo Pratore vel Præsede vinciri ciuem Romanum, scelus verberari, propè parricidium necari: quid dicam, inquit, in crucem tollere? Scribit etiam Pomponius, ne Consules per
omnia

DE PVB. IVDIC. ET CARIT.

omnia Regiam potestatem sibi vindicarent, lege lata factum esse, & ab eis prouocatio esset, néve possent in caput ciuis Romani iniussu populi animaduertere. Certè quia de libertatis ciuitatisque iure, non Prætoris, Consulis, aut Præsidis alicuius, sed populi solius iudicium erat. Proficiscar, inquit Cicero in Verrina quarta, eò quò me iam pridem vocat populus Romanus: de iure enim libertatis & ciuitatis suum putat esse iudicium, & rectè putat. Nunc videndum est, de eo qui hostem concitauerit, quive ciuem hosti tradiderit, quem capite puniendum Martianus scribit, idq; legem duodecim tabularum iubere. ca. 3. Ad L. Iulian. maiest. Et de eo quoque, qui ob rem dicendam pecuniam accepisse conuictus erat, capite puniendo lege quadam Decemuirali expressè caueri testatur Gellius libr. 20. cap. 1. Quod autem Martianus scribit, lege Iulia repetundarum eum teneri, qui cum aliquam potestatem haberet, pecuniam ob iudicandum, vel non iudicandum acceperit, cap. 3. Ad L. Iul. repetund. ex eo probari potest, lege Iulia repetundarum,

darum, legem hanc Decemviralem abrogatam fuisse : etiam ijs temporibus quibus M. Cicero Verrem accusavit. Ciceronis enim hæc verba sunt, in Actione prima : Cognoscet ex me populus Romanus quid sit, quod P. Septimio Senatore damnato, Q. Hortensio Præ-tore, de pecunijs repetundis lis æstima-ta sit in eo nomine, quod ille ob rem iudicandam pecuniam accepisset. Igitur qui lege Decemvirali capite plecti debebant Iudices corrupti, in eos lege Julia repetundarum non capite, sed ex-filio, vel etiam interdum durius, extra ordinem animaduersum fuit. cap. 7. §. hodie. Ad L. Iul. repetund. Et hæc hæc-tenus, quibus si addideris, passos non esse Decemuiros, de inaudito & indemnato supplicium sumi, idq; primùm ex Sal-uiano [Massiliensi Episcopo Cuiacium obseruasse, existimabo de legibus pu-blicorum capitaliumque iudiciorum Decemuiralibus, hic satis ab-unde disputatum esse.

MISCELLANEA QVAEDAM.

C A P. X X I I X.

Miscellanea quaedam.

IN hoc capite quædam Decemvira-
 lium legū fragmenta visum est adno-
 tare, quæ licet nullā interpretationem
 accuratam postulent, omitti tamen non
 potuerunt. Festus auctor est, Sanates
 dictos esse, qui supra infrāque Romam
 habitauerunt : idq; nomen his fuisse,
 quia cū defecissent à Romanis, breui
 post redierunt in amicitiam, quasi sana-
 ta mente. Itaque inquit, in duodecim
 cautum est, vt idem iuris esset Sanati-
 bus, quod fortibus, id est, bonis & qui
 nunquam defecerunt à populo Roma-
 no. De vnciario scœnore, cū ab alijs
 plurima sint adnotata, satis erit hoc lo-
 co admonuisse, Decemuiros, ne quis
 vnciario scœnore ampliùs exerceret,
 prohibuisse : idq; Cornelium Tacitum
 libr. 5. annalium scripsisse. De collegijs
 autem, & corporibus copiosos com-
 mentarios ediderunt viri aliquot eru-
 diti, qui præclaris Romanorum anti-
 quitatibus illustrandis sedulam operam
 nauant: quæ res efficit, vt eorum com-
 men-

mentarijs contenti, industriam nostram
in aliud tempus, & locum commodio-
rem reseruemus. Huc accedit, quòd in
vrbe coetus nocturnos agitari Decem-
uiri etiam prohibuerint: idq; ex Portio
Latrone quidam eruditi duodecim ta-
bularum interpretes diligenter obser-
uarunt. Plinius libr. 16. cap. 13. scribit
cautum fuisse lege duodecim tabul. vt
glandem in alienum fundum prociden-
tem liceret colligere. Interdixit etiam
Prætor de glande legenda. Vlpianus re-
fert, legem duodecim tabularum etiam
voluisse, vt quindecim pedes altius rami
circuncidantur: & hoc ideo effectum
esse ait, ne umbra arboris vicino prædio
noceret, cap. 1. de arb. cæd. Esse quoque
de pastu pecoris ex duodecim tabulis
actionem, non obscure significat idem
Vlpianus, cap. 14. §. vltim. de præscript.
verb. De statu liberis autem quid in 12.
fuerit, explicat his verbis Vlpianus in
fragmentis tit. 2. Sub hac conditione li-
ber esse iussus, si decem milia hæredi
dederit, & si ab hærede alienatus sit,
emptori dando pecuniam ad liberta-
tem perueniet, idq; lex duodecim tab.


Q 2 iubet,

MISCELLANEA QVAEDAM.

iubet. Denique de decimo mense, deq;
partu monstroso videndum est, si quid
duodecim tabul. caueatur. Et exstat qui-
dem apud Ciceronem libr. 3. de leg. lo-
cus, qui de monstroso partu. Decemui-
ros quicquam scripsisse tam obscure si-
gnificat, vt quidnam illud fuerit diuina-
re nequeamus. Quamuis interim homi-
nem in decem, non in vndecim mensi-
bus gigni, dubium non sit: idq; etiam in
duodecim tabul. Decemuiros scripsisse,
Gellius auctor est, libr. 3. cap. 16. A qua
lege decimum mensem natiuitatem le-
gitimam visus est appellasse Tertullia-
nus in libro de anima: Legitima, inquit,
natiuitas, fermè decimi mensis ingressus
est. Qui numeros ratiocinantur, decu-
rialem numerum, vt exinde reliquorum
parentem colunt, denique perfectorem
natiuitatis humanæ. Et hæc quidem ad
illa duodecim tabularum fragmenta,
quæ expressam aliquam legis senten-
tiam continent, mihi sufficere videntur.
De reliquis verò, nihil est quod hîc dis-
feratur. Siquidē in hoc libello conscri-
bendo nostra fuit intentio, leges aliquot
deprauatas restituere; restitutas, a-
liās-

liásque ab interpretibus non rectè, vt
 nobis videbatur, intellectas, breui qua-
 dam & perspicua interpretatione illu-
 strare: non autem, quæ ab alijs accura-
 tè & eruditè tradita sunt, iterum hic in-
 culcare, non singula duodecim tabulis
 verba, quæ sine aliqua legis sententia,
 passim apud auctores obuia sunt, ex-
 plicare. Nam id potius ab ijs est
 faciendum, qui commen-
 tarios verborum iu-
 ris conscri-
 bunt.

F I N I S





I E N A E

Apud T O B I A M S T E I N -
M A N ,
Impensis L E O N H A R D I V V I P -
P R E C H T S Bibliopolæ Ienensis.

A N N O

c I O . I O . x i v c .

